



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
320/A/2

320

Amer. Rm

ANGLER

Cologne, 1574?

Copy 2

The
10/3/99


19 a 4207


ANGLER

Copy 2


Tous les reues vendes de l'ist dinge Commene le
nou. Ilus auconlier bnf. bnd. Buidons de pint am
Bnd. de la mme Lur. La fenne Sufue bnf bnd.

19 a 4207





PET
TYR
DE IN
TIS



rodil
ac ten
etiam
cuent
quiu
arrem
cond
infid
lari, E
nalu
cer Ca
equi
vnu
pro
no
nur
Qu
spa

PETRVS MAR
TYR MEDIOLANEN.
DE INSVLIS NVPER INVEN-
TIS, ET DE MORIBVS INCO-
LARVM EARVNDEN.



X mearum Decadū libel-
lis in vulgus emissis colli-
gere licet, fugitiuos quos-
dam ad vicina Darienis ap-
pulsos, nostrorum libel-
los admirantes dixisse, ter-
ras se aliquādō incoluisse,
quarū habitatores instru-
mentis vterentur eiusce-
modi, ac politicē legibus parētes viuerēt: atriaq;
ac templa lapidibus cōstructa magnificē, plateas
etiam, stratasq; vias ordine composito, vbi nego-
cientur, haberēt. Eas nunc terras nostri reperēre:
qui authores fuerint, quomodō res processerit,
attentē audiat, quisquis peregrinarum regionū
conditiones & populi mores scire desiderat. De
insula Cuba, quam Fernandinam placuit appel-
lari, Hispaniolæ occidentali proxima: septērio-
nali tamen adeō, vt Cancrī tropicus mediam se-
cet Cubam: Hispaniola verò à tropico distet ad
æquatorem gradus aliquot: pauca tetigimus hac-
tenus. In hac insula sex iam sunt oppida erecta:
primarium, à diuo Iacobo Hispaniarū patrono,
nomen sumit. Natiuum est ibi aurum, & monta-
num, & fluuiiale: auro suffodiendo inuigilatur.
Quo anno libelli mei portas clauserunt, tres Hi-
spani ex antiquioribus Cubæ ciuibus, Franciscus

X 5

Fer-

Fernādes Cordubēsis, Lupus Ocho, Caicedus & Christophorus Morātes, nouas q̄rere terras instituant. Est inquietus & semper magna moliēs Hispanorū animus. Tria instruūt eius generis nauigia, quæ appellat Hispanus Carauelas, pprijs impensis, habita à gubernatore Dieco Velasquen nauigādi potestate ex angulo Cubæ Occidētali, qui sancti Antonij nomē adeptus est. Altū capiūt cum centum & decē viris. Est hic angulus ad reficiēdas naues, ac auationi, ac lignationi aptissimus. Cælo tantū & aqua cōtenti, sex ad nauigāt inter Zephyrū & Austrū dies ac dimidiū: quo tēpore sex tantū & sexaginta se milliaria percurrisse arbitrat̄ur. Stabāt autē in ancoris, vbicunq; sol cadens illos deprehēdebat, nē per ignotū pelagus errantes, scopulis illiderētur: aut arenosis vadis impliciti mergerētur. In insulā incidūt ingētē, noīe Iucatanā, cuius initiū incolæ Eccampi vocāt. Oppidum in littore sitū adeunt, magnū adeò, vt Cairū illud nostri dixerint: hospitaliter ab incolis nostri suscipiūtur: ingressi, summa sunt repleti admiratione: turritas domos, tēpla magnifica, vias ordine stratas ac plateas, ac nūdinaria ibi agi cōmercia reperiūt: lapideæ sunt domus, aut ex lateribus & calce, arte & industria cōfectæ. Ad prima domorū impluua, & primas habitationes, per duodecim aut decē gradus affcēditur. nō tegulis tantū, sed culmis aut herbarum fruticibus coopertæ sunt. Mutuis se muneribus afficiūt: bullas aureas & ex auro fabrefacta monilia per pulchrē formata Barbari nostris, nostri autē illis sericeas ac laneas vestes, vitreos etiā calculos, & aurichalcea tintinnabula, munera illis grata, quia peregrina, sunt impartiti. Specula floccifaciebāt nostra, q̄a illi lucidiora ex quibusdā lapillis assequūtur. Vestita est

hæc

*Iucatanā
insula re-
pota anno
1516*

hæc gens nō lana, quia pecudes nō habēt, sed gossipio mille modis & varijs fucato coloribus. Fœminæ à cingulo ad talū induūtur, velaminibusq; diuersis caput & pectora tegūt, & pudicè cauent, nè pes aut crus illis visatur. Tēpla frequentāt: ad quæ primarij vias ex proprijs domibus sternunt: idolorū culturæ indulgēt: sunt recutiti: summa fide negociantur, permutando tamen sine pecunijs: crines ornāt. Vndē id habuerint, interrogati per interpretes, dicunt aliqui, transiisse aliquādō virum quēdam formosissimum per eos tractus, qui eis id insigne in suū memoriā reliquerit. Alij, obijisse lucidiorem sole hominem in eo opificio: certi nihil habetur. Aliquot ibi dies commorati, iam videbātur incolis esse molesti: nullius enim hospitis est grata mora longa: commeatum capiunt: rectā tendunt ad Occidentē per prouincias, Comi & Maiā dictas ab accolis. Præterlapsi sunt, aquam tantū & signa ex itinere capientes. Barbari littorales nostras admirabantur naues mari innatātes, ad quas visendas & fœminæ permixtæ viris cum infantibus passim prodibant. Nam ex mari nō sine stupore illorū ædificia, sed præcipuē tēpla littoribus proxima, in modum arcū erecta prospectabant. Iā cere tandē ancoras placuit ad milliaria centū decem in prouincia, cui nomen Campechium, cuius oppidū est domorū trium milliū: amicè se inuicem cōplectuntur: nauticā nostrorū artē, nauigiorū magnitudinē, vela, amplustra, resq; ceteras Barbari attoniti admirabantur. Vbi excussorū tormentorū tonitrua, fumosum ac sulphureū odorēq; ignitū senserūt, à Deo fulmina mitti arbitrabātur. In atrio regulus nostros benignè magnificēq; hospitatus est. Post sumptas more illorū epulas, in quibus pauones habent

habent & altilia, volucres etiā mōtanas & nemo-
 rales, ac aquatiles, perdices, coturnices, turtures,
 anates, & anseres, cuniculos: vltra hęc lupos, leo-
 nes, tigres, vulpes: & quadrūpedes agrestes, vt
 apros, ceruos & lepores: ducti sūnt nostri cū re-
 gio comitatu ad latū cōpitū in oppidi latere sitū:
 ostēdūt nostris quadratū quatuor graduū erectū
 marmoreū, partim ex tenaci bitumine, partim
 ex lapillis, pulpitū: cui hominis inhærebat simu-
 lacrum supersculptum, adherētibus illi duobus
 quadrupedibus ignotis, qui marmorei hominis
 vterum, vtī canes rabidi, videbātur velle dilace-
 rare. Serpens bitumine ac lapillis compacta, pedū
 longa septem & xl. vtī bos magnus, marmoreum
 leonem vorans, recēti cruore irrorata, simulacro
 adstabat. Proximi solo affixi erāt tres tigni, quos
 tres alij lapidibus suffulti transuersabāt: in eo lo-
 co reos puniunt: in cuius rei argumentum, strata
 viderunt innumeras cruore illitas & confra-
 ctas sagittas, & mortuorum ossa in vicinam cor-
 tem proiecta. Domus & hīc sunt ex calce & lapi-
 dibus ædificatæ. Regulo, Lazari nomē indiderūt:
 quia Lazari die terram ceperunt. Abeunt ad mil-
 liaria indē, ad Occidentem semper, quindecim.
 Prouinciam captant nomine Aquanil, cuius op-
 pidum Mosco dicitur, regulus Capotón, vltima
 acuta. Hostiliter inspectat nostros hic regulus,
 infidias nostris struit, petentibus aquā: trans col-
 lem proximum fontes esse innuunt, quā iter erat
 per angustas semitas. Ex mutatis in fronte colo-
 ribus, & arcuum & telorum gestamine, fraudem
 sensēre: tēdere vlteriūs nostri recusant. Palantes
 & imparatos adoriuntur nostros Barbari, mille
 ampliūs sternunt fugiētes nostros: cœnoso in lit-
 tore (erat enim ibi mare cœnoso) implicantur:
 duos

duos & viginti sagittis transuerberatos perimūt, reliquos maiori ex parte vulnerant. Tribus & triginta, inquit, classis ipsam prætorem Franciscum Fernāden vulneribus percussū. Ferè nullus euasit incolumis. Si ad monstratos colles processissent, perempti fuissent ad vnū. Mœsti ergo redeūt, qui superfuere, ad Fernandinam insulam vnde venerant, ac cum fletu & gemitibus, ob relictos & p̄sentes vulneratos, à socijs recipiuntur. His intellectis, Cubæ Fernandinæq; gubernator Diecus Velasquen quatuor Carauelarū classē instruit cum hominibus circiter trecentis. Huic classiculę præfecit nepotem suum Ioannem Grisaluam, additis subprætoribus Alfonso Auila, Francisco Montegio, & cōmendatorio Petro Aluarado, Nauclero autem eodem Antonio Alaminno prioris classiculæ rectore. Idem iter capiunt, sed australius aliquāto ad millia fortè septuaginta: turrim ex alto vidēt, terram minimè. Ea turri duce, insulam apprehendunt nomine Cozumellam, à qua suaues se olfecisse odores spatio trium milliariorum, vëto indè proflante, inquit. Ambitu reperiunt esse milliariorum quinq; ac quadraginta: plana est, gleba fortunatissima: aurum habet, sed peregrinum, aliundè allatum: melle abundat & fructibus hortensibus, volucribus etiam & quadrupedibus. Est horum incolarum, vt breuib; absolua, ea cœconomia & politia, quæ de Iucatana: domus, templa, viæ, cōmercia: virorum ac fœminarum gestamina ex gossipino, nō laneo vel serico: domus lapideæ, culmo contactæ, vbi sit lapidum penuria: sed vbi sit lapicidinarū copia, laminis lapideis conteguntur: marmoreos postes in plerisque, velut à nos pleræq; domus habent. Turres ibi vetustas, dirutarū
vestigia

vestigia redolētes, reppererūt, vnā prae cæteris gra-
 duū octodecim, vt ad illustria tēpla cōscenditur.
 Nostras sunt admirati naues, & nauticā artē: no-
 luerūt hospites primo impetu: benignè eos tan-
 dēm admiserūt: turrim cōscendunt duce prima-
 rio, quem sacerdotē credūt: vexillū in cacumine
 sistunt, regi Castellæ imperiū adiudicant, Sanctæ
 crucis nomen insulæ assignant, q̄ ad Nonas Maij
 Sanctæ crucis festo sunt insulam ingressi. Cozu-
 mellā verò, inquiūt, appellari à regulo Cozumel-
 lao, cuius maiores ipse iactat fuisse huius insulæ
 habitatores. Cameras in turri reperēre: statuis tū
 marmoreis, tum fictilibus vr̄forū simulacris in-
 structas, quos vnifono cantu elato inuocāt: sua-
 uibus adolēt odoribus: vt penates eos colūt. Res
 ibi diuina celebrata est: sunt recutiti. Regulus hic
 eleganter ex gossipino velamine indutus, pedis
 vnus digitos abscissos habebat: natanti piscis vo-
 rax, qui Tuberō dicitur, vno morfu digitos ra-
 ptauerat. Lautè copioseq̄ nostros aluit. Post tri-
 duū abeunt ad Occidentem semper, vidēt procū
 mōtes, Iucatana erat insula, q̄ à Cozumella quin-
 que tātū millibus passuū distat. Iucatanę latus
 meridionale capiūt, putato cōtinenti proximum
 cūeunt: illā nequeunt vniuersam, ob frequētes
 scopulos, & ob arenosa vada. Ad iam notū latus
 boreale Alaminus nauclerus naues reducit. Ad
 idē oppidum Campechium & Lazarū regulum,
 ad quē priores superiori anno, pficiuntur: pla-
 cidē suscepti, ad oppidū inuitantur. Inuitāsse pœ-
 nituit: ad lapidis iactū ab oppido nostros sistere
 iubēt: accolæ abire imperāt: aquandi petunt co-
 piam priusquā discedant nostri: puteum à tergo
 relictū monstrāt: licere indē aquā haurire, aliun-
 dē minimè inquiunt. Pernoctatum est in vicino
 putei

putei campo. Diffidunt Barbari: armatorum tria
circiter millia, castra locant non longè à nostris.
Pars vtraque noctem duxit insomnem: illi no-
strorum eruptionem in pagum, nostri Barbarorū
impetum repentinum veriti, tubarū clāgoribus,
& tympanorū boatu somnolētos excitabant. Vbi
illuxit, accedunt barbari, appellant interpretes
Cubenses nostros, quorum idioma, si nō idē, con-
sanguineū tamē. Face thurea inter vtrunq; agmē
accensa, minantur internecionem, nī prius abire
pperauerint, quā fax extingatur: nolle se ho-
spites protestantur. Fax cōsumitur, deuenitur ad
manus, perimunt è nostris vnum, quem sagitta
malè scutatum reperit: multi feriuntur: ad tor-
mēta, quæ apud puteum erant locata, se reducūt
nostri, vt indē globos iaculentur in Barbaros: re-
trocedunt ad oppidum Barbari: milites feruenti
animo cupiebant illos persequi, vetuit Grifalua
prætor. Indē procedunt ad Iucatanæ calcem vlti-
mum: ducentorum reperiunt esse milliariū am-
plius productam ab Oriente in Occidentē: por-
tum petunt egregium, cui nomen dedēre Portus
Defideratus. Ad terras indē transfretant alias, &
terram prēhendūt Iucatanæ vicinā ab Occidente:
dubitant, sit insula, nē: continenti esse annexā
arbitrantur. Est ibi sinus, quē suspicatur ambitū
vtraque terra: nil certi: Caluacan, aliās Oloan ab
accolis hæc tellus appellatur. Flumē ingēs ibi re-
pertū, dat suo furore in pelagus potabiles aquas,
duorū milliū spatium: à prætore Grifaluā appellā-
rūt flumē. Admirati nostras moles mari natantes
Barbari accolæ, vtranq; fluminis ripā ad sex mil-
lia armatorū, scutis aureis, arcubus & sagittis, en-
sibus etiā latis, & hastis adustis armati obsidēt, p-
hibituri descēsum, & littus tutaturi. Stat ea nocte
pars

pars vtraq; in alis: prima luce ecce canoas circiter centū armatis plenas: (diximus aliās, Canoas esse lēbos vniligneos.) Et hīc Cubenses interpretes, & hī sāt cōmodē conueniebant in lingua: pax oblata per interpretes admittitur: accedit vna canoa, reliquæ sistūt. Canoæ rector, qd nostri quæritēt per alienas terras, percontatur: aurū cupere respōdetur, permutatione tamē, nō gratuitō aut violenter. Redit canoa, quid actum sit, regulo referunt nautæ: accersitus regulus, venit libēs: narratu dignum: cubicularium ad se vocat regulus: cubicularia iubet afferre ornāmēta, vt prētorem nostrum Grisaluam ornet, imperat: à calceo incipit auro illū induere, ocreas, thoracē, & quicquid armorum ex ferro aut chalybe solet cataphractus noster aliquis, proditurus ad pugnam, sibi sumere, vniuersum id ex auro miris modis formato regulus Grisaluz impartitur. Compensat Grisalua sericeis, laneis ac lineis vestibus, rebusq; alijs nostratibus. In huius Lucatanæ initio, quandō in Cozumellam traiecerunt, in canoam piscatoriam inciderunt: nouem inerāt hamis aureis piscantes incolæ inermes, capiunt omnes, nil timentes. Ex illis vnū agnouit hīc regulus, se tantundem auri missurum in crastinum pollicetur ad Grisaluam, quanti ponderis vir ille reperiretur: negauit redemptionem socijs inuitis prætor, illum retinuit ac discessit, quid vltrā iaceat, recogniturus. Ad millia cētum circiter, ad zephyrum semper, sinum ingentē reperiunt, in quo tres paruæ insulæ sitæ erant: adeunt grandiolem. Prōh crudele facinus, prōh truculētās hominum mentes: stomacho claudat portas quisq; pius, nè perturbetur: pueros puellasq; suis dijs immolant passim: sunt recutiti: simulacra quæ colunt, partim

tum sunt marmorea, quædã alia fictilia. Marmoreas inter imagines extat leo pertusa ceruice, in quam miserorum sanguinem proijciunt, vt inde fluat in lacunam marmoream. Quibus cæremonijs miserorum sanguinem litent, referamus. Nõ iugulis, sed pectoribus apertis ex infausta victima cor eruūt: ex cuius calido cruore idolorum labia illiniunt, reliquum fluere patiuntur in lacunam: inde in apertum, cor & exta cõburunt, gratum fumum dijs fore arbitrantur. Ex idolis vnũ est virile, quod inflexo capite lacunam sanguinariam superinspectat, tanquàm acceptans sacrificium hostiarum. Torulos brachiorum & femorum, ac surarum pulpas edūt, præcipuè si hostem bello victum sacrificauerint. Riuum concreti sanguinis, veluti ex carnificina exeuntem reppererūt. Ex insulis vicinis ad id facinoris miseros trãsportant: capita cadaueraq; ibi truncata viderunt innumera, integra etiam pleraq; velaminibus connecta. Vniuersi tractus illi auro gemmisq; abundant. Pererrans insulam vnus è nostris in duos semisuffusos vrceos alabastrinos perpulchrè laboratos lapillis incidit, diuersorum colorum plenos. Aiunt lapillum se reperisse, qui missus est ad gubernatorem, valoris duorum millium Castellanorum auri. Sacrificij hanc insulã appellârunt. Extant & in huius Colluacanæ lateribus alię sitę insulæ, in quibus solæ mulieres habitant sine virorum commercio. Putât aliqui Amazonico viuere more: qui prudentiùs rem ponderant, cœnobitas esse virgines, secessu gaudentes, vtì apud nos, & multis in locis apud veteres Vestales, aut Bonæ deæ sacræ. Certis anni temporibus traijciunt ad eas viri, non coitûs causa, sed moti pietate, campos & hortos illis composituri, quo cultu

Y

queant

*Cæremos
niarũ rē
tus per-
quã hor-
ridus.*

queant vitam ducere. Fama tamē viget, esse alias insulas foëminarum sedes, sed corruptarum, quæ mamillâ à teneris scindunt, quo faciliùs queât sagittariam artē exercere: ad easq; trajcere coitûs causa viros, nec retinere mares. Fabulâ puto. Ad littus ergo Colluacanæ terræ se applicant nostri: placidè negociantur: aureum regulus cacabum, armillas, torques, bullas, multaq; p̄tereà diuerforum generum monilia nostris impartitus est: nostri cōtrà nostratibus illum alacrē reddunt. Fingere hīc pedem, & coloniam deducere cupiebāt: prohibuit Grisalua prætore: desperatis animis vixerunt eo tempore cōmilitones in prætore. Turritis constat ædificijs hæc prouincia, oppidis amplissimis quindecim: & alicubi viginti millium domorum se aliqua vidisse attestantur. Sunt non vbiq; cōnexę domus, hortis & cortibus intersecātibus: multæ distāt à seipsis: plateas habēt mœnibus circumseptas, in quibus fora nundinasq; exercēt: vias ordine stratas, furnos, fornacesq; calcem ac lateres coctos habēt: figulos, lignariosq; fabros, & artifices, mechanicarumq; artiū omnium opifices assequuntur egregios. Potanchanus hīc regulus dicitur, regio Palmaria: eius oppidū regium aiunt esse domorū quindecim millium. Quando novos hospites suscipiunt, qui pacem in illis terris admittunt, in amicitiaē fœdus sibiipsis cum nouacula vel gladio lapideo sanguinis parump̄er ex lingua vel manu, aut lacerto, vel alia quauis corporis parte, hospite inspectante, erunt. Sacerdotes viuūt cēlibes & incorrupti. Quid sit coire, nemo intelligit, donēc nubat. Nefas & morte piandum est aliter accidere. In foëminis mira castitas. Licet vnicuique potenti, postquàm vnam duxerit vxorem, habere pellices quotquot voluē.

voluerit: sed nupta adulterio compræhēsa, venditur à marito, primario tamen principi, à quo licet mulieris propinquis illam redimere. Nemi-
ni non coniugato fas est iungi in mensa, vel ea-
dem lance vesci, aut poculo bibere, paremque cō-
iugato se præbere. Augusto Septembrique mense
quinque ac triginta dies abstinent, non à carni-
bus modò, quas assequuntur optimas, sed ne-
que piscibus vescuntur, aut re aliqua, quæ san-
guinem nutriat: hortensibus ac leguminibus il-
los dies peragunt. Menses, viginti dierum nu-
mero claudunt: annum verò, mensibus viginti:
aliquot ibi dies lautos egēre. Abeunt, littus idem
secuti, regulum conueniunt alium, cui nomen
dedēre Ouandus. Regulus ubi nostros aurum
cupere intellexit, laminas conflatas attulit au-
reas: se copiam eius metalli desiderare prætor
significauit per interpretes. Postero die aureum
hominis simulacrum, pygmæum, flabellumque au-
reum, & artificio vario laruam iubet afferri, cal-
culorumque ferta, pectoralium & bullarum copi-
am, & diuersorum generum ornamenta, & vario-
rum colorum lapillos nostris est impertitus: da-
pibus quoque lautissimis persapidè conditis sa-
turauit. In littore inuitatos properanti cursu,
frondētibus ramis ex reguli mādato erectis, ilicò
scenis cōtegebant: inertes in ramis ferēdis fami-
liares regulus pcutiebat scepro, quod manu ge-
stabat: serui demisso vultu quæcūque verbera pa-
tiēter sustinebāt. Interrogatus, vbinàm auri tāta
colligeretur copia: proximos digito monstrauit
mōtes, & flumina ab illis decurrētia. Sunt hi flu-
minibus ac lacubus adeò assueti, vt idē illis sit na-
tare, qđ terra incedere. Mergūtur flumine, quādò
aurū placet colligere, manusque arenis efferūt ple-

nas: demùm de manu in manum cribrâtes arenâ,
aurum deligunt. Spatio duarum horarum dicunt
auro implere cannulam digitalē. De suffumigijs
& harum terrarum odoribus dulcia molliâq; di-
ci queunt, quę prætermittimus, quia magis ad ef-
fœminandos animos faciūt, quàm ad bonos mo-
res. Puerum annorum duodecim oblatũ à regu-
lo recusauit prætor: puellã admisit pulchrẽ or-
natam, socijs inuitis puerũ abiecit. Ex lapillis ab
hoc regulo habitis, vnũ scribũt esse valoris duo-
rum millium Castellanorum auri. Discedunt tan-
dẽ ab hoc regulo, auro & gemmis onusti. Gri-
falua prætor vnã ẽ Carauelis ad patruũ guberna-
torẽ destinat ad Fernandinã, cum nuncijs & habi-
tis auro & gemmis. Littus intereà secant reliqui
Occidentẽ versũs: vna verò propiũs ferẽ littus
abradebat, qua Franciscus Montegius subprætor
vehebatur: duæ per altũ tendebãt in prospectu.
Admirati accolæ, rem nouã miraculo ascribunt.
Duodecim ad Montegium veniũt Canoę: per in-
terpretes colloquuntur, benignẽ se inuicẽ salu-
tant: supplices orant incolę, vt descẽdant: magna
pollicentur, si regulum patriæ adierint. Precibus
eorũ negat Montegius se posse annuere, quia socij
nimis à se distarẽt: cõtentos tamen dimisit, datis
quibusdam nostratibus muneribus illis gratis,
quia ignota sunt. Celebre oppidum aliud adeũt:
ad littus se applicãt vnà tres Carauelæ: prohibẽ-
tur ab accolis descendere: scutis, arcubus, plenis
pharetris, & ligneis latis ensibus atq; hastis adu-
stis armati, ad nostros prodeũt: sagittas iaculãtur
eminũs illi: tormẽtorũ globulos in Barbaros no-
stri. Machinarũ strepitũ admirati, ac furore per-
territi, aufugiunt: pacem optãt. Iam com meatus
nostris deficiebãt: iam quassatæ longis itineribus
naues

naues erant. Ad insulā igitur Fernandinā, factis & repertis antedictis cōtentus Grisalua, socij haudquaquam reuertuntur. Nunc diuertendum est parumper, & alia nauigatio pertractāda. Hinc ad has regrediēmur terras, quas nostri repetierūt. Diecus idem Velasquen gubernator, eodem ferè tēpore, quo classē eam quatuor Carauelarū parauerat, aliam destinauit vnus Carauelæ tantum, & vno Bergantino comite, cum viris quinque ac quadraginta. Violentas hi manus in accolās exercuerūt. Idolorum sectatores sunt & recutiti, propterea licere eos trahere ad aurum suffodiendum putauerunt. Sunt littori, continentis in modum, proximæ parvæ insulæ multę, vbertate soli, & fortunatissima gleba beatæ, Guanapan, Guāguan, Quittilla: ex vna istarum tercentū rapiunt vtriusque sexūs accolās: (huic insulæ posuere nomē Sanctę Marinæ) in Carauelam hos inculcāt, & ad Fernandinam tendunt: Bergantinū cum socijs quinque ac viginti relinquunt, qui dent operā venationi hominum vltiori. Portus quem præhendit Carauela, Carenas dicitur: distat is ab angulo Cubæ primario diui Iacobi, millia ducēta quinquaginta. Hæc insula est longissima, porrecta ab Oriente in Occidentem, quam cancri tropicus interfecat. Miserorum vindictam quærente fortuna, è custodibus in terram descendūt quidam, pauci remanent. Nacti occasionem recuperandæ libertatis insulares, raptis nostrorum telis, ruunt in custodes: perimunt sex, desiliunt in mare reliqui: Carauela potiuntur insulares, regere illam didicerant, redeunt in patriam: sed primò in eandem insulam vicinam descendunt, Carauelam excurrunt, tela secum abspoliunt, lembis traijciunt ad suos: relictos nostros cum Bergatino adoriūtur,

prostrant, perimūt: qui euasēre, infelices ad Bergantinum pfugiunt. Arbor est littori proxima, crucē in eius arboris cacumine locāt, & superiorē arboris corticē his verbis inscribunt: Vannuis Aldarieci. Est Dacien fluuius, in cuius ripa situm est oppidum putati cōtinentis primarium. Re intellecta, gubernator in relictorum auxilium propere mittit naues duas bellatoribus onustas. Serō sapiunt: res iam acta erat: crucē secūti, littus adēunt: literas legunt arbori insculptas, nō ausi sunt fortunā tētare, cū desperatis egregiē armatis precipuē recedunt. Ex insula proxima isti tanq̃ lepores abducunt vtriusq̃ sexūs quingētos: eadē causa arbitrati iure merito posse id efficere, quia recutiti. Idē his euēnit ad Fernandinam applicatis: vnā ē nauibus ferociter aggrediuntur: acriter dimicādo, custodes Hispanos perimunt quosdā, ceteri sese ad mare proijciunt, & ad sociā, quæ proxima erat, carauelā adnatant, vnā oēs cum superstitite Carauela raptatam adoriuntur. Dubia fuit quatuor horarū spatio victoria: p̃ libertate recuperanda, tam viri q̃ foeminæ rabidē pugnabāt, nē adeptā amitterēt prædā. Hispani acrius dimicabāt: vicerūt Hispani tandem, quia pertractandis armis essent agiliores. In mare sese proijciunt victi Barbari: cum lintribus recolliguntur: tum ferro perempti in certamine, tum aquis suffocati circiter cētum. defuēre ex Hispanis pauci, ad diui Iacobi oppidum & aurifōdinas trahūtur. Ad aliā dehinc tendunt ē vicinis insulis, quæ sunt ibi frequentiores, quā in nostro Ionio symplegades, quarum congeriē Archipelagus vulgus appellat: hostiliter suscipiuntur, quotquot ē nauibus descēderunt, perempti aut percūssi sunt. Putāt hāc esse insulā, quā Ioānes quidā Pōtius, vnus classi-

culæ

culę Prefectus adiuit, & perturbatos reliquit: fugatur ab accolis: Floridãq; appellauerat, quia resurrectionis die eam insulam reppererint: vocat Hispanus Pascha floridum resurrectionis diem. Sex & viginti, inquit, se vidisse insulas, sed à Colono prius præterlapsas, tanquàm Hispaniæ Cubæq; custodes, in quibus veniētes oceani procellæ illiduntur. Natiuum in plerisque granatū aurum reperiunt: monilia & isti varia gestāt, & laruis vtuntur, tū ligneis deauratis, tum aureis perpulchrè ornatis. Opifices sunt vbiquè argutissimi. Ex laruis vnā secum attulit Frāciscus Chierēgattus. ex ea colligere licebit, quali polleāt ingenio. Nouacularum structurā mirū est videre: ex lapidibus flauis quibusdā diaphanis, vtī crystallinis, eas formant, & cum eis radunt, haud secūs ac si egregio chalybe factæ essent: sed quod spectatu dignū est, quādo obtusam iam habent ex exercitatione aciē, non cote, nō lapide, neq; puluere illas acuunt, sed tantūm aqua imposita tēperantur. Sunt & apud hos instrumētorum & elegatiū rerum mille genera, q̄ lōgum esset narrare. Redeamus ergò vndē sumus digressi. Ad Cozumellā, Iucatanam, ac Colluacanā siue Olloā, terras dītēs ac elysias recēter repertas, à quibus diuerterā, reuertor: vbi quanti sint momenti tractus illi, cognitum est. Cubæ insulæ habitatores Hispani, gubernatore Annunçte, nouā classē instruunt Carauelarum decem, cum viris quingentis, additis, vtī leuis armaturæ equis, duobus Bergantinis, quorū opera vtuntur ad vadosa littora, frequentū scopulorū discrimina tētanda. Equos nauibus imponunt, quinq; mares, fœmellas verò sedecim bello aptas. Fernādum Cortesium, qui tunc erat prætor vrbanus, generalem eligunt classis gubernato-

natores & prætores: subprætores verò Alfonso Fernādum Portucarerium, Franciscū Montegium, Alfonso Auilam, Alueradum commedatarium Spatensem, Ioannem Velasquen, Diecum Ordassum: ventum sequuntur eundem, ab angulo Cubæ vltimo, ad Occidentem. Quamprimum Franciscus Fernādes Cordubensis, mox Ioannes Grisalua, ad prospectum insulæ sacrificiorum, de qua mentionē fecimus, deueniūt: insperatus acer turbo captare terrā vetuit: versis illos vestigijs ad Cozumellā Iucatanæ orientalem fera tempestas transportauit. Portum habet vnicum hæc insula, cui nomen Sancti Ioānis porta, Latine indiderunt. sex oppidis tantum contenta est, & aqua puteali, aut cisternali. fluminibus caret & fontibus, quia plana. quinque tantum ac quadraginta mille passuum spatio ambitur. Aufugiunt incolæ ad sylvas nemorosas, oppida deserunt præ timore: vacuas domos ingrediuntur nostri, patrijs fruuntur cibis, domorum ornatus variorum colorum, aulæ, vestesq; ac lodices, amaccas appellant, ex gossipio natiuo reperiunt. Habent etiam innumeros libros. De his cum cæteris ad nouum Cæsarem nostrum aduectis latè dicemus. Perlustrant vniuersam nostri milites, compositis tamen agminibus, nè qua vis ingrueret: paucos reppererunt accolas, vna fœmina comite. Per interpretē Cubensem, & Iucatanas tres alios abductos à primis Hispanis, fœminam hortatur, vt absentes accersat regulos. Fœminæ familiares erant accolæ cum ea ducti: à fœmina vocati per nuncios veniunt reguli, fidem amicitiae præstant, domos patrias alacres repetūt, multa ex raptis suppellectilibus restituuntur: idololatrias & recutitos esse reperiūt: pueros puellasq; Zemib' immolāt.

Sunt

Sunt Zemes nocturnorum lemurum simulacra, quæ colunt. Interrogatus à me Alaminus nauclerus, Franciscus Montegius, & Portucarerius nuncij, qui regi munera attulerunt, vnde immolandos habeant pueros puellasq;. Ab insulis collateralibus, inquit, veni ducuntur permutatione auri aut aliarum mercium. Nusquam enim feralis monetæ dira sollicitudo in tam vasto terrarum spatio habitatores premit. Idem aiunt de reliquis nupèr inuentis insulis: è quibus duas nominant, Destam & Sestam, vbi nudi degunt: puerorum puellarumq; inopia, canibus litant. Canes alunt comedendos, vti cuniculos alit gens nostra: nō sunt latrabiles, rostro vulpino, quos ad esum destināt: pullos castrāt: ad sobolē procreandam foeminarū copiā, mariū numerū exiguum seruāt, vti de ouibus pastores nostri: pinguescunt castrati vsq; ad quadrimestre mirū in modū. Ab his sacris nostri illos deterrēt, nefas esse ostendūt: legē petūt quam sequantur: esse Deum vnicum, qui cælum creauit ac terras, bonorum omnium datorem, sub triplici persona vnitum in substantia, facile persuadent: Zemes perfringi patiuntur: Beatæ virginis imaginem depictam à nostris præbitam, in sacro sui templi loco sistūt, templū ac eius pauimenta verrunt & abradunt: crucē ob ipsius Dei atque hominis laudem, ob salutē humani generis superimpositam recordatione, adorandam receperunt: in templi cacumine vnā ingentem ligneam locant. Conueniunt omnes, Dei paræ virginis cum tremore reuerenti figurā suppliciter veneraturi. Per interpretes significarunt hi accolæ, esse in Iucatana vicina insula Christianos captiuos septem, qui ad eam, tempestatibus raptati, appulerant. Quinq; tantum milliarium

spatio dirimitur à Iucatana hæc insula. Quinquaginta viros cum duabus carauelis prætor Cortesius ad id negocij destinat perquisitores. Cozumellanos tres secū aduehūt cum literis ad Christianos, si qui reperiantur : quàm egregiū facinus sint acturi, si aliquem adduxerint, ostendit : rem ardentè commendat, ab illis nanque sperat lucidiorem sole se tractuum illorum omniū notitiā habiturum. Abeunt bonis auibus, sex dies eis assignantur ad reditum, octo expectârunt : demissos in terram Cozumellanos nuncios, trucidatos aut detentos suspicati sunt : illis relictis, redeunt ad Cozumellam nostri. De discessu ex Cozumella, cogitabat iam vniuersa classis : opposita illam vis maris detinuit. Eccè ab Occidente Canoam inspectant venientem ab Iucatana, Christianum vnum è captiuis aduehit, septennio is vitam degerat apud Iucatanos, Hieronymū Aquilarem nomine, virum Astigetanum Vandalum. Quo gaudio seinuicem fuerint cōplexi, casus loquatur. Infelicē sortem suā, & sociorū vnā amissionem enarrat : auditur attentis mētibus : nec dissonum fore arbitror, nec tuæ Beatitudini molestum, si rē, vt accidit, recēsuero. In meis decadib. mentio facta est de nobili quodā Valdiuia, ab Darienensibus misso, sinus Vrabæ in putato continenti habitatoribus, ad Hispaniolā, Almirāto Colono, regi, & Senatui regis, (ad quos pertinet putati continentis remediū) significatū qua rerum omniū penuria vrgerentur. Sinistris auibus miser Valdiuia prouinciā suscepit : in Iamaicæ insulæ Hispaniolæ Cubæq; laterali à meridie prospectu repentinus vortex in arenosas detulit syrtes. Ea voracia cæcāq; vada Hispani vocāt viperas : & quadrāter viperas, quia ibi multę naues implicātur,

tur, vtì viperina cauda lacerti. Discinditur carauela: vix Valdiuiæ & è socijs triginta licuit in carauelæ scapham descendere: sine remis, sine velis miserè raptâtur à pelago defluëti: diximus nanq; in decadibus, esse ibi marîa perpetuo fluxu labentia in Occidentem. Tredecim errârunt dies, inscij quò tenderêt, nil esui aptum repererûnt vnquam: septè ex eis cõsumpsit fames, fuerûnt ipsi marinis piscibus esca. In Iucatanâ transportantur superstites, iam inedia deficiëtes, in crudelis reguli potestatem inciderûnt. Valdiuiâ prætorê vnâ & socios quosdâ trucidauit, mox immolauit zemibus, demû cum inuitatis amicis comedit. Hostes aut, aut appulsos hospites, hi depascunt, de reliquo à carne humana abstinent. Hîc Hieronymus Aquillaris, & socij sex in tertiû diem immolandi seruabantur: nocte, ruptis vinculis, truculëti manus tyranni euasere: ad regulum huic infensum, supplices confugiunt: admittuntur, sed in seruitutē. Admirandum auditu est de huius Aquillaris genitrice: vbi rem intellexit, ilicò insaniuit præ dolore, licet in nube tantûm audierit, filiû in potestatem carnes humanas edentiû incidisse. Hæc si quandò carnes affatas inspectat, aut verubus affixas, clamoribus domû replet, inquiens: En matrē omnium miserrimâ: en filij mei frustra. Habita igitur epistola prætoris Aquillaris per Cozumellanos nûcios, corâ regulò hero, qui Taxmarus dicitur, quid Cozumellani afferât, enarrat: de potētia regis eorû, qui ad eas partes appulerunt, deq; virorû fortitudine, de illorû beneficentia in amicos, de sæuitia in detrectâtes, vel eorum postulata respuëtes, multa edisserit: trementē reddidit Taxmarum. Det operam, nè hostes suâ ditionem ingrediantur, seruû rogat, sed pacato veniât animo.

Polli-

Pollicetur Aquillaris pacē, & si opus fuerit, contra hostes auxilium & fauorem. Aquillarem dimittit, tresq; illi dat familiares comites: ita iunctim traijciunt ex Cozumella in Iucatanam, ad flumen, Alamino nauclero regente, aliās reperiunt tendunt. Fauces eius arenis erant conclusæ, vt̃ de Nilo Aegyptio legitur, flātibus Etesijs: propterea maioribus non licuit nauibus aduerso flumine procedere: quanuis sit aliās huiusmodi nauibus aptum suscipiendis. In Bergantinos & nauium lintres, ducētos viros in littus exponit p̃tor. Per Aquillarem pax offertur. Quid sibi velint, percontantur accolæ: Dapes, inquit Hieronymus Aquillaris. Spatium erat ingens arenosum ad latus oppidi: illuc tendant, insinuant accolæ. Eunt. Postero die afferunt gallinas octo eorum more, quæ sunt pauonibus neq; minores, neq; insipidiores, suffusci coloris, & tantū maius, quantum vix sufficeret decem famelicis. Est autē maizium frumenti granum, quo ipsi panem conficiunt, nostro panico non multum dissimile. Protestantur vnā, vt̃ inde discedant. Properē ingens armatorum ad nostros, discedere renuentes, multitudo concurrit, iterum, quid sibi velint per alienas terras vagantes, interrogant. Pacē se cupere, per Aquillare respondent nostri, & rerū permutatione dapes, aurumq; si aurū possidēt. Nolle se pacem aut bellū cum eis, respōdent: abeant iterum, nī māl̃int vsque ad vnum trucidari. Nolle abire, nostri inquiunt, nō habita ciborū copia, quæ alendis militibus præsētibz sufficiat. In crastinum adferenda cibaria signāt. Mentiti sunt: manē sequenti nostris, qui castra locārant in arena, & fuerant pernoctati, tantundem afferunt epularū, & sui reguli nomine iubent abire.

re. Cupere se oppidum videre, & potiores dapes, nostri dicunt. Recusant illi, & terga vertunt submurmurantes. Inedia nostri vrgebantur, victum quærere coguntur. In terram mittit subprætores prætor cum viris centum quinquaginta. Per diuersa tendunt ad oppidana rura. E turmis vnâ, obuij Barbari malè tractabant. Nō longè aberant socij, audito strepitu, laborantibus socijs opem ferunt. Alia ex parte prætor tormenta in Bergantinos & scaphas locat: ad littus se applicat cum reliquis militibus, littus tutaturi, & prohibitori descensum. Properanti cursu ad pugnam parati, occurrunt Barbari: sagittis & iaculis eminūs nostros impetunt, feriunt imparatos. Viginti circiter tormenta in hostes prætor exonerat. Strage globorū & stridore, ac flammarum eruptione perculsi, perturbantur palantes, crurū tenus in aquas se proijciunt: & nostri hostes insequuntur fugientes: vnâ cum perterritis oppidū ingrediuntur: continuo cursu Barbari traijciūt, oppidum & domos deserunt. Ad fluminis ripam protentum dicunt esse oppidum, quantum non ausim dicere: mille quingentorum passuum ait Alaminus nauclerus, & domorū quinque ac viginti milliū: stringunt alij, ingens tamē fatentur & celebre. Hortis interfecantur domus, quæ sunt egregiè lapidibus & calce fabrefactæ, maxima industria & architectorum arte. Ad quarum sedes habitabiles per decem & duodecim alicubi gradus ascenditur, & spatijs interiectis secantur. Nemini quidem licet vicini murum trabibus onerare. Sunt domus omnes trium domorum intercapedine separatæ, culmis tamē & paleis cooperatæ maiori ex parte, lapideis laminis pleræq. Quadraginta hominū millia Barbari professi sunt eo die

die pugnae interfuisse, victos tamen à paucis ob
nouum pugnandi genus cum tormentis: & quia
prætor in terram equites xvj. exposuerat, qui pu-
gnæ interfuerunt, à tergo Barbaros adorti, tur-
mas findebant celeri cursu, non aliter quàm si
greges ouium interficerent, perimendo, feriendo
à dextris & à sinistris. Miraculo perculsi miseri
hæsitabant, neque exercendi tela locus dabatur:
idem animal arbitrabatur hominem equo anne-
xum, vt de centauris nata est fabula. Duos & xx.
dies sunt potiti oppido: laute sub tecto nostri, sub
dio Barbari esuriētes degunt, neque sunt ausi no-
stros adoriri: munitiorem oppidi partem, veluti
arce tuti elegerunt, nocturnisq; freti custodijs,
suspecti semper eruptionem timentes, somno
vacabant. Potanchanum dicitur ab accolis oppi-
dum: & à victoria ibi adepta, Victoriā nostri ap-
pellârunt. Mira etiam de atriorum ruralium ad
delicias in prædijs ædificiorum magnificentia,
magnitudine atque elegātia, cum solarijs implu-
uijs & tabulatis egregijs more nostro: vt quatu-
or Hispani rurale quoddā ingressi, per horas qua-
tuor in eo vagati fuerint, anteq̃ ipsius exitum ob
magnitudinem comperire potuerint. Per inter-
pretes tandem & captos in prælio, regulum & ei-
us primarios accersunt, vt inermes & supplices
veniāt: datur opera, pārent dicto, domus quisque
suas repetit, pacem illis præstant lege proposita,
vt ab horrentibus humanorum corporum care-
monijs erga manes & pnciosos dæmones, quorū
simulacra venerantur, abstinerent, nostroq; Deo
Christo cæli terrarumq; satori, ex virgine mun-
do præstito, & ad humani generis leuamen cru-
cifixo, dirigant mentis oculos, vtq; regi Hispaniæ
se subditos fore profiteantur. Pollicetur vtrunq;
quan-

quantum breuitas temporis passa est, instruuntur: restitutos nostratibus muneribus contentos reddunt. E cælo missos arbitratur viros, qui adeo pauci numero, ausi sint contra ingentem multitudinem manum conferere: nostros & illi quibusdam aureis donis affecerunt, seruas etiam viginti donârunt. His ita relictis, alias eorundem littorum terras quæsituri, abeunt: sinum repetunt sub Grifalua repertum ab Alamino, cui nomen dedere Bian sancti Ioannis. Bian vocat Hispanus sinum. Pacatis animis veniunt accolæ. Ab littore oppidum erat distans milliare, domorum aiunt mille quingentarum, super tumulo erectum: ad oppidi hospitia inuitant nostros, dimidia oppidi partem offerunt, si perpetui velint esse habitatores secum: putant, vel Potanchanesium exemplo perterritos, ad quos iam fortè fama peruenerat, vel sub talium virorum vmbra sperasse in vicinos hostes fauorem & auxilium habituros. Perpetuis nanque mutuis se bellis conficiunt imperij cupiditate. Recusant æternam sedem, annuunt temporaneæ. Redeunt ad littus nostros sequitur populus, scenas illis & ramata mapalia summa cum diligentia erigunt, & tutissimis tegminibus à pluuia cooperiunt: castra ibi locant, nè marcescant focij. Prætor Alamino nauclero & Francisco Montegio dat negocium, vt illius terræ Occidentem vestigare intendant, fessos interim ipse recreaturus, & curaturus saucios. In Potanchano manet ergo prætor cum reliquis: Bergantinos præbet ituris duos, homines quinquaginta. Ad hunc vsque sinum lenis erat decursus aquarum: vbi paulò inferius ad Occidentem adnauigârunt, ac si ex montibus altis à torrente raperentur, ita impetus illos æquo-

æquoris breui spatio ad quinquaginta à socijs
 transportauit milliaria. In aquarum concursum
 incidunt. A læua vasta maris planities sese osten-
 dit, quæ descendentibus ad Occidentē vndis ob-
 uiabat. Vtī duo ingentia flumina, quandō con-
 ueniunt ex aduerso, itā videbantur à meridie ve-
 nientes aquæ, tanquā hostibus in ius alienum
 pedem inferentibus, primis possessoribus velle
 obsistere. Ex opposito terram viderunt longē, à
 læua & à dextra minimē: fluctuabāt inter eos cō-
 flictus, vorticibus agitabantur in diuersa, qui fe-
 rē illos deglutierant: sine spe vitæ diū hæsitârūt,
 flectunt proras, aduerso torrente vndē venerant,
 luctantur remis velisq; innixi, superare vix po-
 terant impetum: quandō secessisse putârunt ad
 minus passuum duo millia, vna nocte quatuor
 se fuisse retractos inuenerunt. Vicerunt tandē
 illud graue certamen Deo fauente. Duos & vi-
 ginti dies in eo paruo maris spatio consumpse-
 runt: ad socios tandē redeunt, rem aperiunt, fi-
 nem eum esse terram Colluacanæ, putatiq; con-
 tinentis adiudicârūt. Terram verò procūl visam
 à fronte, vel continenti nostro annexam, vel se-
 ptentrionalibus coniungi plagis ad Baccalaos, de
 quibus latē in decadibus. Restat adhuc res hæc in
 dubio, detegetur aliquando. Dum Alaminus &
 Franciscus Montegius hæc secreta inuestigarent
 à rege prouinciæ, qui Multoxumam dicitur, per
 vnum ex eius proceribus prædicto imperantem
 oppido, nomine Quintalbitor, multis preciosis
 mirisq; modis laboratis muneribus aureis, ar-
 genteisq; & lapillis ornatis nostri donantur. Sta-
 tuunt ad nouum Cæsarem nostrum mittere de
 colonia deducēda, gubernatore Dieco Velasquen
 inconsulto, qui eos cum mandatis miserat, vt
 pro-

prouincijs peragratis, & redempto auro, regre-
derentur. Consilium ineunt, in diuersa tendunt,
errorem fore proponunt aliqui: pars maior suf-
fragatur, nō esse de gubernatore curādum, quan-
doquidem res ad maius tribunal, ad regem scili-
cet, deduceretur: vicit populus. A benigno rege
commeatum capiunt. Ad millia indē duo decim
in gleba fortunatissima condēdæ coloniæ locum
assignant: generalem eligunt gubernatorē, præ-
torem ipsum Cortesium: non desunt qui putent
eo inuito. Is magistratus alios creat, ad conden-
dæ vrbs regimen, Portucarerium & Montegi-
um: de quibus satīs. Nuncios ad regem mitten-
dos eligunt, eodē Alamino nauclero duce. Qua-
tuor spōte sua primarij nostras visum terras ve-
niunt, regemq; adedō potentem, vt eius authori-
tas tam in infinitum protendatur. Ducuntur &
fœminæ duæ, quæ nostris more patrio pâreāt &
obsequantur. Suffusca gens est: auricularum to-
rulos vterque sexus perforat, gemmatisq; aure-
os perpēdiculos circumferunt. Sed viri, quicquid
est inter inferioris labij marginem extremum, &
dentium inferiorum radices, perturant: vtī nos
auro digitos gestando circunligamus. In eo labi-
orum foramine ampliori, lamina subtili retinen-
te interiūs prodeuntem, argenteum affigunt. Ca-
rolenum æquat eius monilis rotunditas, crassitu-
do digitum. Fœdius me vidisse nunquā recor-
dor. Putant tamen illi elegātius nihil esse sub or-
be lunæ. Quo exemplo, quā vanē ruat gens hu-
mana in suī cæcitatem, quāq; fallamur omnes,
edocemur. Existimat Aethiops nigrum colorem
candido pulchriorem: putat & candidus aliter:
detonsus capillato, barbatus imberbi se credit ef-
se spectabiliorem. Appetitu ergō vrgente, non
Z ratio-

ratione suadente, tendit gens humana ad ineptias huiusmodi, regiturque suo sensu quæque provincia, ut inquit diuus Hieronymus: Vana eligimus, à certis & commodis abhorremus. Vnde habeant aurum, satis dictum est: sed vnde argentum, nostri sunt admirati. Montes altos ostendunt, horum cacumina perpetuis canescunt niuibus, & paucis anni temporibus verticem ostendunt, ob nubium aut nebularum densitatem. Plana ergo vel mitia montana, aurum procreare videntur: asperi verò montes & gelide eorum valles, argentum. Aurichalcum etiam assequuntur. Secures bellicas nanque ac ligones fossorios apud hos inueniunt, ferrum aut chalybè minimè. Ad munera ergo regi allata deueniamus, & à libris ordiamur. Diximus libros habere gentes has: libros attulerunt vnà cum cæteris muneribus hi Coluacanæ noui coloni, procuratores, nuncij, multos. Scriptibilia sunt eorum folia ex interiore arborum tenui cortice, sub libro superiore creato. Rarum aiunt esse: uti videmus non in saliceo aut vlmeo, sed uti cernere fas est in palmularum esui aptarum, tela dura folia exteriora interfecante: veluti retia foraminibus & maculis angustis contexta, bitumine tenaci retiacula compingunt. Ad aptatam hinc formam molles facta conuertunt, & extendunt ad libitum, dureque facta liniunt gypso. Putandum est autem, eos aliqua gypso consanguinea materia tabellas vidisse. Credendum est, gypso in farinam cribrato superfultas, in quibus quicquid venit in mentem, scribi potest, dehinc spongia vel pânulo deleri, ut denuò reiteretur. Ex ficu tabellis fiunt libelli, quos magnarum domorum dispensatores per fora secum ferunt, styloque metallico merces emptas coaptant, delendas quâdò iam

in

in computatorios codices traduxerint. Non fo-
liatim libros concinnant, sed in longum disten-
dunt, ad plures cubitos: materias in quadratas
reducunt partes, non solutas, sed tenaci bitu-
mine flexibili adeo coniunctas, vt ligneis compa-
ctæ tabellis, arguti librarij videantur manus sub-
ijisse. Quacumq; pateat liber apertus, duæ sese fa-
cies inscriptæ offerunt, duæ paginae appaerent, to-
tidem sub illis latent, nisi protendatur in longū. *Chara-*
Sub vno nanque folio multa cōiuncta folia con- *eternū fore*
sistunt. Sunt characteres à nostris valde dissimi- *ma mira-*
les, taxillis, hamis, laqueis, limis, stellisq; ac for- *bilis.*
mis eiusmodi, lineatim exarati nostro more, Ae-
gyptias ferè formas æmulantur. Interlineatim ho-
minum, animaliumq; species, regū præcipue ac
procerum depingunt: quare credendum est, ge-
sta esse ibi Maiorum cuiusque regis conscripta,
quemadmodum nostra sit tempestate. Videmus
sæpenumero eos generalibus historijs, fabulosis
etiam codicibus, ipsius rei, quæ narratur, ad al-
liciendos emere cupientium animos, authorum
figuras interferere. Arte quoq; grata superiores
tabulas compingunt: nil differre à nostris clausi
videntur. Legum quoq; & sacrificiorum, cære-
moniarumq; ritus, astronomicasq; annotationes
& cōputationes quasdam, seminandiq; rationes
& tempora, libris commendant. Annum ab oc-
casu heliaco Vergiliarum incipiunt, & mensibus
claudunt lunaribus. Mensem autem à luna nomi-
nant Tona. Cū menses signare intendunt, To-
nas inquirunt: lunam, eorum lingua tona dicunt.
Dies autē à sole: vnde quot soles, tot dies. Eorum
idiomate sol tonaticus dicitur: alicubi: tamen
aliter. Sed nulla ratione moti, annum distribuūt
in menses viginti, menses autem etiam diebus vi-
ginti

*Templorum
ornatus.*

*Sacrificiū
crudele.*

ginti concludunt. Tempia quæ frequentant, aureis ornant aulæis, & supellecilibus gemmeis admixtis: die illucescente thurificāt templa, piasq; spargunt preces ante rerum initia. Horrendū facinus: in sacrificijs, & istorum tractuum habitatores omnes, pro victimis pueros puellasq; sacrificant, eo modo quo suprà dictum est. Quo tempore semina iacit in terrā, & quāddò iam spicātur segetes, populus seruos precio emptos, lautè depastos, & preciosis vestibus ornatos, suis Zemi- bus destinat sacrificandos: per dies viginti immolandos circunducunt, transeuntes per vicos oppidani suppliciter salutant, velut inter cælitest propediē annumerandos. Acri alia pietate Zemes venerantur: suum proprium sanguinem offerunt è lingua, hic è labijs, ille ex auribus, aliqui à pectore vel femore, aut cruribus: multi acutis nouaculis vulnerati emungunt sanguinem, quem manu receptum, roratim proiectum cælū versūs, per templi pauimenta conspergunt: ita placatos reddi deos arbitrantur. A villa Ricca, id est, noua colonia, distat milliaria nouem oppidum domorum quindecim millium, veteri incolarum nomine Cempoal, nouo Sibylla: regulum reperiūt clausos habentem immolādos seruos quinque: abductos regulus supplex repetit, inquit: Perniciem mihi regnoq; huic meo vniuerso adstruitis, si seruos immolandos mihi auferetis. Irati nostri Zemes fata omnia à gurgulionibus corrodi, vel grandinibus deturbari, aut ficcitate consumi, vel torrentibus imbribus vastari permittent, cessantibus sacrificijs. Nè desperati desciscerent Cempoalani, minus malū elegerunt, in præsentia rati non esse tempus eis iniustis prohibere, quin veteres ritus exerceant: seruos

uos restituerunt. Licet illis sacerdotes gloriam
 æternam, & perpetuas delicias polliceantur, deo-
 rumq; familiaritatem post huius seculi procello-
 sos dies: mœsti tamen hæc promissa auscultabāt,
 maluissentq; liberari. Sacerdotes Quines appel-
 lant: singulari numero Quin: cælibes viuūt & in-
 corrupti. Cum timore reuerenti sacerdotes ve-
 nerantur. Hostiū & in bello captorum ossa, car-
 nibus exefis, in fasciculos ligata, ad Zemium pe-
 des suspendunt, veluti victoriæ trophæa, victo-
 rum titulis superpositis. Notandum aliud refe-
 runt. Anniculos iam pueros puellasq; cum pijs
 cæremonijs, sacerdotes in templis, aqua in crucē
 cum vrceolo capiti superiniecta, baptizare vi-
 dentur: verba non percipiunt, actus & murmu-
 ra licet animaduertere. Neque illi, vt Mahume-
 tici aut Iudæi, putant eorum templa violari, si
 alienigenæ legis quisquam eorum sacris intersit.
 De libris, templis, ac sacrorum ritibus, satis di-
 ctum putamus: ad alia regi allata munera deue-
 niamus. Duas attulerūt molas, vt trusatiles, vnā
 auream, argenteam alteram, solidas, tenues ta-
 men, circumferentia ferè pari, spithamarum octo
 & viginti. Ponderis castellanorum est aurea tri-
 um millium octingētorum. Diximus castellanū,
 esse monetam auream, quæ ducatum triente su-
 perat. Eius centrū occupat, veluti regis in thro-
 no sedentis, cubitalis imago dimidia, ad genu
 vsque vestita, genij similis, eo vultu quo noctur-
 nos lemures pictores nostri pingere sunt soliti:
 campus ramis & floribus effigiatus. Eadem est ar-
 genteæ facies. Ferè idem pondus: vtrunque me-
 tallum purum. Aurea etiam grana rudia, nō con-
 flata, in argumentum auri natiui, vt ciceres aut
 lentes attulerunt. Torques quoque aureos du-

os, quorum alter constat catenulis octo, quibus inserti sunt rubri lapilli, non pyropi tamen, duo & triginta supra ducentum: virides autem tres & octoginta supra centum, non smaragdi tamen. Eiusdem sunt existimationis illi, qua hi apud nostros nobiles. Ab eius torquis fimbria tintinnabula pendent aurea septem & viginti, figuris quatuor gemmeis auro ligatis intersecta. Dependent à singulis aurei perpendiculi. Torquis alter est quatuor catenularum aurearum, per gyros rubris ornatarum lapillis centum duobus, viridibus autem centum septuaginta duobus, sex & viginti aureorum tintinnabulorum eleganter comptorum. In ipsius torquis medio decem sunt insertæ magnæ gemmæ auro circumligatæ, à quibus centum perpendiculi suspensi egregiè laborati. Coriaceos cothurnos diuersorum colorum afferunt fortè duodecim, hos auro, argento illos, gemmis alios fultos, coloribus tum glaucis, tum viridibus: à singulis tintinnabula pendent aurea. Tiaras, mitras, varijs gemmis insutas, glaucis sapphiros æmulantibus refertas portant. De cristis, zonis, & flabellis plumeis, quid referre queam, non sentio. Si quid vnquàm honoris humana ingenia in huiusmodi artibus sunt adepta, principatum iure merito ista consequentur. Aurum gemmâsque non admiror quidem: qua industria, quo ve studio superet opus materiam, stupeo: mille figuras, & facies mille perspexi, quas scribere nequeo. Quid oculos hominum sua pulchritudine æquè possit allicere, meo iudicio, vidi nunquàm. Ignotarum nobis volucrum sunt pennæ lucidissimæ. Vt pauonum aut phasianorū caudas visas admirarentur, ita & nos illorum pennas

nas, quibus & flabella & cristas conficiunt, & elegantia ornant cuncta. Glaucos, virides, flauosq; ac rubros ac candidos, suffuscos etiā colores pen- nis inesse natiuos inspeximus: auro cūcta illa in- strumenta confingūt. Galeas attulēre duas, gem- mis glaucis coopertas: vnam tintinnabulis aure- is fimbriatam, & aureis pluribus laminis, duo- bus aureis calculis tintinnabula sustinentibus: al- tera gemmis eisdem, sed quinque ac viginti fim- briata est tintinnabulis aureis, cristata viridi vo- lucre conum occupante, cuius pedes, rostrum & oculi, aurea. Singula verò tintinnabula singu- li sustinent aurei calculi. Fuscinas quatuor tridentes pennatas varijs coloribus intextas, qua- rum dentes sunt gēmei, filis aureis colligati. Eo- dem ordine sceptrum ingens gemmatū cum duo- bus aureis tintinnabulis. Aureum etiam brachi- ale, calceos ex corio ceruino, aureo filo consu- tos, solea candida subiecta: ex lucido lapillo se- miglauco, vnā & candido circūseptum auro spe- culum: sphingem, fortē lapidem diaphanum, auro circunligatum: magni lacerti caput, & co- chleas ingentes duas, anates aureas duas: & vari- arum volucrum species aureas. Quatuor & pi- sces cephalos aureos: & ex aurichalco virgam: pennis miris modis insuta omnia. Portārunt bel- licas peltas, & ancilia. Scuta quatuor & viginti aurea, & argentea quinque. Mitram plumis vari- js contextam, in cuius fronte media lamina in- sculpta est aurea, effigiata Zemi idolo. Figuram quatuor aliæ sepiunt in modū crucis aureæ lami- næ, variorū animalīū, leonum putā, tigrum, & luporum capita, virgis & tabellis formata anima- lia, ipsorum corijs superinsutis, aurichalceis tin- tinnabulis ornata, & diuersorum animalīū corijs

integra, & egregiè confecta. Lodices varias gossampinas, candido, nigro & flauo coloribus intextas, duas auro & gemmis dites, trèsq; alias pennis & gossampino intextas scacorū ludo: quod argumentum est, & scacorū fritillos habere eos in vsu. Aliam à fronte, nigro, candido, rubròque coloribus, intrinsecùs rasam sine varietate. Aliā eodem modo intextam, aliorum colorum, rota nigra medium tenente, radiata pennis lucentibus intermixtis. Candidas & alias lodices duas, peristromata, aulæa, & sagulum patrio more viri gestamen, & textas interiores, & capitis velamina varia tenuissima, & pleraq; alia pulchra visu magis quàm preciosa, quæ arbitror iam plurimorū lectorum ingenijs, quòd harum rerum cognitio parùm sit frugifera, tædiosa potiùs fore, quàm delectabilia narratu. Prætermitto & innumeras nauigantium particulas, de laboribus, egestate, & periculis, & de monstris, & aduersis multis, quibus interdum non absque vitæ discrimine exerciti fuerunt, quæ in suis annotationibus quisq; edisserit, in nostroq; regio rerum Indicarum senatu leguntur: ex varijs & multis eorum indicibus & priuatis literis hæc pauca collegi. Munerū tamen latores & Ferdinandus Cortesius, classis ipsius præfectus, & condendæ colonix nouæ in extremis terris author, à regio Indico senatu cōtra rectum iustumq; fecisse iudicantur, qui inconsulto Cubæ gubernatore, qui eos autoritate regia miserat, prouinciam susceperint ab eius mandato alienā, quiq; venerint, licet ad regem, se insalutato. Per procuratorē fugitiuos latrones, & lesē maiestatis reos Cubæ gubernator appellat, ac in ius vocat. Illi autem se maius multo pstitisse regi obsequium, venisseq; ad maius tribunal, argu-

guunt. Petit, capite puniantur, gubernator. Petūt magistratus isti, & sumptorū tot laborum & periculorum præmium. Præmium & multa differ- tur: vt pars vtraque audiatur, statutum & sanc- tum est. Iam ad Darienenses Vrabæ sinūs in pu- tato cōtinenti habitatores veniamus. Darienem diximus esse fluuium, in occidentale Vrabæ sinūs cadentem latus. In huius ripa Hispani coloniam, regulo Cemaco vi armorum pulso, posuerunt. Colonix nomen, ex voto pugnx tēpore promif- so, dixēre, Sancta Maria Antiqua. Ad hos diximus in calce decadum fuisse missos eo anno quo scri- bere desijmus, duce Petro Aria Abulensi, viros mille ducentos, id petente Vascho Nunnez Bal- boa, qui primus australe pelagus latēs adhuc de- texerat, & Darienensibus præerat. Appulso ad Da- rienem Petro Aria gubernatore cum ampla regia potestate, diximus fuisse destinatos per diuersa, cum varijs peditū turmis, diuersos centuriones. Breuibz absoluiam, quia horrida omnia, suauia nulla. Ex quo nostræ decades desierunt, nil aliud actum est, nisi perimere ac perimi, trucidare ac trucidari. Ad voluntatē creauerat rex Vashum: nequiuit diū ferre Petri Arię imperium: disside- runt animis: cōfuderunt omnia: intercessit tem- pus, Ioannes Caicedus Frāciscanæ religionis pul- pitarius Vasho promisit filiam in vxorem Petri Arię. Ars inter rerum duces, qua conueniant, nul- la reperitur. Dissident multo acrius, & res ad ta- lem casum deducta est, vt occasionem nactus in Vashum Petrus Arias, processu per prætores vr- banos formato, iugulari Vashum mandauerit, & vnā primarios quinque alios: inquiēs Vashum sociosq; defectioni studuisse in mari australi, vbi classiculam nauigiorum quatuor Vashus ipse

*Post ex-
haustos
tot ac tan-
tos labo-
res Vas-
chus mor-
te multa-
tur.*

construxerat, ad australia putati continentis lit-
tora inuestiganda: dixisse Vashum commilito-
nibus trecentis, quos secum habebat: En quid vi-
ri tot laborum & periculorum mecum partici-
pes, alieno semper subiecti imperio erimus? Quis
terre possit iam huius gubernatoris insolentiam?
littora hæc sequamur, quò fors dederit, & inter
tot elysias prouincias tam vastę telluris vnam eli-
gamus, in qua nobis ipsis, quod vitę superest, li-
beri iam tandèm viuere possimus. Quis homi-
num nos reperire poterit, aut repertis vim in-
ferre? Res ad gubernatorem delata est. Vashum
ab austro accersit Petrus Arias: paret dicto Va-
schus: in catenas conijcitur: negat Vashus tale
consilium cogitasse: testes quæruntur malefa-
ctorum, quæ patrauerat: ab initio dicta colligun-
tur: morte dignus censetur, perimitur. Ità labo-
ribus & periculis, quæ subiuit innumera miser
Vashus, quandò maiores se titulos adepturum
sperabat, finem imposuit. Classiculam Petrus
Arias ipse, vxore in Dariene relicta, conscendit,
scrutaturus littora: nondùm, an redierit, intelli-
gimus: neque ipsi deest fortuna. Iam alius est de-
signatus gubernator, dictus Lupus Sosa, ex For-
tunatis insulis, vbi extitit prorex, reuocatus ab
Dariene. quid stomachi sit habiturus, si redierit
Petrus Arias, boni iudicent: nil vnquàm gloria
dignum sub eo actum est: nimium remissum ab
initio fuisse, hinc arguitur: illinc autem nimis
indulgentem, & parum seuerum in corrigendis
erroribus. De hoc satis. Omissa quædam re-
petamus de flumine ingenti Dabaiba profun-
dissimo, quem nostri ob latitudinē ac magnitu-
dinē eius immensam, Grandē vocitârunt: qui la-
bitur in vltimū Vrabæ sinūs angulū, per portas
(vri

(vt Nilus in Aegyptium mare) septē. Cuius copiosam descriptionem reperies in decadibus nostris. Quod eius mōtana sint auro ditissima, ex accolarum, quos super ijs rebus accuratē interrogauimus, relatu dixi. Dabaibæ arcana scrutaturi Vafchus & prætores alij, compositis agminibus aduerso flumine cum nauibus diuersarū specierum, quater conscenderunt: quadraginta millia passuū primò, mox quinquaginta, demum octuaginta, ex transuerso aliās. O ingens facinus, ô nostram detestandam ignauiam: gens nuda vestitā, inermis armatā in omni ferē cōflictu profligauit semper, trucidauit ad vnum, aliquandō vulneribus confecit omnes. Sagittis bella gerentes venenatis, hostem laceffentem impetunt: & quā visu hostium carnes assequuntur detectas, ictum figūt certissimum. Habent & iacula, quæ pugnae tempore tam crebra iaculantur eminūs, vt more nubis solem hostibus eripiant. Habent & ligneos durefactos enses latos, quibus cominūs certant ferociter, si ad manus deueniatur: & Vafchum ipsum multis vulneribus confecerunt aliquandō. Itā flumen Dabaiba propulsantium accolarum rabie inexploratum relinquitur. Restat, vt de Hispaniola, reliquarum insularum genitricē ac ceu primaria earum, de quibus narrare instituimus, pauca dicamus. Resarcitus est in ea Senatus: quinque sunt additi iudices, qui vniuersis illis tractibus leges præbeant. Sed propediēm in ea colligere aurum, licet sit auro prægnans, desinent, quia fossiores deerunt: ad exiguum miseri accolæ redacti sunt numerum, quorum opera auro legendo vsi sunt. Absumpti sunt ab initio bellis acribus, fame multò plures: quo anno radicem, qua panem nobiliū conficiebant, eruērunt,

eruērunt, & à maizio grano seminando pane populari abstinuerunt: reliquos varij morbi, ignoti haftenus, anno millesimo quingentesimo decimo octauo, qui tanquàm morbosas pecudes contagioso halitu eos inuaserant, & vnà, nè mentiamur, auri cupiditas: in quo effodiendo, cribrando ac legendo miseros post iacta semina, ociosis ludis ac tripudijs, & piscationi, aut parui cuniculi venationi assuetos, inhumanè nimis exagitauerunt. Iam per regium vniuersum Senatum sanctum est, vt liberi reducantur in populos, & agriculturae generationi què indulgeant. Serui autem & aliundè empti, ad id aurifodinarum opificium trahantur. De auri mortifera fame satis dictum. Auditum est mirandum, quantum in hac insula coalescant omnia. Octo & viginti in ea sunt torcularia erecta, quibus magna saccari copia extorqueatur. Saccareas aiunt cannas altiores crassioresque in hac insula creari quàm alibi vsquàm reperiantur: ad crassitudinè lacertalè, aiunt, & virilis stature ac semis altitudinè nutriri: & quod maius, Valentiae Hispanæ, vbi ingens saccari copia quotannis elicitur, vbicunque saccareis cannis inuigilatur, quinque vel sex, aut quandò copiosius, septè phialas cannas quæque radix parturit: in Hispaniola viginti aut triginta interdum. Quadrupedum est in ea copia immensa. Auri rabida sitis à cultura Hispanos haftenus diuertit. Triticum augetur in immensum, vt centesimum aliquandò reddidisse dicatur: vbi cura sit, in collibus aut montanis iugis, ad boream præcipuè versis, tritico ferendo intendere. Coalescunt & vites in eisdè partibus. De arboribus verò cassiam fistulam gigantibus, ex insulis putato continenti vicinis absportatis, (de quibus mentionem fecimus in deca-

decadum libellis) quid dicemus? Tanta est iam copia, vt post paucos annos libram simus vnciae loco à pharmacopolis habituri. De syluis coccineis, deq; reliquis huius beatæ insulæ prærogatiuis, & naturæ in illam porrecta beneficentia, satis multa in decadibus. Placuit tamen pleraq; repetere, quia à grandium negociorum mole arbitror ad huiuscemodi rerum recordationem multorum lectorum ingenia diuertisse: nec labia detorquent, quæ sunt sapida, modò materia preciosa preciosis vestibus induatur.

F I N I S.

SANCTISSIMO LEO-
NI DECIMO PONTIFICI
MAXIMO, PETRVS MART. S.



QUANDO QUIDEM beatissime Pater, è nostri orbis noui ternione partes sibi duas tua Sanctitas vendicauit, Ioanne Rufo Foroliuiensi Archiepiscopo Cōsentino, & Galeatio Butrigario, tua sacra sedis apostolica legatis, ac Ioanne Cursio Florentino, suæ illustris Reipub. oratore, vt ea colligerē, tuæ Sanctitatis nomine, poscentibus: Accipiat vnà Legationem hanc meam Babylonicam, paululum reformatam ab ea, quæ inepto charactere, me inconsulto, cum prima decade impressa vagabatur. Quò intelligat, vtrum mihi creditum à peregrè proficiscente Domino vitale talentum, in nostra religione suffoderim, an exercuerim: & an
ego

ego de tui gregis ouibus vna, virentia tua prata depastus
impunè fuerim. Huius legationis epistolares archetypos
liuratos proieceram in angulum, tanquàm rem nudè
compactam, de ipsius editione nil penitus curans. Quia
nihil ex his quæ domi aliquandò cuderim, sine rubore ac
metu emisi vnquàm: quoniam quid ex mea officina pro-
dire queat, apertè cognosco. Multò enim magis occipi-
talem eruditorum castigationem timeo, & inuidorum
tela perhorresco, quàm amicorum applausibus erigar,
aut vlla commendatione ob sumptos labores exhilarari
animum sentiam. Dormitabat igitur iacebatq; in tene-
bris derelicta mea hac à Gadibus ad Nilū vsq; peragra-
tio, quando Hispaniarum & Cardinalis & primas To-
letanus archiepiscopus, noster hic patronus, Franciscus
Ximenez inpresentiarum Castellæ regnorum modera-
tor, Carolo rege catholico absente, vt è latebris illā edu-
cerem, efflagitauit. Prodiit eius nomine. En illam secun-
dò chalcographorum praelis suppositam, venustioribus
tamen characteribus fucatam, magisq; verè quàm ele-
ganter scriptam. Quæ si tam sereno vultu suscipietur,
quàm nostri agelli primitiæ anno superiore, de Orbe No-
uo, ad te, qui vicarius Dei vices in terris geris, missa, cui
rerum omnium decimæ primitiæq; debentur, susceptæ
fuerunt, obtusum ac torpens ingenium meum excitabi-
tur, & multa quæ de Orbe Nouo restant, literis mau-
dabit. Vale Pater beatissime, ante cuius sacros pedes
animo, si nequeo corpore, prostratus, opto dicòque feli-
citatem.

Petrus Martyr Mediolanen.

PETRI

PETRI MAR-
TYRIS MEDIOLANEN.

FERNANDO ET ELISABETH RE.

GIBVS, QUI EVM AD VENETOS

*& Soldanum, oratorem miserant,
legationis Babylonicæ*

LIBER PRIMVS.

REGIO à conspectu vestro, catholici principes, cum destinatus orator ad Venetos, deinde ad Soldanum Babylonicum, discessui me accingerem, ut quæ memoratu digna se offerrent, quæ ve mihi acciderent, ut Latine retscribere, imperastis. Quamobrem vestri imperij memor, breuibus epistolis tribus ex itinere quædam ex ijs, quæ mihi occurrebant, vobis significauit. Nunc verò cum in hac vrbe Alexandria sim dies aliquot ociosus moraturus, ob galeaceas, quæ me aduexerunt, barbarorum cauillationibus implicitas, nullumque sperem aliud posse mihi nauigiū offerri, quo me credere tutò prius queam: fuit consilium, nolle tempus incassum tenere. Præterea cum existimē accidere posse in natura, ut magnorum aliquandò regum, veluti priuatorum negocia vel intercipientur, vel tempestatibus includantur, est animus scribēdis ea commiscere, quæ hactenus exarui. Sic igitur exordiri inten-

intendo. Si memores estis, catholici principes, ex vrbe Granata, quam de Barbarorum Mahometeorum potestate bello nupè eripuiſtis, Idibus Auguſti, anni à ſalute noſtra primi & quingenteſimi ſupra milleſimum, ad hoc munus oratoriũ mihi demandatum à vobis dimiſſus ſum. Cũ abire iam pararem, Dominicus Piſanus, qui apud vos ſuam Rempub. Venetam orator refert, vt properarem, vehementi monitu perſuaſit. Solere ſæpiũs ad Orientis oras his temporibus Venetarum galeacearum claſſem, genus nauium à piratarum incurſibus & tempeſtatum ac procellarum rabie tutiſſimum, traicere, inquiens. Huius ergò verbis impuſus, longis itineribus Hiſpaniã vtranq; Galliam vniuerſam, quæ Herculeo mari adiacet, Italiãq; totam à Liguſtico ad Adriaticũ finum percurri: ſed per loca inuia, per montium anfractus, per deferra ſylvarum proficiſcens, ſub dio, ad euitandum peſtis horrendæ periculũ, quæ Laletanas ac Narbonenſes vrbes & oppida miſeranda contagione vaſtabat, ſæpè comedēs & quieſcens. Nec liber tamen ab ea cæli intemperie penitũs euafi. Tres enim ex antiquis meis familiaribus peſtifera feбри correptos à tergo mœſtus reliqui. Venetias tandẽm pridie calendas Octobris circiter noctẽ intempeſtam perueni. Poſtero die Veneti Senatores de aduentu meo certiores effecti, nobiles, qui me ad ſe comitẽtur, mittunt. Per nũcios enim illis, veſtro catholico nomine quẽdam me relaturum, ſignificaueram. Adiui, veſtro nomine ſalutauĩ, imperata retuli. Quibus auditis, delectatione affecti ſunt ſumma. Sed tunc præcipuè, cũ qualis ſit erga eos futurus veſter animus aperui, ſi quid in ipſos quiſquã moliretur, aut ſi noui aliquid, de quo ſuſpicabantur, emergeret.

geret. Colloquijs vtrinquè iam peractis, regias vestras porrexì literas, quibus ipsos, vt de me vltèriùs ad magnum Soldanum Babylonicum processuro curam gererent, hortabamini, & summa cum diligentia dirigerent, rogabatis: gratissimū vobis facturos innuentes. Literis libenter perlectis, responderunt, se per celeres tabellarios ab oratore suo qui isthic assidet, Dominico Pisano, de mea ad Soldanum profectiōe præsciuisse. Indè vt animo sim alacri, suadent. Iter mihi tutissimum successurum prædicant. Moxq; de primarijs & senioribus vnus, his me verbis allocutus est: Ab huius nostræ vr̃bis initio, quæ, vt̃i vides, aquis vndiquè circumuallata, & intra marinos fluctus fundata, nullius rei per se copiam tenet: ità semper fuimus instituti, vt ciuium nostrorū pars maior, maritimis commercijs intentā, exterarum regionum, quacunque iter patèret, prouentus ad nos deportare curarent: cæteris, quibus vel senio cōfectis vires defunt, vel rerum experientia aut doctrina pollentibus prudentia inest, regendæ vr̃bis onus incumbit. Quarè longa nobis annorum curricula hoc genus nauīū, quas nos Galeaceas appellamus, aptius, commodius, tutiusq; esse reliquis nauigijs, ostenderunt. Quibus, quicquid nobis est fortunarū, quorquor ve nobiles nostra hæc vr̃bs procreat, nos posse tutò credere arbitramur. Opportunè igitur & fausto fidere aduenisti. Nouè enim scito galeaceas commercij causa, quatuor Berytum Damasci Syriæ portum, Alexandriam autem Aegyptiam quinque, destinatas. Ex his octo dudum vela in altum dedisse, vnāq; tantummodò esse in portu tibi significamus, quæ ad colligendas aliarum sarcinulas postergatas permansit: nihilq; aliud iam,

*Instituta
Venetorum.*

*Tuta galeacearū
nauigatio.*

Aa

præter

præter aduentum tuum & secundos ventos, operitur. Reliquas octo galeaceas in Polæ urbis nostræ portu in Illyrico assequeris: in quem lignandi & aquædi gratia sese, ex veteri nostra consuetudine, recipiunt, altum ve capturæ conueniunt. Propterea te, quantocyûs poteris, accingito, nè, si fortè venti consurgant optati, diutiùs morentur. Ingruit enim iam hyems, & durû est posthac credere se ventis: propter varias quæ ex insperato, in hoc præcipuè vadoso nostro sinu, exoriuntur tempestates. Huic ego, quacunque me hora nautæ vocauerint, præstò fore, respondi. His itaque peractis, eius galeaceæ, quæ adhuc stabat in ancoris, Præfectum Senatus ad se iubet accersiri: meq; illi summoperè commendat: utq; honorificè & commodè tractet, imperat. Domû igitur lætus reuertor: & interea loci dum per familiares meos lecti, cæteraq; ad eam nauigatione necessaria comparantur: hunc diem, qui Calendarum Octobris est, cùm salutationibus eorum qui mihi in Hispania oratores noti erant, intentus, tum perquirèdo aut exarando, cõsumpsi. Ex ijs qui ad me veteres amici salutandi gratia venerunt, cùm Venetos Senatores ad principè eligendum in prætorio conclusos repererim, quo ordine is deligatur, percontatus sum. Cùm primùm dux eorum hominem exiit, comitia, ad quæ nobiles omnes ab anno trigesimo conueniunt, per præcones conuocantur. Neque enim de populo inter eos ad imperij habenas quisquam admittitur. Nobiles autem, circiter quingentorum supra mille numerum attingunt. His aggregatis, de argentati globuli intra pyxidem clausi, numero totidem, quot ipsi adstant, afferuntur: quibus triginta tantum deaurati cõmifcentur. Ità veluti agmi-

Ordo eligendi principem Venetum.

agmine benè composito pro cuiusque ætate (hominos enim inter ipsos veterum Romanorum more senibus exhibetur) ad pyxidem procedunt, manuq; propria singulos globulos latètes ex obscuro singuli extrahunt. Qui in deauratos fortè incidunt, in prætorio permanent: cæteri dimituntur. Triginta verò hi, nouem inter se, per suamet suffragia sortiuntur: reliqui abeunt. Nouem his ità electis, de quibuscunque nobiles absentibus vel præsentibus quadraginta, per sua suffragia liberum est præponere. Ab his quadraginta, duodecim iterùm de suomet numero deliguntur. Quibus duodecim, cæteris domum redeuntibus, alios extra se quinque & viginti nominandi potestas præbetur. Hi quinque & viginti, de seipsis nouem iterùm per suffragia deligunt. Extra suum collegium hi nouem iterùm quinque & quadraginta, quoscunque libet, sortiuntur. Ex horum turba iterùm vndecim, qui cæteris discedentibus, alios vnum & quadraginta deligunt. Hi vnus & quadraginta iam tandèm, vndecim electoribus suis domum dimissis, in prætorio permanentes, post tanta ac tam varia scrutinia, de nouè sancti Marci procuratoribus eum, quem, iureiurâdo adhibito, ad Reipub. gubernaculum aptiorem fore crediderint, ducem sibi retinent, qui in suffragiorum vnus & quadraginta benigna cessione, quinque & viginti ad se directâ suffragia habere comperietur. Ducis autè Vene-

*Ducis Vene-
torum
potestas.*

Aa 2

Monetæ

Monetæ tamen huius caractere signatæ cuduntur: ipsiusq; nomine literæ conscribuntur. Non deerunt hoc loco, arbitror, catholici reges, si ad aliquorum manus hæ nostræ literæ peruenerint, qui subsannare, & meæ huic, eorum iudicio, inutili curæ detrahare præsumant, qui ad tantos ac tantis regnorum ponderibus pressos reges minuta quædam, & inculta oratione, ociosus enarrem. His ratio ipsa, catholici principes, aperta fronte respondebit: prudentum sibi ac sapientum nomina solos eos reges peperisse, qui multarum rerum scientiam continua & studiosa inquisitione indagârunt. Nec magnis principibus semper res celebres datur pertractare. Nec sola ea sunt magna, à quibus dulce aut vtile, quæ duo vitâ versant humanam, decerpantur: à paruis etiam arbutis fructus interdum non inutiles, & ab incultis rubetis odoratæ rosæ colliguntur. Propterea cum sitis mihi, sanctissimi duo cōsortes, non penitus ignoti: cum à clarissimè gestis prudētia vos viuentes omnes antecellere sit compertissimum, fuit consilium hebetare aures, & quacunque vobis satisfactum iri credidero, calamum dirigere. Redeundum igitur est ad primum institutū. Ab iisdem qui apud me eo die versati sunt, quod genus galeacea nauigij sit, adeo, vt ipsi prædicāt, tutum, quibus authoribus cōficiatur, quo ve modo regatur, sciscitatus sum. Genus aiunt esse triremium: nec alio à triremibus fabricari discrimine, quàm magnitudine. Impēsa verò & ærario cōmuni ab eorummet fabris nauticis, quos habēt & enutriunt cōtinua exercitatione in suis naualibus innumeros, construuntur. Venetorum naualia, principes serenissimi, pulcherrimū est videre. Urbem munitissimam, velut à propinquis hosti-

hostibus mirificè custoditam, se ingressum arbi-
trabitur, qui intra eorū naualia admittetur. Mœ-
nibus enim turritis circūsepta, præsidijs & excu-
bijs perpetuis custodiuntur: nè quis maleuolus
igni supposito, vt aliquandò euenit, introëat. Ibì
fabrilia omnia fiunt. Ibì malleorum strepitus vix
ferre potest quisquam, cùm inter fabrorum fer-
rariarum officinas iter fit. Alij ancoras diducūt,
alij enses, hastarum cuspides, & gladiatorum omne
genus formant: alij ballistas conuant & scorpio-
nes: alij clauos, secures, ligones, & cætera quæ ex
ferro fabrefieri solēt, instrumēta cudunt. Ibì etiā
fœminarū nentium texētiumq; ac omne amplu-
stre parantium multitudo ingens degit. Ibì molæ
versatiles, quibus tormentarius cōficitur ac teri-
tur puluis. Nunquā quiescunt. Deportatas huc
fabulosas Vulcanias insulas vestræ Siciliae subur-
banas, cum suis Vulcano & Cyclopibus, me per-
ambulare quasi existimabā. In his demū naua-
libus omnia quæ ad nauigationē, terrestrēq; bellū
attinēt, cōficiuntur. Galeaceis igitur cōpactis at-
que etiam instructis, per præconē in compitis ac
triuijs omnibus, certam galeacearum copiam ad
Alexandrinam aut aliam expeditionē esse paratā,
edicitur. Diuersarū enim mercium cōparandarū
gratia, ad oēs has regiones Veneti quotānis quen-
dam galeacearum numerū mittere consueuerūt.
Ad Tanaim scilicet in Scythiam aliquas: alias Be-
rytum Damasci portum in Syriam: Alexādriam
Aegypti emporium alias: ad Africana littora ple-
rasq; quasdam in Hispaniam, in Angliam Britan-
niam maiorem: & ad glacialis oceani incolas etiā
nōnullas mittunt: Byzantium quoq; Constanti-
nopolim in Thraciam, priusquā Turcarū bel-
lis vrgerentur, vnde tapetum ingentem copiam

*Quāti cas
pax sit ga
leacea.*

referebant. Audito igitur sui principis & Senatūs per præconem edicto, nobiles hisce negociationibus exercitati, in prætoriū conueniunt. Ibiq; posita ad auctiōem galeacearum locatione, singulas singuli conducunt. Facta dehinc pro ipsorum veteribus decretis diligenti inquisitione, an cuiusq; galeaceæ cōductor, idoneus sit: cū omni, vt itā dixerim, supellectili amplustriq; recēti, ad nauigandumq; paratissimas conductoribus suis nobilibus galeaceas obsignāt. Popularium nanq; galeaceam conducere nemini licet. Harumq; conductores, patronos appellant: & à patroni cōductoris cognomine, nomen sibi quæq; galeacea in posterum retinet. Galeacearū quamlibet, cuparum quingentarum sub tegmine: in detecto autem, totidem pondus deportare, inquiunt. Cupas verò singulas, ponderis mille librarum computant. Et quoniam longè secūs, atquē onerariæ naues aut alia quæuis nauigia, gubernantur: non erit absurdum, quonam modo illas regāt, recensere. Galeacearum quælibet, ducentorum ferè hominum ministerio, stipendio cōductorum, indigere videtur. Ad remorū ac velorum administrationē, centū quinquaginta addicuntur: tot enim remos quælibet ipsarum (quanuis ob nauigij magnitudinē remis parū vtantur) affert. Nam solo tempore malaciarum, vt proximum aliquē portum ingrediantur & exeant, aut vt se in aliquam partem mutant & cōuoluant, remis agitur: quos habēt in quolibet transtro ternos: propterea triremes meritō appellabuntur. Hi centū quinquaginta, à remis remiges dicuntur. His digniores duodecim iuuenes agilimi assignantur: qui haud secūs, vbi opūs est, per malos ac rudentes & antennarum cornua asscendūt, descenduntq; etiam rugi-

rugiente tempestate, ac si essent Tabrachæq; fimie,
aut petauri leues: hi gagliardi, id est, viribus pol-
lentes, appellantur. Quorum humeris siue indu-
striæ & labori in fremitu tempestatû, siue in cer-
tamine nautico, si quid occurrat, totum onus in-
cumbit: & veluti decuriones, alios nautas regûnt.
Sunt præterea duo directarij: quorum consilio,
duodecim gagliardis comitibus, cura est vicif-
sim, quacumq; puppis vertenda sit, temonē rege-
re. Est & his superior gubernator generalis: cui
alius addicitur consiliarius. Omnibus autem pa-
tronus ipse galeaceæ conductor imperat. Insunt
etiam omnium artium ad rem maritimam neces-
sariarum opifices delectissimi, è publicis nauali-
bus educti, in eis à teneris educati, cum suis quis-
que ministris & fabrilibus instrumentis: vtputà
lignarij, ferrarij, stipatores, ballistarij, arcuarij,
tormētarij, & reliqui id genus. Sûnt & coci cōplu-
res, dispensatores, mensarij ministri: quatuorq;
portæ custodes vocati: qui sub vnius tabellionis
imperio, cui merces omnes assignantur, curâ ge-
runt èruendarû imponendarumq; merciû: ne ve-
quis sub tegmen per portâ, nisi sit benè notus, in-
grediatur: quoniam ibi omnia preciosa inclu-
duntur. Sed cæteris omiſſis, operæprecium est,
nouum illud institutum, ab eorum Maioribus à
prima vr̄bis origine inuentum, legeq; sancitum,
& religiosissimè apud eos ad hæc vsque tempora
seruatum, cognoscere. Vt labentibus paupertate
nobilibus consuleretur, lege cautum est, vt ga-
leaceæ cuiusque patronus octo nobilium paupe-
rum filios, ad quamcunque partem proficiscan-
tur, cum segtuaginta nummorum aureorum
stipendio, secum ducat: illisq; victui necessaria,
qualia nobiles habere decet, impartiantur: simul

*Afflictorū
nobilium
remediū.*

vt aromatum libras quater mille, sine nauli vilius solutione, & gratuito importare singulis permittat. Ità & aliena impensa hoc tempore viuunt: & multi qui egestate oppressi torpescerent, exerciti pedetentim, n̄ sint ignaui penitus & inertes, emergunt. Cuiq; tamen ipsorum intra galeaceam suæ stationes, ad quas tutandas vnà cum duodecim comitibus concurrant, si qua vis hostilis ingruat, obsignantur. Sed per Senatûs suffragia hi nobiles de multis pauperibus supplicantibus deliguntur. Galeacearum ex Aegypto præcipuè vel Syria redeuntium, ducentorum interdum millium ducatorum summam singulæ reportare creduntur. Indè nanq; gemmarum, aromatum, Arabicorum odorum referunt omne genus, & quicquid lasciuia huiusmodi est in natura ad effœminandos homines: simul & medicamentorum copiam ingentem per totam Europam disseminandorum. Ex quarum rerum portuarijs & vectigalibus publicum ditatur ærarium, & eorū res publica per ciuium commercia indiès magis augeatur. Ad Syros autem & Aegyptios, vndè ista sibi, ocioforum & lautorum opinione, preciosa conquirunt, argenti & æris maxima ipsi pondera important: quæ ex vtraque Pannonia & Germania, aromatum, lapillorum, ac medicamentorum permutatione, exhauriunt. De galeaceis iam satis: de quibus, cùm essent mihi inter fluctus & tēpestates futuræ per vetita tempora domus, examussum me vestigare oportuit. Scio minuta quæque vos semper voluissē intelligere: hac via vobis satisfactū iri puto: de cæteris nihil mihi curæ. Quonā verò modo suæ in ciuitatis gubernatu sese habeāt Veneti, instituta Romanorū interdum imitantes, in plerisq; fugiētes, nè per licentiam suorū

ciuium

ciuium animi insolescant, dignum esset memoratu. Sed quoniam temporis breuitas pauca mihi de hisce rebus cognoscere permisit, in aliud narrationem hanc differre satius esse duxi. Operæ precium autem est & ferè miraculosum, quantum præterlabendo à fronte tantum ista conspexerim, domorum adeò nouas structuras intra aquas, vias nauigabiles, cymbarum traducentium multitudinem, ornatum & commoditatem, cernere: plateas in mari multas & ingentes miro labore impensaquæ lateribus cõstratas intueri: templa magnificētissima innumera, ditia, in modum arcium erecta atque oculos caligantia, circumspicere. Equidem sub sole visu mirabilius, hominum industria compactum, stare nihil existimo. Nec plura his, quia monebar ut sole primū exoriente præstò essem, licuit vestigare. Sexto igitur Nonarum Octobris die mare ascensurus, ex his quædam ad vestras maiestates, nocte Calendarum vrgente, ab vrbe Venetiarum retroscripsi.

PETRI MARTYRIS
MEDIOLANEN. LEGATIONIS
Babylonicæ liber secundus.



VALE mihi, catholici rex & regina, à vobis proficiscenti ex vrbe Granata iter acciderit, superuacaneum esset velle repetere. Scripsi enim ad vos quæcunquæ ad eam usquæ horam, qua Venetijs discedere parabam, occurrerunt. Nunc cum Alexandriam Aegyptiam ingressus, Soldanicum cogar mandatum expectare, sitquæ velox quoddam Venetum

Aa 5

naui-

nauigium in Europam Venetias propediem rediturum, imperij vestri memor, calamū sumpsi. Sexto Nonas Octobris, vti iam significauī, Polā Illyrici maris urbem, in cuius portu galeaceæ reliquæ nostram opperiebantur, petiturus, mare conscendi. Polam, vix centum millia passuum distantem, ante diem sextum Iduum ipsius Octobris præhendere, propter aduersantes vêtos, minime potuimus. Ibiq; vnà cum cæteris omnibus qui nos expectauerant, flantibus ex aduerso nunc euris, nunc austris furentibus, interdum etiam propter malacias, continuos egimus cum ingenti molestia septem dies ociosi. Quo tempore, à duobus theatris antiquis & vetustarum rerum plurium epitaphijs illustratarum vestigijs, nobilem fuisse urbem Polam cognoui. Quapropter cùm in mentem venisset, splendidissimam vestram curiam iuuenibus ingenio pollētibus, & antiquitatum studiosis, esse omni tempore ornatam, non absolum mihi visum fuit, ex epitaphijs aliqua colligere: quorum pleraque vetustate collapsa, alia fragmētata iam sunt. De manibus etiam Polensium quædam extorfi, aliqua & prætermisi. Est de Polæ vrbis huius portis vna, quæ Ratta dicitur, vbi triumphalis extat arcus, qui hoc epitaphio inscriptus est:

Saluia Posthumia Sergi. de Sua Pecunia.

Eodem in loco.

C. Sergius, C. F. AED. ij. Vir. Quinq. L. Sergius L. F. Lepidus. AED. TR. MIL. LEG. XXXX.

Eodem in loco.

Saluia Posthumia Sergi.

Post altare S. Matthæi extra mœnia Polæ.

SEX. Palpelio, P. F. Vel Histro. LEG. TI.

Claudijs

Claudij CAES. Aug. PROcon.

Alio in loco.

Pr. Tr. PL. x. Vir. S. T. T. L. Iu. Dic. Tr.
mil. LEG. xiiij. Germaniæ Comiti. TI. CAES.

Augu. Dato Diuo. A Aug.

Alio in loco.

C. Prerius Felix Neapolitanus, Beneficij.

Apud Ecclesiam S. Germani.

I. O. M.

C. Iulius Chrysogonus Ex Voto Fecit.

In sacello Octauiani Augusti.

Romæ, & Aug. CAES. INui. F. PAT. PAT.

Aenigma in quodam tumulo.

Pater Cum Filia, Frater & Soror, Socer & Nu-
rus. Hic Tantum Duo Iacent.

In quodam sepulcro.

Sergia FLA. Lusiana, Mihi & Q. Fla. Lusiano,
Dulciss. Nepoti Ex Filio Coniugis. Q. Meo
FR Atri. AM Antiss. Fui INTEgra, Monumen-
tum Constitui.

Eodem in loco.

Euticus, & Enoria Nata, H. Sedem S. V. P.

D. M.

A. Actius CA. Archiater, S. ET Iulix P. Con-
iugi Incomparabili, V. S. P.

Ibidem.

TOciæ Nisidius Capito, Maritus Parui Téporis.

Ad sanctum Ioannem.

Marco Lurio Hialisso Patrono, & Lurix LIB.
ET M. Lurio Zosimo, M. Luri⁹ Zosimus LIB. F.

Apud sanctum Martinum.

Iulix Chrysanthidi, Ann. xxxj. Men. iij. D.
xxxix. F. Lusidienus, Nestor, Aug. POL. CON.
Incomparabili. Cum Qua Vixit Ann. xvj. Sine
Vlla Querela. B. M.

In

In quodam sepulcro.

D. M.

Papyria Prima, Viua Sibi Posuit.

Apud sanctum Vicum.

AVR. S Oter, ET AVR. Stephanus, Aur. So-
teriae matri Pientiff. Religio. Iucife. metuenti.

Eodem in loco.

C. Basilides EQ. R. ET AVR. Vibia, Vibia-
nae matronae Parentes, FIL. Kariff. V. F. F.

In quodam monumento.

D. M.

Aure. Rufinae, Alumnae Pientiff. & INcompara-
bili, quae vixit An. xxvij. M. x. d. II. Fide Cogni-
ta, Memor Obsequij Eius Aurelia Soteria PIET.
Plena, P.

Iuxta amphitheatrum.

D. M.

Aurelio Timacho, Aspasia Liberta. V. F.

In quodam sepulcro.

MANilia Paula, De Patrimonio Suo Sibi & Au-
relio Paulino, Compatri SVO Domum Aeter-
nam P.

In quodam horto apud sanctum Ste-
phanum.

Auidia Maximina, Domum Aeter. V. S. P. si quis
Aliud Corpus Superpo. Det Fisco ccc. mil.

Apud amphitheatrum.

Aur. Eripinus, Aur. Victoriae. Compater Eius
De Patrimonio Suo Domum Aeter. V. S. P.

In cathedrali ecclesia.

M. Baruius Soter, BAR. Asclepidorae Filiae Pi-
entissimae.

In sepulcro quodam.

Iulia Matrona, Aurelio Aquilino Comp. Cum
Quo

Quo Vixit ANN. xxij. Sine Vlla Querela,
B. M. P.

Apud pratum magnum.

Donatius AVG. LIB. & Annia Primitiua, Hæc
Sedem Fructum Laboris Sui, Viui Sibi Posue-
runt.

Apud montem amphitheatri.

Vibiæ Athenai. DuL. HeRAcli. PA. SOCR.
P. B. M.

In domo Iacobi fabri.

LOC. MON. IN. FR. P. XVI. IN AG.
P. XX. H. M. HERES.

Sub campanile ædis Pontificiæ.

Imperatori CAES. Pio, Felici, Inuicti, AVG.
RES. P. POL. DN. MER.

Eodem in loco à tergo.

MAX. TRIB. P. VI. CON. II. P. P. M.
AVREL. MENophilus. ORnatus IV Dicio
Eius Aequo. PVBL. Sacerdos. Tusculanus
AEDIL. POLEN. Cum Menophilo Patre
LIB. AVG. NN. EXPROcurat. Indulgen-
tiss. L.D.D.D.

Iuxta ædem diui Matthæi in tabula

marmorea.

C. HELVIVS Iulianus, IVLiæ FORTuna-
tæ, CONIugi CASTiss. ET INCOMPARA-
BILI, SPLENDIDISS. ORDO Aquil-
leienfium.

Hæc dum ita conquirerẽ, venti iam tãdẽm fa-
tis placidi, nostroq; itineri non dissoni, sese nobis
ostendunt. Ancoras igitur eruimus, portu egre-
dimur. Quatuor galeacæ, Berytum in Syriam p-
fecturæ, discedunt à nobis. Inter quosdam nos
scopulos in huius portus faucibus eam noctem
egimus. Altero die vela damus, sed infausto fi-
dere:

*Ingēs ex-
orta nauis
bus tem-
pestas.*

dere: Nam vix ad milliare trigesium aberamus à portu, cùm adeò fera tempestas exorta est, vt magistri gubernatoresq; nauium, quid consilij caperēt, penitus ignorarēt. Dum sic omnes mus-
sitant, eccè vis venti maiorem galeaceā, qua ego vehebar, antennā nō longē à malo disrūpit. Vela à summo ad imum lacerat. Antennæ pars in mare à ventis deportatur. Galeaceam ferè secū trahit. Et quidem, nisi celeres illi XII iuuenes, gagliardi comites appellati, parti velorum laceratæ fortiter innixi, eam summa vi adstrinxissent, nauim inuertisset. Intra galeaceam igitur illi laceratorum viribus & robore vela reducunt perditā. Ventorum fremitus furiosus augetur. Aliæ naues suum iter à ventis & ipsæ raptæ prosequuntur, nos deserunt: neque enim, etsi cuperent, laborantibus nobis opem ferre potuissent. Millia passuum circiter viginti retrò cedimus. In statione quadam sub scopulo, qui nos aliquantispër ab vndarum incurſu tutaretur, ancoras iacimus. Ibi dies egimus duos, duasq; teterrimas noctes, aut rudentum aut ancorarū rupturam, vt intra scopulos, quibus proximi eramus, illideremur, in horas expectantes. Verebamus etiam, nè fluctuū ictibus nauis aperiretur. Toto enim tempore nauis nostræ latera non aliter vndarum tumida rabie concussa tremebant, quàm ab hostibus quasata oppugnando tormētis hostiū mœnia. Votis precibusq; singulis horis Deum sanctosq; omnes fatigabamus. In nostra galeacea quatuor peregrinos ad diuersas orbis partes mittendos vouimus. Plena metu omnia, omnia horrenda: sed secunda nox formidolosissima: sæuiebant ab alto rabidi fluctus, mugiebat à profundo pelagus: vndarum cumuli spondas interdum superabant:
modò

modò à puppi, à prora modò vexabamur. Tertia die tandèm quieuit hyems aliquantulùm, iterq; nostrum Dalmatiam versùs capimus. Intra cuius prouinciæ scopulos quarta ab indè die reliquas galeaceas, quæ & ipsæ maiora passæ fuerant incommoda quàm nos, errantes assequimur. Quauis afflicti, inuicèm tamen sublati clamoribus sese è puppibus nautæ, ciues verò nutibus alacres salutant. Aduersantibus iterùm ventis Iaderam, quam appellant Veneti Zaram, Dalmaticam vrbem illustrem vnà omnes retrogradimur. Ibique cùm descendissemus è nauibus, sua quisque pericula iactitabat: hic derelictas sibi, ruptis rudentibus, ancoras, ille spondarum munitiones attritas: alius remigium cum cadis remisque abrepta cōquerebatur. Sed præter cætera ex illis quatuor, quæ nos deseruērunt, fracta maiori ancora, furibundus quidam vortex in aliarum conspectu vnā detorsit ab oculis omnium: illam semiabsorbēdo, concutiendo, conuoluendo in horæ momento absportauit, cæteris tribus pari ferè modo laborantibus. Hi ablatos à se miseros socios, tanquàm iam voratos æquore, deflērunt. Intra vadosa enim Apuliæ littora, quibus ipsi tunc erant proximi, proiectos proculdubio arbitrabantur. Sed minoribus ancoris statim iactis, cum magna rudētum copia, præter omniū opinionem, violentiæ illi restitit, & euasit incolumis. Expurgatis iam languore & metu fatigatis afflictorum pectoribus, vrbem perlustramus: vbi multis veterum monumentis illustratam Iaderam comperimus: ex quibus sculpta marmoribus hæc epitaphia annotaui: & multa præterea quæ non licuit colligere.

In

In vrbe Iadertina. In templo diui Donati.
Iunoni Augustæ Apuleia, M. FIL. Quinta, suo
& L. Turpilij Brochij nomine.

Iuxta portam, qua itur in agrum.

IMP. Cæsar. F. Aug. Parens Coloniae murum
& turris dedit. L. Iulius Optatus, turris vetu-
state consumptas, impensa sua restituit.

In exteriori parte templi diui Chrysogoni.

Q. Delius Q. F. Fuscus. vj. vir. Augusta. F. sibi
& suis. infr. P. xx. in ag. P. xx.

Ibi etiam beati Simeonis prophetæ corpus (vt
Iadertini multis testimonijs probant) honorificè
sepultum atq; adhuc integrum salutavi. Admi-
ratusq; sum tanto tempore simplex, sine myrrha
aut balsamo, cadauer, quod nullo medicamen-
to fucatum est, potuisse incorruptū seruari. Al-
tero, vbi primū eluxit, die, neque enim diutiùs
Iaderæ morati sumus, iter nostrum, claudicando
tamen, altum capere conantes prosequimur. Ea
nocte ex transuerso nauigiolum quoddam, Gri-
pus ab Adriaticis maritimis appellatus, nobis ex
Apulia obuium efficitur. A cuius nautis, qui fe-
rè latus vnius ex nostris galeaceis, inuiti tamen,
abraferunt, accepimus, galeaceas Beryteas, quæ
à nobis Pola Illyrica discesserāt, in Apuliam tem-
pestate abreptas transcurrisse, summaq; pericula
nec nostris inferiora fuisse perpessas. Dalmaticū
tandem littus simul & Epiroticum, per ingentia
discrimina & immensos labores aut latera sem-
per aut proras ventis vertentes, præterlabimur.
Cum ex alto nos prope Dyrrachium, quam mi-
seram urbem nupèr Turcarum exercitus occu-
pauerat, tempestas cōpulisset, per Butroti littus
Corcyram insulam, Alcinoi & Phæaci patriam,
apprehendimus. Neque intra diem tertium & tri-
gesi-

gesimum, quod iter sæpè intra septimū aut octa-
uum à discessu ab vrbe Venetiarum, hæ galeaceę
percurrere solebant, Corphu hanc insulam, nunc
ditioni Venetę subiectam, appellant. Quam qui-
dem ex soli vberate & citrorū copia, amœnam
fuisse, velutī prædicatur, constat. Sed dignitatem
illam, quam ei antiquitas tribuit, Turcarum vi-
cinia & alienum imperium sustulerunt. In dete-
rius enim & in p̄ceps, cū ad exteras manus de-
ueniunt, alta quæq; indiēs collabūtur & corruūt.
Authoritas autem, ornatus & opulencia, imperij
sedem sectantur. In Corcyrę benè munito quidē
& duarum arcium præsidio satis tuto emporio bi-
duum, cū omnia iam nobis alimenta deessent,
commorati sumus. Indē montes Ceraunios ver-
sūs, Cimeriacos ab incolis nostra tempestate nū-
cupatos, qui à Corcyra distant passuum millia
sexaginta, nauigauimus. A quibus, cū iam illis
proximi essemus, occurrens nobis à prora rabi-
dus auster, nos intra Corcyriacos in oppidi con-
spectu quosdam scopulos rugiens reiecit. Vbi
nos aduersū flatus dies vndecim interceptos deti-
nuerunt. Indē Corcyra iam tandē per Cerau-
nia littora à tergo relicta, Cephalemiam, Vlyssis
quondam insulam, in qua Same erat, paucis an-
tē diebus per vestrum & Venetorum exercitus à
Turcarū potestate ereptā, præhendimus. Hęc in-
sula frumento, vino optimo, serico, murice, gre-
gibus atque armentis, ob ingentia pascua, alijsq;
humano victui necessarijs prouēibus abundans
est. Sed & ipsa nunc incursionibus infestata, ma-
lè culta & hominibus parū frequens est. A ter-
go Sames Græciæ continentem versūs, iacet Du-
lichia finisque Laërtiacus: quem his etiam tem-
poribus Golphum Lartę Veneti nominant. Post

Bb

triduum

triduum quo stetimus in ancoris in littore Samico, à ventis aduersantibus detenti, discedimus: duosq; illo die scopulos, quos dicunt Striuales, Vergilianas Strophadas, præterlabimur: Zacyntho insula, quæ nunc Zanthus dicitur, à septentrione visa, quæ sexaginta millia passuum ab insula Same distat. Sed cum à Zacyntho & Strophadibus iam circiter millia centū nauigauissemus, maris ira coacti, Zacynthum regredimur. Ibiq; intra portum qui dicitur Natte, semper fluctuantes, dies egimus in ancoris quatuor. Discedimus tandem, & littus abradimus Arcadicū, Peloponnesiacum ve & Argium, loca omnia ob Turcarum incurfiones & crudelitatem, sed nunc præcipue, inculta, deserta & miserāda, cum Venerorum vires, expugnata vrbe Modonensi, habitiq; in deditionem Corono Græco oppido his temporibus ditissimo, perfregerint. Sic nauigando beatæ Catharinæ die, quem, vt non benè faustum, nautæ formidant, sole ad occasum vergente, in insulam Cytheræam incidimus: in qua adhuc extant celeberrimi templi vestigia. Vbi superueniens ventorum nimbus cum tenebroso ac violento pluuiarū lapsu, nos ancoras iacere vix passus est. Sequens verò dies in puppim nobis vêtos ostēdit: quare eleuatis ancoris vltimo iam Peloponnesi angulo, quem nautæ Itali Caput, antiquo nomine Maleum vocant, à tergo, Aegeoque mari cum reliquis præterabasis, Cycladibus insulis à sinistris relictis, altum capimus. Et hora circiter eius diei meridiana, fabulosa Iouis quondam insula Creta à Cytheræa millia paulò minus centum distans, nobis apparuit. Cuius emporium urbem Candidam intramus Nonis Decembris. Quod iter à Corcyra intra diem octauum

uum hæ galeaceæ sæpiùs peregerant. Ibiq; quan-
 uis ab omnibus pelagi minis portus sit tutissi-
 mus, tredecim continuos dies inclusos aduersi
 nos venti, nè egrederemur, detinuerunt. Interea
 loci de insulæ rebus hæc pauca notauit. Ex insule
 viridarijs rosarum & violarum manipuli, nati-
 uæ ambrosiæ alligati, cæli benignitatem testâtes,
 ad me quotidie ferebantur. Vrbs autem Candi-
 da ad Orientem sub Idæis montibus posita, vici-
 num sibi habet alium à meridie montem altis-
 simum, qui nostra etiam tempestate mons, Iupi-
 ter ab incolis appellatur. De Minoio verò La-
 byrintho, de quo poëtæ tam multa fabulantur,
 examussim percontatus, extare illum reperi, es-
 seq; subterraneum specum cauatam intra montē:
 quinque & viginti passuum millibus in internis
 insulæ ab vrbe Candida distantem. Sed maiori ex
 parte vetustate collapsam, pluribusq; in locis di-
 rutam asserunt. Ex industria etiam plures aditus
 clausos: & lege cautum, aiunt, nè quis introeat,
 nisi illum senex aliquis indigena, qui meatus il-
 los benè cognitos habeat, accensa face, introdu-
 xerit. At tamen quid aliud sit præter speluncam,
 quis illum struxerit, quòd ibi ex Pasiphaë natus
 Minotaurus fuerit, & manu Thesei interierit, mi-
 nimè sciunt. Natos autem apud ipsos Saturnum,
 Iouem, reliquos ve simplicis ac fabulosæ anti-
 quitatis tyrannos, ignorant. Neq; enim est quis-
 quā in tota insula qui literas didicerit: aut quic-
 quam scire aliud curet, præterquàm de vineis aut
 gregibus & armentis: ex quibus vini & casei co-
 piam exhauriunt immensam: quorum prouen-
 tum permutatione, cætera sibi iucunda aut ne-
 cessaria comparant. Sylvas Cretenses habere cu-
 pressinas ità peculiare, vt domorum omnium

*De Laby-
 rintho.*

Bb 2 trabes,

*pressi Insa
asnt r Gula
In Creta
nullū ani-
mal noxius
um.*

trabes, cōtignationes, tabulatāque omnia ex illis arboribus, atque etiam naues construant, quodq; apud eos cupressi incisæ renascantur, mihi Cretenses affirmāunt. Noxium præterea veneno aut rapax animal, vtputā lupū, aut vrsū, siue vulpem, vel huiuscemodi aliud vllum (quanuis in lacunis colubrę procreentur) insulā peperisse nunquam prædicant. His paucis de insula Creta iuxta doctorum scripta collectis, Candidæ portum sextodecimo Calend. Ianuarij iam tandem egredimur. Rhodōq; casu ac Carpatho reliquis ve multis insulis adiacētibus à sinistra relictis, Alexandriam Aegyptiam versūs, quæ Cretæ australis est, proras dirigimus. Quem maris tractū quadringentorum millium passuum dimetiūtur. Id non paucioribus quàm sex diebus peragrarē per tempestates licuit: è prora enim interdū, à lateribus plerunquē, nos fatigabant. Sed eo præcipuē die quo Alexandriam attigimus, nos tumidissima procellarum rabies comitabatur. Contra Alexandrinorum omnium opinionem, plenis tectis ac pinnis nostri accessūs exitum expectantium sole ad occasum vergente, decimo Calend. Ianuarij, portū appræhēdimus. Multa ibi eo die rara nauigantibus, ex veterum nautarum sermonibus, acciderunt. Vndarum cumuli, qui sese nobis interdū eleuabāt medijs, socios à nostris, & nos à sociorum oculis surripiebāt: immò & plerunquē non modò naues, sed & nauium malos penitus abscondebant. Salientium vndarum spondas percutientium adeò magna moles interdū erigebatur, vt semel atque iterū ad aliam galeacæ partem, tanquàm densa nubes, in mare caderet. Pedibus insistere vix quisquam poterat. Vidi ego præterea ac dimensus sum, fluctibus egre-

egredientibus, sinistram nostræ galeaceæ spondā duos & semis cubitos sub aqua interdū delitu-
 isse. Dextra enim ab Occidente venti furebant. Sed eius nauigij itā benè formata est & compacta ,
 contextura, vt quā ipsamet vnda ingreditur, eā-
 dem regrediatur. Et si tota sub aquis ipsa nauis ,
 summergeretur, velutī anguilla aut agiles del-
 phini, eādem vi vndarū impulsā quā obruitur, ,
 emergit. Nocte igitur superueniente, in captato
 Alexandrino portu nouo septentrionali (alium
 enim habent antiquum tutiorem, quem nemini
 Christiano videre fas est, occidentalem) anco-
 ras summa cum lætitia demittimus: alacriq; ani-
 mo ab Aegyptijs propter varias non minū gra-
 tas quā vtilēs, quas ad eos merces importāt, sed
 auri, argenti atque æris præcipuè, galeaceæ reci-
 piuntur. Ego verò, habita descendendi è nauibus
 ab Alexandrino prorege venia, (neque enim ali-
 ter captare terram fas est cuiquam) à Barchino-
 nensi quodam Philippo de Paredes, Hispanorū *falsum.*
 & Gallorum in ea prouincia consule iudiciario, *nam oia xp*
 hospitio suscipior. Tabellariumq; celerem, vbi *prete vau*
 sum ingressus Alexandriam, ad Soldanum de ad- *fallo vtunt*
 uentu meo significatum, Cairum, quæ est Baby- *consule*
 lon nunc Aegypti, Idumææ & Syriæ regiam fe-
 dem, mitto. Mos enim est, vt edictum prius Sol-
 danicum, quicumque eas oras attingat, expectet,
 quā ad eū iter capere auit. Interea igitur dum
 edictum opperior regum, tertium esse Alexan-
 driam à Meroë iter, climata considerans, quid à *vbi hirū*
 nobis distet Alexandria, animaduertebam. Hye- *dines alio*
 matum Alexandriam hirundines, miluos, quos *eq; id ges*
 regales in Hispania appellatis, cæterasque volu- *nus voluo*
 cres, pontum, hyeme adueniente, à nostris regi- *cres hys*
 onibus Europæis transuolantes, tendere cogno- *ment.*

ui. Floridas & habebāt arbores ac viridaria Decembri & Ianuario mensibus. In sextum ab ingressu meo diem, impatiens ocij, Alexandriam perambulauī. Prōh dolor, illustrem, maximam, habitatoribus refertissimam, pulcherrimā, opulentissimamq; quondām Ptolemæorum sedem Alexandriam, collapsam, dirutā, maiori ex parte desertā miserando spectaculo, deploraui. Heu infelicem, quæ & quanta mœnia, quales & quā amplæ eius vrbis stratæ viæ, quā conspicuæ domorum frontes ad cælum tendentes, qui portarum fornices. Sed in cinerem versa domorum interna omnia prætereuntes cōspiciebamus. Vndē hęc tam lachrymosa ruina emanārit, varię mihi sunt rationes adductæ. Alij pestiferæ contagioni rem ascribebant, alij bellis ac ciuium seditiōibus attribuebant. Sed regum sæuitiam, post transportatam trans Nilum imperij sedem, & alienigenarum tyrannidem truculentam, potissimam eius depopulationis causam fuisse nonnulli arbitrantur. Quotquot enim Soldani creantur, Alexandrinos incolās (quum sit Alexandria, excepta Damasco, regnorum omnium Soldanicorum emporium & negociorum sentina) expilant, & tanquā mercenarias oues pro libito excoriant. Neque abest quin à plerisque per cruciatus & tormenta, delatorum susurris admoniti, pecunias extorquere soleant: nulla alia ratione media, præterquā, Volumus pecunias. Quapropter quicūque mercatores, aut alteriusmodi incolæ diuites, eas inhabitant prouincias, die noctuq; suam perniciem ob diuitias quas possidere creduntur expectantes, tremunt, curisq; ingentibus confecti, vitam degunt infelicem. Inde est, quòd hac tempestate tenuia sint commercia,

nul-

nullæq; gemmæ vel paucæ reperiantur: pauperes enim se esse mercatores omnes simulant, & parcè viuunt ac vestiuntur: omnia parciùs solito, nè in suspicionem incidant. De his iam satis: ad nos redeamus. Dum igitur edictum regium, quo me accersat, sollicitus opperirer: nullam esse Soldano curam, non modò de edicto ad me mittendo, verumetiam esse iratum, aduentumque meum ægrè tulisse, renunciatū est. Veritus nanq; est defectionem. Sed iræ causam indè nactus est, veram dissimulans, quòd paucis comitantibus me adire, nullaque dona ad illum afferre, Iudæi, Mauri, hæreticique à vestris regnis eliminati, quorum non parua copia ad eas regiones confluerat, malo animo retulissent. Dedignatur enim, *Reges Bar*
& se barbari illi negligi & floccifieri arbitrantur, *baros sine*
si audeat vlla potètia oratores ad eos sine opimis *muneris*
muneribus destinare. Opprobrioq; & ludibrio *bus lōgoq;*
fieri ducunt, nisi missus orator longo ordine *comitum*
comitum accesserit. Quibus intellectis, tum bene- *ordine ac*
uolentiæ captatione, tum perfricata fronte opus *cedere or*
esse animaduerti: cū superbissimum & summè *ratoribus*
barbarum hoc genus hominum esse perpende- *non licet,*
rim: quapropter duos illos Franciscos fratres
barbatos, quos viæ comites mecum habebam,
qui meo suoque nomine Soldano talia dicta re-
ferant, properanter mitto: O summe Maho-
methæorum imperator, catholicorum regis &
reginæ Hispaniarum oratori, qui iam intra tuæ
ditionis limites terram tenet, relatum fuit, ob-
trectatores scelestosque ac nefarios homines,
tum mendosis, tum dolosis animum tuum delati-
onibus perturbasse: teq; quòd nulla ad te mu-
nera attulerit, quod ve paucis comitatibus ad te
venire arbitreris, iratū esse, aduentumq; ipsius te

Bb

4

par-

paruifacere, præsciuit. Sed si vtriusque rei sereno vultu & pacatis auribus rationem admiseris, fore ut tibi satisfiat ad vnguē, existimamus. Regius hic orator, potentissime rex, dona, uti alios oratores consuescere prædicatur, se non modò tanto principe digna, sed nec vlla quidem vel minima tulisse, fatetur: quoniam à suorum regū moribus cuiquam regi dona mittere alienū esse perhibet. Quod vos honorificum esse ducitis, id inter occidentales principes pro iniuria habetur. Attamen si vestros mores, veteremq; hanc apud vos consuetudinem tantoperè viguisse cognouissent, quòd nullus scilicet orator vos adeat sine muneribus, libenti & ipsi animo opima ad te dona illi dedissent: cū vos in amoris argumentū, non autem arrogantiae vel auaritiae causa, id cupere videamini. Quòd autem perfida gens hæc, pacis & concordiae regum inimica, seditionis & discordiae seminarium, à catholicis suis regibus, veluti perniciofa contagio, eiecta, ipsum non decenter comitatum ad te tantum imperatorem venisse retulerit: inuidiosè ac falsò delatū, inquit: & nos, qui mortem potius subire quàm mentiri in tenui præsertim negotio sumus edocti, itidem fatemur. Vidimus enim, vidimus ipsum triginta viris ornatissimis, præter eos quos itineris longitudine valetudinarios defatigatos in diuersis reliquit regionibus, comitatum incedere. Mittito igitur, serenissime, mittito, eumq; accersiri iubeto: & si aures dictis eius faciles præstiteris, haud quidem te postea illū admisisse audiuisseq; poenitebit. His itaq; Soldano per meos nuncios relatis, ipsius Trucimano primario auidè referente, quē vestris maiestatibus deditum esse comperi, Soldanus benè persuasus, ad me, procūl habita omni mo-

mora, edicti regij chirographum mittit, quo me-
tutò ad se proficisci posse, ne ve quis mihi sit im-
pedimento, imperat: cum duobus, qui me ad se
comitentur, de suis palatinis equitibus. Quare
octauo Calend. Februarij, regium mihi per hos
equites chirographum porrigitur. Nec me nun-
tiorum meorum literæ perterruerunt: quibus
mihi significârât, Mauritanie, totiusq; Africæ re-
gum oratores, eiektorum Granatensium rogatu,
ad Soldanum missos fuisse cum vehementibus
querelis. Durum nanq; mihi in agone certamen
paratum, & multiplicibus Alexandrinorum ser-
monibus, & eorum qui à Soldano veniebât, per-
ferebatur. Soldanum enim, vt me inspectante de
Christianis grandis aliqua vindicta sumeretur,
impellere nitebantur: meq; vestro nomine cum
primùm adijsssem, malè tractaret, non leuiter in-
stabant, sese supremis iniurijs & contumelijs fu-
isse à vobis affectos, proclamantes. Ego verò, qui
vos fortunatissimos semper fuisse cognoui, pro
quibus etiam mori est viuere: vestro fato omnia
mihi benè successura confidens, contra Nili tor-
rentem adnauigaturus, quamcelerrimè possum
accingor. Quæ succedent, si vixero, in ter-
tium librum concludentur. Valete in-
tereà duo hac nostra tempestate
lumina orbis terrarū, & Chri-
stiani nominis pro-
pagatores.

Bb 5

PETRI

PETRI MARTYRIS

MEDIOLANEN. LEGATIO-

nis Babylonicae, liber tertius.

EX vrbe Alexandria, Aegypti reli-
 quarumq; regionū Soldanicæ di-
 tioni subditarum emporio prima-
 rio, catholici rex & regina, cū
 iam iter in interna prouinciæ ad
 Soldanum facturum essem, quæ mihi ab vrbe Ve-
 netiarum discedēti ad eum vsq; diem calamo di-
 gna visa fuerant, breui compendio exaravi. Nunc
 autem, quæ à septimo Calend. Februarij die, quo
 ad Soldanum accersitus pedem moui, sese mihi
 obtulerunt, quā breuius quam ve dilucidius
 potero, prosequi studebo. Septimo Calend. Fe-
 bruarij hora antelucana Cairum, eius imperij ca-
 put, quæ aliās Babylon est, ab incolis alterius Eu-
 phratis Babylonis quondam habitata, profectu-
 rus, discedo Alexandria, Hispanis negociatori-
 bus omnibus, quotquot commerciorum causa
 Alexandriam conuenisse reperi, comitatus. Hos
 enim mecum adducere curavi, vt eum cateruæ
 numerum implem, quem mei nuncij, ad Sol-
 danianimum disponendum per me missi, addu-
 xisse me Soldano retulerunt. Roxetum, quon-
 dam Canopum, Nili ostium, ab Alexandria cir-
 citer quadraginta millia passuum distans (per
 iter arenosum, incultum, desertum, in quo neq;
 domicilium vllum neque arborem, præter ali-
 cubi palmas, vllam reperimus) altero die fessi
 venimus. Dum Niliaca nobis nauigia parantur,
 alimenta q; necessaria coemuntur, circiter inte-
 grum

grum diem commorati, Nilum ingredimur. Neque enim Christiano cuiquam, propter Arabum grassationes & rapinas, terrestre iter patet. Hi nanque non modò Aegyptum, sed Africam vniuersam ab oceano Atlantico ad Niliacas ripas Asiæq; partem continuis incursionibus infestant. De quibus cùm satis ocij mihi suppetat, non ineptam fore digressionem existimans, pleraque aggressus sum differere. Gens hæc est innumera, vaga, sine domibus, sine statione, sine quiete vlla, sub dio semper versans, semper in motu: camelorum dorsis vxores, filios, & quicquid suppellectilis assequitur, portans: adusta solis ardoribus: bellicosa tamen, sed sine certo imperatore. Plures habent dispersi Arabes inter se duces, sed discordes & factiosos. Hinc est, quòd imperio ipsi, qui liberi sunt, non potiantur, cùm sibi inuicem capitali semper odio insidientur. Imperatorem, cui obtemperare studerent, si Arabes inter sese eligeret, de seruorum manibus sceptrum facilè abriperetur. Est enim errantium Arabum multitudo ingès: Mameluchi verò, id est, serui regij, quorum opera Soldani ad regni gubernaculū & bellorum summam vtuntur, numerum non excedunt X millium. Sunt prætereà Arabes, omnium incolarum & eorundem Mameluchorū sententia, nobiles & industrij: Mameluchi autem maiori ex parte ignobiles, montani, à piratis è montibus vt plurimū Scythicis supra Euxinū & Mæotidem raptati, emptiq; à Soldanis & eorum principibus: vnde serui, de quibus latius infra dicemus. Nunc autem ad iter redeamus. Contra Nili fluenta pridie Calend. Februarij Bullacum Cairi suburbium cùm aduesperasceret adnauigantes præhendimus: ibique in nauiper-

*Arabum
vagantibus
vita.*

pernoctauimus: neq; enim ausi sunt duo illi comites mihi ad ductores dati palatini, me credere barbarorum perfidiæ. Attamen ex ipsis vnus ad Soldanum celeriter procurrit, me Bullacum aduenisse nunciatū. Quapropter cū primū eluxit, eccē Mameluchis reliquisq; indigenis implentur visendi studio littora Niliaca: rarō enim ad ipsos nostratium aut diuerso habitu quisquā admittitur: præter paucos aliquando mercatores. Sed prior accedit Trucimanus, in nauimq; ad me descendit, & quisnam, cujas, quōve fato huc fit appulsus, ad eumq; deindē statum peruenerit, petenti mihi, enarrat. Se esse Valentini cuiusdam ciuis Ludouici Pratenſis nomine, filium: in oppidoq; ipsi vestræ Valentia finitimo, Monblanco natum prædicabat. Tempeſtate autem, cū adolescentulus per ea maria patroni cuiusdam nautici famulus nauigaret, in littus cū cæteris omnibus, qui ea naui vehēbātur, naufragio proiectū, ad Soldani manus, ex eius prouinciæ statutis, deuenisse. Quotquot enim per ea littora naues franguntur, ex veteri eorum instituto & consuetudine, ad fiscum cum hominibus bonisq; omnibus deuoluuntur: si præſertim piratica vel alteriusmodi, non mercatoria, naus esse reperiatur. Sed triennali tandē carcere durisq; vinculis & vrgenti inedia se defatigatum, Christum verbo abnegasse, Mahometicoq; more se dispræputiari passum fuisse, & mutasse nomen, Tangaribardinumq; vocari, grauiter suspirādo, fatebatur. Nec abesse tamen quin catholicam fidem animo seruaret, Christumq; supplex ijs quibus solebat orationibus quotidie coleret & adoraret. Ad eum autem inter eos barbaros splendorem sua industria & laboribus ascendisse, dicebat. De optimatibus enim

enim Soldanicis vnus est, cum redditibus septem aut octo millium auri drachmarū. Dum hæc mecum Trucimanus Tangaribardinus colloqueretur, primates alij duo palatini, Trucimano potentiores, ordineq; superiores aduentant. Sunt enim apud eos tres optimatū gradus, velutī apud nos, quos vulgò dicimus comites, marchiones, duces. Tunc ē naui, Trucimano duce, ad illos egredior, equumq; regium, quem ipsimet secum, Soldani nomine mihi donandum, regio apparatu ornatū duxerāt, ascendo: vrbem versūs iter vnā omnes capimus: nec breuiore quā duarum horarum spatio interiecto Trucimani domum, quæ mihi intra vrbis mœnia hospitio fuerat obsignata, attigimus. Attamen per hortos, & intersparsa prædia ac viridaria, non autem per contiguas semper domos, proficiscebamur. In Calendis igitur Februarij anni quingentesimi secundi Babyloniam Aegyptiam, à qua magnus hic barbarorum imperator Soldanus Babylonicus vulgò appellatur, à iunioribus autem Cairum nuncupatam, vrbium populosissimam ingredior. Falsò pleriq; vrbem hanc Carras appellant: quia Carrarum vrbs est in Arabia: in Assyria verò altera: in Aegypto nulla. Ibī cæteris omnibus, qui me fuerant comitati, domū dimissis, cum Trucimano quāto studio possum ago, vt det operam & incumbat totis viribus, nè meus ad Soldanum accessus differatur. Nam si forte fortuna galeaceæ, quæ me aduexerant, negociationibus suis peractis, sine me reuerterentur, fore vt serò postmodum cōmoda mihi renaugatio sese offerret: cū neq; præstò sint alia tuta in illis littoribus in Europam reditura nauigia: & Turcarum piratis sint maria referta. Trucimanus autem, cuius est, emergentia cuncta Soldano

*In quali
arce quia
busq; cu-
stodibus
habitet
Soldanus.*

dano referre, obsequij vestri cupidus, paucis re-
petitis, ad Soldanum equitat: illi, quid petierim,
referat: vt quamprimùm sibi per ocium liceat,
nos audire velit, meo nomine, rogat: quive, qua-
les & quantifitis, patrio affectu longis sermoni-
bus aperit. Annuit dictis Soldanus, tantorum re-
gum oratorem visendi studio incensus: vt me, vbi
craftina dies effulserit, ad se ducat, Tangaribardi-
no imperat. Is domum lætus reuertitur: quæ acta
sunt, enarrat. Postero die, qui erat Nonarum Fe-
bruarij quartus, primo manè (ante ortum nanq;
solis, aut, cùm tardius, iam exorto, Soldani ex ve-
teri consuetudine semper audituri prodeunt in pu-
blicum) ad regiam proficiscimur. Hæc est haud
secus super edito colle oblògo ad latus vrbs ere-
cta, quàm Romæ sacrum summi nostri Pontificis
palatium: aut propiore simulaero, vestræ Grana-
tensis Alhambræ de Maurorū manibus cum regno
simul ereptæ persimilis. Vbi enim paulum ascen-
dimus, in læuam conuersi, portæ occurrimus, al-
tis ac immensis turribus munitæ: in cuius vestibulo,
velut in vestræ Alhambræ ingressu, è regione
podium extat eminens aliquatisper. Ibì primùm
ex optimatibus quendā, cui erat arcis eius custo-
dia, multis Mameluchis circumstipatum, seden-
tem inuenimus. Dextrorsum deinde nobis iter
capientibus, longa sese via, stantibus vndiquè re-
ferta Mameluchis, ostendit: per quos medios
cùm progredieremur, eius adeò barbarè enutritæ
multitudinis ordinem ac taciturnitatem admi-
ratus sum. Neque enim eorum quisquam obstre-
puit, aut loco cessit vnquàm, vt nos vltteriùs, vt
in similibus sit spectaculis, auidioribus oculis in-
tuerentur. Ità procedentibus nullum vnquàm se-
se nobis obtulit impedimētum. In eo ferè medio
spatio

spatio senes circiter triginta, imberbes, macilentos, in quibusdam foribus veluti posticis sedentes conspiciens, eunuchos esse Soldanicos, vxorū eius & pellicum custodes, didici. Soldanum tandem in impluvio grādi super tribunali quatuor graduum, reductis sub se, nostrarum fœminarū more, loco sedis pedibus, sedentem inuenimus. Totius enim gentis eius Mahometicæ mos est eo pacto sedere, ac solo veluti animalia bruta capite inclinato vesci, atque sub dio ad se venientes audire. Soldanus tum sui Trucimani & meorum nunciorum verbis, tum aliorum per eius regiones commercia tractantium relatu, quanta sit vestra potentia, quàm magnus in vobis animus, quàm pollentes sitis virtute bellica, edoctus: gloriæ ac salutis suæ conducere non mediocriter à tantis regibus oratorem ad se mitti, cognouit: in ea præsertim fragilitate in qua ipse, vt infra dicemus, versabatur. Propterea vt ego intra tapetes à media versùs eum impluvij parte stratos, contra morem suorum maiorum, admitterer: neq; ego quater prostratus terram, vestro nomine, vt cæteri solent oratores, oscularer, æquo animo passus est. Est enim horum barbarorū, catholici reges, arrogantia tanta, vt, quoniā inuitis omnibus Christicolis, nostrę religionis initialem locū possideant, ipsos adorare, quicumq; adeant Christiani, cogantur. Tangaribardino igitur, cuius est ad Soldanum oratores ducere, eorumq; postulata interpretari, referēte, vestro nomine Soldano salutem impartior: Is gratissimū sibi fuisse nostrū aduentum respondet: seq; suaq; omnia læto vultu offert. Porrectisq; illi vestris literis, & per Trucimanum, qui optimè adhuc idioma patriū callet, apertis, iterū à Soldano ad me cum nouis

redit

Mahome-
tica gēis
sedendi
mos.

redit oblationibus. Atque iterum ego gratiarum actiones, vestro nomine, quod me ita pacato animo & serena fronte suscipiat, remitto. Quid aliud quam mea dicta illi Tangaribardinus referret, propter loci distantiam percipere non poteram: à Soldano enim passus, meo iudicio, circiter viginti distabam. Sed nimirum, cum patrio adhuc amore feruens, & vestri obsequij cupidus, ad beneuolum nobis reddendum Soldanum, alia quæ eius auribus benè sonabant, meis dictis interijciebat. Id ego, quod illius sermonibus attentissimè alacrioremque paulatim fieri Soldanum cōspiciebam, suspicatus sum. Tertiò, atque iterum citus ad me reuertitur: vt bono hilarique animo sim: vt si qua mihi intra Soldanicæ ditionis terminos grata fuerint, petam à Soldano, reportat. Illi ego, nè ista incassum gesta sint, ne' ve ista vnquam tam inusitata apud ipsos humanitas in quenquam, de vestra memoria prolabatur, me daturum operam polliceor. Ità salutationibus gratiarum ve actionibus & pollicitis vtrinque multiplicatis, tēporis aliquantulum triuimus: nec aliud quicquam hoc primo cōuentu peractum est. Negocia enim in diem Dominicum sequentem remittuntur. Soldanum interea, dum Tangaribardinus illum meo nomine alloqueretur, ego autē ociosus, quid relaturus esset, expectarem, diligenter inspexi. Is est

*Soldani
descriptio.* vir natus annos circiter quinque & quinquaginta, patrio more barbatus, nec deſa tamen aut oblonga nimium barba: vultu iucundo, facie pingui suffuscula, adſpectu ferox aliquantulum, oculis reductis, paruis, graui motu, ſtatura, vt à ſedēte colligere potui, pluſquam mediocri. Oriundus autem è Scythia, ex montibus quos vulgò Ciar-chesos vocant. Indè nanque, & ex Ruxiæ regiōnibus

bus pars maior Mameluchorum rapta, per Soldanica regna venum ducitur. Indumentum verò ipfius eo die, ex glauco ferico, raso, forma communi. Neque enim varias habent superiorum vestium concifuras, præterquàm in manicis, quas optimates curtas & breues ferunt: cæteri autem vsq; ad digitorum extremum productas. Est nimirum superior illorum vestis, paruo discrimine ab ijs quas vestri Granatenfes Algiubbas vocant, Hispani autem marlotas. Mameluchorū talaras omnes, quas solo cingulo leuiter stringunt, de cætero discincti. Neque enim illis vestes interiores corpus aliter premūt, quàm illa superior. Neque caligis vtuntur, sed nudis pedibus, crepidas tantum, nostrorum Franciscanorū more, gestant. Capitis autem velamina valdè diuersa. Per ea nanq; non modò Iudæi & Christicolæ Soldano subditi, qui vestium eadem genera ferunt, à populis Mahometicæ legis, & à Mameluchis, sed simplicium Mameluchorum ab optimatibus, & optimatum inter se, discrimen cernitur. Mahomethæus populus velamen fert, multis gyris lineis, quemadmodum & Iudæus & Christicola, insinuatum. Sed Christicola glauco, Iudæus croceo, Mahomethæus albido, coloribus discernuntur. Mameluchi qui Soldanici sunt ministri, pileum ferunt laneum aut cymatilé, spithama altioris, valdè ponderosum, durum, duobus confutum coloribus, viridi ab imo, à superiore nigro. Cæteri autem qui aut sunt aliorum principū, aut Soldanico tantum stipendio censiti, nec aliter ministri, galero rubro, villoso, cubitali, diademato quasi, à lateribus plano, dignoscuntur. Principū verò duorum ordinum inferiorum velamen lineum est, sed à velamento populi valdè dispar.

Vestes.

Velaminū
capitis va-
rietas.

Cc

Popu.

Populus enim suum simpliciter in rotundū implicat, & conuoluit: isti autem arte compactū & mirè compressum, in aliamq; formam in diadematis modum constructum, ferunt. Summi ordinis ipsorum, à quo Soldani, velut ex nostris Cardinalibus summi pōtīfices creantur, capitale tegumentum dissonū est, & maximè ridiculū. Ex linea, & ipsum tela tenui, sed rhinocerotici opus cumuli. Ex sexaginta nanque & interdū septuaginta vlnis, in circumflexiones varias, in gyros diuersos, in cornua demū desinens, confectū est. A sede velaminis quē infigitur capiti, cornua sex, quorum quatuor nō longiora spithama, sed magno lacerto crassiora, prodeunt: duo verò alia, velut adiacentia scopulis promontoria, de medio breuium quatuor, cubitalia ferè, in cochleæ cornuum similitudinem, surgunt. Nec, mediūfidiū, aliundè sibi hos barbaros, quàm à vernali cochlea, ea subsannatoria cornua sumpsisse arbitrari possum. Rem nanque alteri cuiquam similiorem conspexisse me nunquàm puto. Idem habebat Soldanus eo publici spectaculi die cornutū capitis tegumentū. Neq; enim postq̄ supremum gradum ascēdit, dissonum ab optimatū ornatu, de quorū ordine creatus est, habitum sumit. Cur tanti ponderis, tanti ve impedimenti struem sibi iniicerēt, qua impliciti vertere vix caput immoto corpore valēt, à Tagaribardino prius sciscitatus fueram. Is duas mihi rationes adduxit: nè scilicet leuiter caput mouēdo à virili grauitate fœdo aut stulto gestu aliquo discedere possint. Ne ve, illi oneri assueti, galeā postmodū quando bellum ingruat, ferre fastidiant. His itā actis & cōsideratis, à Soldano dimittor: à quo cūm domūm rediturus iam terga verterē, id spatij quod

à Sol.

Cur tam
grauia
onera im-
ponant
capiti.

à Soldani conspectu ad primum arcis ingressum
iacet, vtrinque stantibus Mameluchis circumual-
latū, vt passibus metirētur, nec minùs vt adstan-
tium Mameluchorum copiā dinumerarent, hos,
qui me sequebantur, iussi. Mameluchorum nu-
merum circiter quatuor millium affuisse: passu-
um autem circiter octingentorum spatium inter-
cessisse, comperi. Neutrū tamen examussim quis-
quam circumspecti studio dinumeravit. Cū
autem à Soldano duas iam custodias regredien-
tes transegissemus, quorundam hominum di-
uerso aliquantispèr habitu ab Aegyptijs cuneo
efficimur obuij: qui postquàm in me toruis ocu-
lis, rugosa fronte, furibundo supercilio, rabida
maledicta submurmurando detorserunt: Truci-
mano quedā Arabico idiomate Mauritano sub-
locuti sunt. Quibus Trucimanus parumpèr mi-
nitans, vt tacerent, innuisse visus est. Inter eundū,
quinàm essent, quid ve quæritarēt, quàm solici-
ti, & cur ità angerentur, mihi Tangaribardinus
aperuit. Oratores esse illos Numidas & Maurita-
nos, de quibus in calce libri secundi mentionem
fecimus, significauit. Qui quoniam non modò in
me ceteros ve Christicolas Soldanum non sæ-
uisse sensissent, verumetiā honorificè ab eo fuisse
susceptum didicissent, animo cruciabantur, &
mentis turbulentiam pallore vultus ostendebāt.
Hi permanent in foribus mœsti: nos domū reuer-
timur. Interea loci, dum negocijs pertractādis as-
signatus mihi dies aduēter, nè tempus vllum fru-
strā mihi de manibus, vt vulgò dicitur, euadat,
de regionis natura, de incolarū moribus, de ser-
uorum imperio, ceteris ve rebus, quæ memora-
tu mihi digna visa sunt, p tēpore scrutatus sum.
Quarè neq̃ absōnū mihi videbitur, si eorum, quæ

collegerim, pleraque breuibus enarrauero. Pro-
 uincia est Aegyptus, satis amplè lateq; à Cosmo-
 graphis & historicis depicta. Urbem autem, pro-
 uinciæ nostra tempestate caput, Cairum incolæ
 appellant. Hæc est in Asia trans Nilum: Alexan-
 dria verò citra, propterea in Africa. Nilus enim,
 serenissimi principes, Asiam dirimit ab Africa.
 Vrbs ea primaria populosissima, ingens: decate-
 rò prouincia ciuitatibus aut oppidis infrequens:
 cum sit, præter eas quæ inundati æstate Nilo par-
 tes irrigantur, arenosa, Arabumq; cõtinuis incur-
 sionibus infestata: præcipuè tamen ob seruorum
 sæuam tyrannidem oppressa. De quorum initio
 moribusq; priusquàm ad alia progrediar, pauca
 pertingam. Vnde ad seruorũ manus tam magnæ
 molis imperiũ venerit, qui Aegypto, Syriæ, Ara-
 biæ vtriq; ac Idumææ vniuersæ dominantur, va-
 ria referunt: certam verò historiã minimè se ha-
 bere dicunt. Aegyptias fœminas in maritos, defi-
 cientibus liberis, ad imperij gubernaculum sibi
 tunc seruos suffecisse, quandò procures omnes
 Iudaicum populum, Moyse duce, fugientem in-
 sequentes, cum suo Pharaone mare rubrum ab-
 sorbuisset, pleriq; autumant: neq; id publicè re-
 citare hæsitât. Sed longæ ambages. Aegyptios alij
 sua sponte, vt se accepti à Ioseph Iacobita benefi-
 cij, qui Pharaonis seruus Aegyptum vniuersam
 fame peribundã vaticinio liberâisset, gratos ostē-
 derent, ad seruos imperium detulisse, prædicant.
 Sed priore fabula, meo iudicio, fabulosius. Qui
 verò præsentium ratione moti, de ignotis iudici-
 um faciunt, verisimilius rem differunt. Seruos
 quondam, sumptis in dominos armis, imperium
 sibi, præsentis cuiusdam exempli argumẽto edo-
 cti, occupasse cõiectantur. Cairbeio nanque Sol-
 dano

dano viuento, qui felicissimo ductu tres & triginta annos sceptro potitus est, Mameluchorum seruos, Aethiope quodā duce, trans Nilum à dominis armatos secessisse, multorum memoria probabatur. Est enim subseruorum ingens multitudo, cū nullus sit Mameluchus, qui domi nō habeat duos aut plures, pro cuiusq; gradu ministerio addictos, Indos, aut Aethiopes famulos precio emptos. Horum defectioni, magno exercitu cōparato, Caitbeius ipse occurrit, seruilemq; impetū armis oppressit. Aliter enim de ipso & Mameluchis omnibus actum ea tempestate fuisset. Prudentiores igitur, interemptis quondā dominis, imperium seruos vsurpasse pro certo habēt, cū nullus fuerit vnq; hoc Caitbeio potentior, ausiq; fuerint sub eius imperio contra dominos insurgere. Quæ verò ex varijs ego authoribus collegerim, altiùs aliquanto rem trahendo, non inutilia dictu vestra maiestas accipiat. Ab anno septingentesimo quarto à salute nostra & Christi natali, Aegyptij de Mahometico genere regem, vt se à Græcorum seruitute liberarent, sibi creârūt, qui Caliphus appellabatur. Ab huius Caliphi nomine, reliqui omnes Aegypti reges, Caliphi sunt appellati, ad annum vsq; tertium & quinquagesimum supra millesimum. Tunc nanque Almerico Christiano Hierosolymorum rege Caliphū bello vrgente, Sultani Syriæ regis auxiliū Caliphus implorat. Mittitur à Sultano Syriæ Sarraco dux militiæ. Calipho succurrit. Almericum & Christianos pellit. Ast Calipho in vincula cōiecto, regnum Sarraco vsurpat: seq; iubet Sultanum, à sui principis nomine, non regem, vocari. En Solda-
 norum initium, anno ab hinc nono & quadrage-
 simo supra quadringētesimū. Est nāq; hic annus, tium.

Cc 3 quo

quo ego hæc ex itinere scribo, secundus & quingentesimus supra millesimum. Non multos post annos Sultanatus hic Aegyptius ad Melechsalam per successū venit. Is Melechsalam à Tartaris per mercatores magnum seruorum numerum, qui Comani dicebantur, in Antiochiæ finibus bello victorum, coëmit. Ità seruos Melechsalam instituit, vt eorū opera, liberis abiectis, bello & pace & in prouincijs gubernandis & pertractandis armis vteretur. Melechsalam dominum serui trucidant. De seip̄s Tuquemenium Sultanū creant, & regno insident serui. Ità in seruorum seruitutem ad hæc vsque tempora redacta est Aegyptus. Ex horum collegio Bondocadar Sultanus, anno octauo & sexagesimo supra millesimum ducentesimum, à Christianis yniuersam Syriam & Palæstinam abstulit: præter Ptolemaidem, quam deindè Melecastraphus Sultanus post annum tertium & vigesimum à Bondocadar victoria, Christianis ademit. Sancto tamē sepulcro omnes barbari pepercerunt. Ad Caitbeium, à quo digressi sumus, iam reuertamur. Hic est ille Soldanus, cuius auspicijs Turcarum copias ingentes parua Mameluchorum manu sæpius fusas audiui-
mus. Nec, eorum disciplina militari percognita, sum quidem admiratus. Nam vbi primū ē montibus, vt plurimum, Scythicis venum alati sunt, in quibus inedia & frigoribus assueti, penè nudi obduruerunt, in domos suas hi barbari principes rudes illos emptos adducunt: die noctūque nulla in re alia tempus vllum terere, quàm in pertractandis armis, ipsos patiuntur. Ad quos erudiendos quilibet optimatum, pro cuiusque opibus stipendio conductos domi magistros gladiatores habet, quibus nup̄ empti, veluti fesso-

fessoribus equi domandi, obſignantur. Ex quo-
 rum ferula ſi in ſtrenuos euadunt milites, in Ma-
 meluchos cenſentur, aliâs famulantur ſemper.
 Mameluchorum ordo equeſtris eſt, cum ſtipen-
 dio militari pinguiſſimo. Cuilibet enim ipſorū *Mamelu-
chorum*
 pecuniarius cēſus per ſingulas lunas (à luna nan-
 que menſes computant) drachmarum auri ſex *ſtipes.*
 & quadrantis præbetur. Alimonix verò quoti- *Alimonia.*
 diana Mameluchi portio tātūm hordei eſt, quan-
 tum duobus equis ſufficiat alendis. Carnium au-
 tem libræ, eorum more, tres in ſingulos diuidun-
 tur. Rotulum ipſi libram vocant: ea eſt noſtra-
 rum vnciarum duædeuiginti. Panis verò ea da-
 tur portio, quæ ipſi & tribus miniſtris ſuppetat.
 Vndè cū nulla ſit his alia præterquàm de ar-
 morum exercitatione cura, ſintq; viribus pollen-
 tes, & laboribus ſemper cum egeſtate à ſuæ gen-
 tis natura enutriti, nec apud dominos lectis pro-
 cumbant, immò & duro ſolo, ſtoria tantūm ſup-
 poſita, vel tapetulo aliquo veteri conſtrato quie-
 ſcant, mirari deſino potuiſſe tales viros numero-
 ſiores hoſtium turbas aliquandò proſtigare. Hic
 ſermo, ſereniſſimi principes, de veteribus eſt Ma-
 meluchis. Iuniores nanque ſunt numero paucio-
 res, neque illa, quam nunc recitauimus, militari
 diſciplina inſtructi vigent. Veteres enim, exortis
 poſt Caitbeium inter principes hoſ factionibus,
 mutuis gladijs conſumpti ſunt. Recentiores verò
 ex eorum ſcholis, quas vocant Tabachas, nō ma-
 turi armis, vt Mameluchorum numerus aliquis
 impleatur, educuntur. Horū tamē opera, qualeſ-
 cunq; ſint, ad regnorū regimen & præſidium Sol-
 danus vtitur. Nec alteriuſmodi cuiquam ſumma
 rerum creditur. Mameluchi ex Chriſtianis deli-
 guntur. Hi Mahometæ ſectam, abnegato Chriſto,

diuitiarum & imperij cupiditate plecti, amplectuntur. Ex alia gente vlla censent neminem. A Iudeis namque fieri quenquam Mameluchum vetat, quoniam dolosos esse & capiendis armis minimè aptos Iudeos putant. Ex Mahometicæ quoque legis viro aut foemina genitos in Mameluchos conscribere præ timore recusant. Atque id apud ipsos suis decretis & consuetudine tantum inualuit, ut neque proprios filios, quoniam ab ipsis postquam Mahometici effecti, aut ex Mahometica muliere orti sunt, armis instruere, vel ad honores & magistratus euocare liceat. Fas est tamen, pecunias, domos, suppellectilia quæque, aut prædia natis legare. Ex Mameluchis proceres, ex proceribus Soldani creantur. Quare quoniam pacto à Christianis hoc genus hominum originem trahat, quanta ve cum nostræ religionis ignominia, opprobrio & dedecore hi barbari dominentur, catholici principes, iam colligere potestis. Expergiscimini aliquandò, & rem Christianam cape site: non deerit sibi Christus. Gens autem ipsa incolarum est imbellis, effoeminata, inermis, discincta, mollis, timida: mechanicis tantum artibus aut mercaturæ intenta: vitam silentio præterit ingloriam. Nec alijs legibus à Mameluchis gubernata, quam absolute iudicio. Est præterea Mameluchi cuiusvis tanta in incolas vniuersos potestas, ut claua lignea, quam manu gestat semper, quemcunque incolam obuium ferire pro libito, vel leuissima occasione sumpta, liceat: quod scilicet ipsum transeuntem tetigerit, aut venienti non assurrexerit, vel minus honorificè salutauerit, aut non citus loco cesserit. Interdum etiam nullam nactus causam, dum aut temulentus, aut insanus vel aliàs iratus incedens per urbem Mameluchus occurrit incolæ,

*Mameluchorum
licentia.*

colæ, ipsum quotquot ictibus libet percutit, nec
mussitare miser audet, neque in eius auxiliũ vel
labium mouere quisquã intentat: quanuis pater
filium, aut filius patrem à Mamelucho cædi con-
spiciat, æquo tamen vultu patiatur necesse est.
Nam perimere incolam in auxilium alterius, vt
ipsum de percutientis manu eruat, accurrentem,
vel percussum, clauam, nè feriat vlteriũs, manu
apprehendentem, Mamelucho impunè fas est.
Multos quippe, nisi caput illis voluminibus im-
plicitum, de quibus mentionem fecimus, fer-
rent incolæ, Mameluchi passim occiderent: cùm
neque se defendere cuiquam liceat, neque in Ma-
meluchis vlla interdũ pietas vigeat. Incolæ cui-
quam arma vlla, vel gladiolum quidem acuta
cuspide vel recta, apud se habere, equo vel pe-
dibus ambulanti, vetitum est. Redituum autem,
præter ordinaria vestigalia, lex est principũ vo-
luntas. Exigunt, expilant, extorquent, & ad of-
sa vsque excoriant. Propterea etsi animus ad vin-
dicandum se in libertatem à tam impia seruitute
adesset, vires tamen deficeret: cùm pecuniæ, quæ
sunt nerui belli, illis defint: exercitiq; minimè
sint armis. Fœminas vtraq; gēs quot libet, si alen-
di facultas inest, assumit sibi. Voluptatibus omni-
fariam dediti, futurorum omni cura posthabita,
viuunt: suoq; Mahometæ se magis gratum face-
re tunc arbitrantur, quandò ardentius delectati-
onibus incumbunt. A vino tamen abstinere Ma-
hometica illis lege præceptum est: sed Mamelu-
chi cùm vinum assequuntur, multò auidius quàm
nos illud bibunt. Fœminæ per vias brachatæ, viri
nudis vsque ad genua cruribus ambulant. Vestes
tamen viri ferè talaris induunt: mulieres autem
surarum tenus tantum: sed fœminæ caligatæ. In-

fanos, deliros, lymphaticos ve homines, sanctos esse ac diuino spiritu afflatos arbitrantur, & collunt. Iudicate igitur, serenissimi reges, quàm infauisto fidere regiones hæ gubernentur, in quibus serui dominantur, liberi seruiunt, graues opprimuntur, stulti extolluntur: vbi nulla fides, nullum ius, nulla pietas, misericordia rara, auaritia immensa, in domibus summa ob multas vxores discordia, foris ingēs inter se odium. Viget enim inter ipsos principes, ob diuersas post Caitbeij mortem factiones exortas, incredibilis inimicitia: nec in re vlla magis inuigilant, vel ingenia atterunt, quàm alter præcipitio ac ruinæ alterius. Quare, vnde hæc tam diuersa in vna gente studia emanarint, vnde sibi hæc adeo rabida simultas initium sumpserit, operæ precium erit aperire. Sed aliquanto altius, vt res ipsa planius intelligatur, repetendum est. Anno, à nomine Christi, quinto & sexagesimo supra quadringentesimum ac millesimum: ab eorū verò seductore Mahomete octingentesimo sexagesimo secundo vel circiter, (ad vnguem enim colligere id nequiuimus, quoniam diuerso à nobis ordine computant annos) Imperatorem sibi Caitbeium virū Scytham hi serui, quod antiquior, quod ve & magistratu summo & autoritate polleret, elegerunt. Hic fuit ingenio & virtute bellica præclarus, tenuitq; imperium annos tres & triginta. Quapropter ea diuturnitas imperij Mameluchos fidos illi effecit: q̃ ipsos sua pecunia ferè omnes coëmerit, suoque pane nutrierit: veteribus vel ætate, vel bello, aut varijs morbis maiori ex parte consumptis. Inter hos, vna disciplina, vno pane, sub eodem domino educatos, duo de lautioribus ac opulentioribus principibus, quorum alter

alter Acbardinus, Campsous Campsomia alter nuncupabatur, inimicitias inter se capitales, etiam Caitbeio viuento, exercebāt. Cū enim ambo Scythæ essent, amboq; à paruulis de Ciarche-
lis vulgò montibus rapti, eodemq; pago oriundi dicerentur, Campsous Acbardinum rusticitatis arguebat, præ inuidia, quòd faciliores Acbardi-
no Soldanus aditus ad se præstaret: quod vepo-
tentiores quàm ipse magistratus assequeretur
Acbardinus, animo Campsous cruciabatur: ita
vt fit inter omnes, ventosos ambitionis afflatus
affectantes: perniciem alter alteri semper machi-
nabantur & adstruebant. Quapropter cū gra-
uiter iam ægrotante Caitbeio, inclinatos ad eri-
gendum aduersarium suum ad imperium, ob ma-
iores pecuniarum & magistratuum copias, Ma-
meluchos Campsous Campsomia sentitet: Cait-
beium adhuc integro sensu laborantem, mæsto
vultu & obortis lachrymis, cum dictis adit hui-
uscemodi: Imperator optime, tanta fuit erga nos
oēs tua semper humanitas & clemētia, quòd nisi
maiorē tuū hominem exuentis, quàm apud nos
viuentis rationem haberemus, ingratissimos nos
omnium seruorum, erga optimè de se merentes
dominos, & summorum beneficiorum nefariò
immemores fateri cogeremur. Hunc enim quan-
uis nobilem, paupertate tamen summersum: il-
lum è syluis, alium è pecudum custodia, ab hor-
rendis Scythiæ frigoribus, & vrgenti fame, ac de-
mum ex miserrimis magalibus, ad summas diui-
tias, ad præclara palatia, & altos rerum cardines,
euexisti. Constituimus igitur, imperator maxi-
me, nè ingratitudinis detestabile nomen subea-
mus, filiū tuū Mahometem, quē vtī tuī deficien-
tis simulacrū veneraremur, in imperatorē nobis
eli-

eligere. Bonorumq; omnium hanc scito firmam
 esse sententiam. Caitbeius autem longa rerum
 experientia sapiens, Campsoi mentem apertè co-
 gnoscens, qui non sui filij causa, sed nè imperiũ
 ad inimicum Acbardinum perueniret, talia mo-
 liretur, Campsolum à proposito diuertere cona-
 tus est. Sensit enim id potius filio perniciẽ quàm
 felicitatem pariturum: hortatusq; est toto inge-
 nio Campsolum, vt imperatoris electionem or-
 dine suo veteri, pro institutis maiorum, proce-
 dere pateretur. Se vno animo ipsos filiorũ loco
 habere, quos ita fidos semper cognouerit: quos
 ve suo pane à teneris educauerit. Paucis repeti-
 tis, Campsolum discedit. Caitbeius autem non
 longè post animam exhalauit. Campsolum verò
 Campsolia quæ apud Caitbeium egerit, enar-
 rans: Caitbeiumq; sibi, vt filium eligerent, dixisse
 ementiens, de Mameluchis, quoscunque po-
 test, subornat. Mahometem, mameluchis auxi-
 liantibus, in castellum, vbi regia est, locat. Im-
 peratorem creat. Is est eo tempore adolescens,
 annos nondum natus sexdecim. A summo eorum
 pontifice Mammetes confirmatur. Habent enim
 & ipsi summum pontificem, ad quem huius im-
 perij machina, si Aegyptij homines essent, per-
 tineret. Ius suum, vt cæteri consueuere, Mam-
 meti Cairi regiam tenenti, trium millium auri
 drachmarum precio pontifex vendit. Is Califfus
 dicitur. E tribunali Soldano stanti pedibus, vitæ
 necisq; liberam potestatem præstat. Ipse descen-
 dit: seipsum spoliatur: Soldanum imperaturum
 induit: abit priuatus, permanet in imperio Mam-
 metes. Qui petulans & imprudens, tanta ve mo-
 le implicatus, lasciuiare, sanguine gaudere, pecu-
 nias optimatum fitire, necem illis moliri cœpit:
 occasi-

occasionem nactus, quosdam obtruncat: cæteris omnibus ficto generali conuiuio, insidias parat. Matri consilium aperit. Ea fratrem suum, qui, Campsous Ciarchesius nomine, de optimatibus & ipse vnus erat iugulandus, monet, nè eo die, quanuis inuitatus, accedat: eius nepotis filij sui mentem detegit. Campsous Ciarchesius nepoti iratus, qui talia machinaretur, optimates conuocat. Imminens periculum enarrat: sibi consulant edicit. Optimates vbì adolescentis animũ, quò tendat, intelligũt, Campsoo Ciarchesio magna ob propalatum facinus pollicetur. Rem dissimulāt. Acbardinus intereà & Campsous Campsomia, potentissimi duo primates, alter pecuniarium amplitudine, beneuolentia fretus amicorum alter, sese inuicem duabus pugnis aperto Marte, & collatis signis, ità prosterunt, vt vitæ tædio confectus Acbardinus mortem obierit: Campsous autem Campsomia, domo, bonis, patria, extorris lateat, incertũ an viuat. Ab his duobus diuersa inter ipsos studia, diuersæq; factiones, quæ nunc eos exagitant, exortæ sunt. Inde q; est, vt intra sextum à Caitbeio annum quinquies iam Soldanicam sedem euacuârint: & sese inuicem Mameluchi veterani suis quique partibus fauentes, telis consumpserint. Ad iam perturbatos optimates redeamus. Per Tomumbeiũ quendam armorum ducem, interioris inter principes ordinis, cui etiam Mammetes necem fuerat minitatus, insidias Mammeti parant. Mammetem simul & duos eius amitinos, quorum consilio regebatur, structo intra tentoria castrensia conuiuio, in agro iuxta viam, quã facturũ Mammetem iter ad quædam lasciuia pulpamenta didicerat inuitatum, obtruncat ex insperato Tomumbe-

mumbeius. Hic fuit infelicitis adolescentis exitus, triennio nondum peracto, à patre, dum moreretur, prauisus. Principes verò, tum vt amicorum Mammetis animos mitigarent, tum etiam vt accepti à Campfoo Ciarchesio beneficij se gratos ostenderet, Campsolum Ciarchesium eius auunculum, Tomūbeio nepotis interfectore tractante, coronant. Tomumbeius in prodicionis mercedem Emirchebir creatur. Is est magistratus primus post Soldanum: exercitibus nanque præst. Rebus sic stantibus, Zamballatus, qui Damasco Syriæq; præerat, creationi non assentitur: arma contra Soldanum parat: est enim eius gubernationis magna potentia. Tomumbeius sese debellaturum Zāballatum offert. Soldanus Tomumbeij proditoris versutiam noscens, quāuis timeret, dissimulat tamen: vtq; fideliter ac fortiter se gerat contra hostem, remq; peragat prudenter, hortatur, suadet, rogat, multa pollicetur. Sed incassum omnia. Colligit exercitum Tomumbeius: in Zamballatum mouet: in Syriam proficiscitur. Conuenit Zamballatum: nouam prodicionem adstruit: colloquuntur: foedus ineunt, Cairum veniunt: Campfoo Ciarchesio regnum abripiunt. Præhendunt Alexandria intra munitam arcem: custodijs fidis traditur. Imperauit hic menses tantum viginti. Zamballatum sceptro præficiunt. Nemini parcere Zamballatus cœpit. Optimatum quosdam diuersarum partium strangulat: alios in exilium mittit: plerisque perniciem machinatur. Venetos, Genuenses, cæterosq; mercatores in Soldanicis regnis cōmercia tractantes, expilat, in carcerem & catenas trudit, tormentis, vt ab eis pecuniam extorqueat, affligit: nullū deniq; sæuitiæ genus prætermittit.

In

In odiū ppter eā principū & Mameluchorū oī m
 incidit. Quapropter eodē Tomūbeio, cuius du-
 ctu emerferat, moliente, pceres à Zamballato de-
 ficiunt: intra castellū regiā domum, illū obsidēt.
 In diem nonū capitur. Alexandriā & ipse vinctus,
 vt fraus fraude puniatur, custodiendus mittitur;
 in ipso carcere post tertiū vix mensem vita stran-
 gulatur. Imperavit hic menses non integros no-
 uem. Regia in Tomumbeij potestātē venit. Sedē
 capit. Coronatur. Tomūbeius cū primū sce-
 ptro potitus est, non modò in diuersæ factionis
 proceres & Mameluchos, quorū arma vereretur,
 sed etiam in populū, crudelitate media sese im-
 peraturum existimans, sēuire cōpit: nouas ex-
 actiones excogitat: sed prāter cāteras, vnā im-
 moderatā promulgat: taxari domos omnes tam
 incolarum q̄ procerum & Mameluchorum im-
 peravit: pro cuiusq̄ domūs valore locationem
 exegit semestrem: qua exacta, iterū persolui
 aliam voluit grauiorē. Quanto enim quālibet
 domus, huic rei prāpositorum arbitrio, decem
 mensiū tempore locari, si locanda foret, cōpe-
 teret, tantū extorsit. Audite aliud intolerandum.
 Hic tam suæ legis hominum, q̄ Christicolarum &
 Iudæorum, quoscunq̄ diuites fama esse didicis-
 set, de medio tollere, quæsitis occasionibus, nite-
 batur. Cūque proscriptorum domos integras
 aliquandò deprædaretur, supellectilia bonaque
 omnia, quæ de miserorum thesauris rapiebat, ad
 mercatores & ciues diuēdenda mittebat, cū man-
 dato, vt illa duplo cōēmerent. Quòd si primo
 edicto recusassent, non minorem in eos sēuitiam
 exercebat, quā si in crimen læsæ maiestatis in-
 cidissent. Consilium igitur proceres omnes inie-
 runt. Arma capiunt, castellum sepiūt, Tomum-
 beium

beium obsident. Qui die septimo, de victoria, ob
 scelerum conscientiam, desperans, per cuniculos
 è castello descendit, intra urbem aufugit. Dies
 latitat quadraginta. Proditus tandem à suis met
 affeclis, à Zamballati familiaribus, quē strangu-
 lari iusserat, trucidatur. Ità octauo nōdūm men-
 se peracto, generalis perniciēs gladijs inimicorū
 confoditur. Conueniunt procures ut imperato-
 rem deligāt: omniumq; suffragijs stat, Campso-
 um Gaurum, qui tunc Deudarius, id est, curiæ
 prætor erat, imperatorem creare: tum quoniam
 Tomumbeio deuinctus erat intima necessitudi-
 ne, ut Tomumbeie factionis perturbatos animos
 pacarent: tum quod is neque vafer vir esset, neq;
 potentia pecuniarum pollens. Quare deiecturos
 se illum facile post sedatos Tomumbeianorum
 furores arbitrabantur. Campsolum igitur Gau-
 rum adeunt: sceptrum offerunt. Renuit Gaurus:
 ut se coronari patiatur, hortantur. Inclamitando
 iterū recusat. Instant hi, abijcit ille. Se nullo
 pacto idem onus subiturum, nolleq; se huic tan-
 to periculo addicere, frendens prædicat. Impe-
 ritum, impotentem, ineptum se, huic tantæ ma-
 chinæ regendæ, fatetur. Ex aduerso illum stimu-
 lant: & quo acrius sumere prouinciā abnegabat,
 eo auidius illi, ut prouinciā sumeret, persua-
 dere conabantur. Id cū assequi ab eo minimè
 possent, pensilem illum & illata vi in castellum
 portant. In solium locant regium. Pontificem,
 qui eum scepro coronæque muniat, adducunt.
 Is iterū (astus & similitates collegarum ac per-
 fidiam noscens, nihil sibi minùs quàm quod alijs
 acciderat, pertimescens) conqueritur cogi se, qui
 minimè diues sit, ad imperiū capeffendum: cū
 naffacá, id est, donatium, Mameluchorum mi-
 nimè

nimè potis sit persolvere. Vetus est enim apud ipsos consuetudo, vt quicunque assumuntur in regni habenas, singulis Mameluchis drachmas auri centum in strenas, proceribus verò pro cuiusque gradu diuersa millia, impartiat. Quod donatiuum ipsi vocant naffacá, vltima acuta. Nec proditionis nota illi Mameluchi aut optimates taxantur, qui contra eum Soldanum arma ceperint, à quo pecuniarum hanc summam non habuerint. Quæ nummorum copia, excedens interdum decies centena millia drachmarum auri, Soldanos cogit plerunque eas extorsiones exercere. Ad hoc proceres suo Mameluchorumque priuatorum nomine Gauro responderunt: Bono animo sit: octo se menses, donè ex regnorum prouentibus pecuniam colligat, expectaturos suum quisque naffacá pollicentur. Sedet igitur quanuis inuitus Campsous Gaurus. Isque est, quem vestro catholico nomine legatus adiui: sed in regno securior cæteris, quod iisdem artibus sibi non parauerit imperium, quod ve ipsis benignitate præcellat. Ast, vt solet in reliquis inter mortales, fortuna vices nostras commutauit: quandò paratissimas habiturum mihi Soldani aures arbitrabar, tunc à primo proposito longè alienum comperi. Multa enim tum in caput meum, tum in vestram famam, oratores Afri (quos in foribus Soldanicis mæstos expectare nostrum euentum supra memorauimus) cum populo & optimatibus moliti fuerant: adeoque illos suo & Granatensium ac Iudæorum expulso nomine subornauerant, vt primarij Soldanicæ parti inhaerentes, eum turbati adierint, illique ruinam imminere prænunciant: quia publicis vocibus, Soldanum, qui regum suæ legis hostium oratorem honorificè tractauerit, Christicolam

D d

esse,

esse, ipsiq; Maurorū perniciem placere, per urbem populus vniuersus proclamat: Sibi suisque consulat, hortantur. Maximum esse iam inter Mameluchos, diuersarum partium præcipuè, murmur exortum: qui, vt recens capiant naffacā, rerum nouarum studiosissimi sunt: mutariq; Soldanum quoto mense exoptant. Nec vehementiorem aliam emergere posse occasionē, qua promptius Mameluchi ad arma capienda, si seductor princeps oboriat, induci queant, quam tutandæ Mahometicæ legis, vt populo gratū faciant. Soldanus his atque alijs pluribus à suis proceribus auditis, timens nè ipse quoque præceps deijciatur, quanuis inuitus, Trucimanum accersit: quæ proceres retulissent, enarrat. Vt me noctū educat, nè qua populi seditio cooriat, imperat. Veniā à me petat, edicit: non posse sine suo suorumq; discrimine me hætenus admittere, dolens aperit. Proceres Trucimano, quod mihi fauere videbatur, coram Soldano mortem minitantur. Tyrannos vos esse ac violentos & fidefragos reges, intra quorum ditionem sit Trucimanus oriundus, iactatis manibus & fronte rugosa despumant. Literasq; tutelares, vestris catholicis nominibus ac figillis insignitas, ab eis quos ob nefanda scelera eiecistis, allatas plures ostendunt. Trucimanus igitur Soldani dicto perturbatus, & procerum minis perterritus, ad me Saturni die pridie Nonas Februarij, iam declinante, reuertitur, quæ gesta sint, enarrat: vt me ad discessum accingā, Soldani nomine, iubet: tutelares Maurorum literas ostendit. Ego autem in Trucimani pallentis faciem protentis oculis parumpèr hæsitans, ex intestinis, vt aiunt, cor fabricans, frendere ac iactare dexteram, ira concitus, in Soldanum

num & suos procures verba iacere ignominiosa
 cœpi: Barbaros esse, qui primis delationibus mo-
 ueantur, proclamo. Potentiam eorum esse ferè
 nullam, vestram verò immensam. Posse illis, quic-
 quid emergat, nocere: vobis autem neque robur
 adamantinum, ostēdo. Ipsos esse numero paucos,
 & hac tempestate imbelles: vestros incolas innu-
 meros, & bello aptos esse omnes, aperio. Argu-
 mentum amplitudinis vestræ à Cantabris, quos
 Biscainos: & Laletanis, quos Catalanos nuncupa-
 tis, capiant. Qui cū sint vestrorum regnorum
 populi quidam minutissimi, ab omni hominum
 memoria illorum semper littora incursionibus
 piraticis infestârunt. Mulieres etiā interdum no-
 strates, Maurorum acies profligâsse compertum
 est. Eant igitur, eant tuus hic Soldanus & sui pro-
 cures, nos armis adoriâtur: & vlcisci, si qua sit per
 meos reges illata Mauris iniuria, aggrediâtur. Me-
 diusfidius, Tangaribardine, arbitror, hac nostra
 tempestate, qua per reginæ nostræ dotem, & re-
 gis hæreditarium patrimonium, Hispania est vl-
 terior citeriori adiuncta, nullam esse humanam
 potentiam, quæ nobis damnum vllum inferre
 potis sit. Quod verò nos, qui in vltimis Occiden-
 tis oris sedem regiam habemus, magna comple-
 cti possumus, colligere hinc potestis: à Gadibus
 & extremis terræ oris, adusque vestrorū littorū
 prospectum, imperium nostrū protenditur. Ba-
 learium enim, Sardinia, Ebusi, Sicilia, & alia-
 rum plurium insularū, catholici reges mei domi-
 ni sunt. Et quod maius est, ea Neapolitani regni
 pars quæ Adriatico mari adiacens Orientem spe-
 ctat, in eorum potestatem nupèr venit. Quæ igi-
 tur est hæc inscitia vestra? quæ cæcitas tuos istos
 Barbaros obtūdit, vt regū tantorū oratorē se ab-

Dd 2

ijcere

*Pulchre
Soldanum
sibi attens-
tum red-
dere stu-
det.*

ijcere posse, quin aliquandò pœnas luant, existi-
ment? Adito igitur iterum Soldanum, meoq; no-
mine illi hæc aperito, fore ut nō multò post me-
um reditum, quàm lōgas manus habeamus, quā-
ve potentes ad omnem à nobis iniuriam propul-
sandam simus, intelligat. Si verò meis dictis au-
scultauerit, luce clariùs illi ostendam, meū ad-
uentum salutem, imperijq; firmitatem ei præsti-
turum. De his autem, quæ illi per eliminatos à
nobis, ob eorum spurcitiam, Sabbatinos Mau-
rosq; rebelles Granatenses, ad lauacrum bap-
tismi per clementiam admissos, auribus admiscere:
quanvis eorum, quæ fecimus, rationem nemini
reddere cogamur, neq; potis quisquam sit à no-
bis eam exigere: plena tamen mensura satisfaciam,
& multa, quibus principum suorum animos
sedare, ac sibi proniores reddere faciliè poterit,
ipsi me dicturum polliceor. Quarè peruicaciam
deponat, ac ut benignas mihi aures in parua ho-
minum frequentia præstet, si illum amas, suade-
to. Postquàm autem quæ dixerimus intellexe-
rit, liberum ei quæcunq; constituerit, imperare,
non minùs quàm nūc erit. Tangaribardinus meis
dictis diligenter animo reconditis, respirans ali-
quantulum à concepto mœrore, pauca dehinc
mecum repetens, ad Soldanum, inter eundem
reputans, quibus modis nostra referēs illum no-
uo induat proposito, proficiscitur. Astu suo (est
enim sagacissimus & longa rerū experientia pru-
dens) Soldanum pacat, timorē soluit, spem præ-
stat. Ut per regiæ posticum ad eum solus ingre-
diar, contra morem maiorum, operam dat. (Au-
ditus fuit enim nullus vnquàm orator ab eis post
hominum memoriam secretò.) Statuto Domini-
co die, sole nondum exorto, admitto. Cœptū
est

est agi, de regni Granatensis debellatu, de Iudæis eiectis, de Mauris oppressis multa: sed de mutata religione multo plura proposuit. Postquam Soldanus conticuit, huiuscemodi ego sermonem exorsus sum: Serenissime omnium imperator Mahometæorum, querelas minasque ingētes quas interpret hic tuus nudius tertius ad me detulit, quasque tu præsens edicis, diligenter memoria suscepisti. Quare si mihi, ut quæ sentiam respondere possim, venia præstabitur, tibi & oratorio muneri meo latè satisfactum iri scio. Aures se mihi daturum faciles pollicetur: quæcunque in mentem venerint, loquendi venia impenditur. Tunc si edissero: Granatam multasque illius regni munitiones, catholicos reges meos tuæ legis cultoribus ademisse: victis fidem non servasse, per vim ad Christum multa Maurorum millia coëgisse, conquereris: dehinc te daturum operam, ut ipsos facti poeniteat, minatus es. Hoc primum, magne imperator, ut ordine utar præpostero, habeto. Catholicos regem & reginam Hispaniarum (qui me miserunt, ut quædam Hierosolymorum incolarum nomine à te impetrarem, non ut tibi de factis eorum rationem redderem) esse ita potentes scito, ut nullas humanas vires aut arma vereantur: propterea superuacaneum est existimare, minas posse quicquā proficere. In caput enim cuiusque nos impetere volentis, eius audacia recudetur. Est enim illorum imperij amplitudo ingens adeo, ut ab Oceano qua sol decedit, ad usque sinum Adriaticum, qua latus Italiæ tua littora prospectat, per Herculeum fretum tractu perpetuo cum Sicilia & Calabria, quæ magna Græcia quondam appellabatur, & Apulia, parandis bellis aptissimis, cuncta his subiaceant. Quam

*Oratio
oratoris
ad Soldanum
iratum.*

innumeras possint armatorum copias, quando-
 cunque opus esset, comparare: quàm strenuus
 sit quicumque Hispanias miles incolat, q̄ domi-
 nis fidus: quàm dicto parētes suos principes, qui
 potentissimi sunt, mei reges habeant, incredibi-
 le dictu est. A summo nanque ad minimum, ab
 agricola ad auratum equitem, nullus est intra or-
 bem Hispanum, qui non se tunc gloriosius viue-
 re, quandò emori pro regibus suis succurrerit, q̄
 vivere vitam, arbitretur. De his nō plura: quan-
 doquidem meo nomine Tāgaribardinus tibi cæ-
 tera cumulanter enumerauerit. Nunc autē, quan-
 uis nec tibi, aut viuentium cuiquam à nobis ra-
 tionem exigere posse vires sufficiant: nec vt tibi
 horum, quæ nunc dicam, quicquā proponerem,
 mihi demandatum sit: cū iam satis, quanti sint
 mei reges, intellexeris: quales sint, & quàm longè
 alij q̄ tu tibi persuadeas, audito. Regnum illud
 Granatense, quod debellatum à nobis isti cōque-
 runtur, contra ius fasq̄, Iuliano duce, qui Calpæ
 & Septæ, aliorumq̄ pluriū oppidorū in occidui
 maris faucibus dominus erat, cum reliquis Hi-
 spaniarum regnis Mauri quondam armis occu-
 pauerant. Is enim Iulianus occasionem nactus, q̄
 Rodericus rex, qui tunc vniuersæ imperitabat
 Hispaniæ, filiam suā de reginæ nymphis vnā stu-
 prasset: Miramamolinū Mahometicæ legis mo-
 narchā cum ingēti exercitu ex Mauritania in eam
 Hispaniæ orā q̄ Bētica dicitur, traduxit: totamq̄,
 p̄fligatis ter per Iulianum collatis signis Roderici
 copijs, Miramamolinus, p̄ter pauca mōtana, op-
 pressit. Adeoq̄ postq̄ sibi Miramamolinus Hispan-
 niam vsurpauit, in Christicolas omnes sæuitum
 est, vt relictus fuerit nullus Christū recusans ab-
 negare, qui Maurorū gladijs non interierit. Trāf-
 actis

actis annorum iam pluribus curriculis, Christicola tandem resipiscens, aliquantisper ab hac dira illiuvie sese redimere attentarunt. Pelagio quodam nobili duce de montibus pedetentim descendunt: Maurorum copias, foeminis etiam rupibus cum saxorum deiectione primum, deinde cum telis adiuuantibus, profligant: retrocedere, montium radices deferere, intra munitas vrbes se recipere, cogunt. Quare paulatim Christicolarum animos necessitate, iustitia, Maurorumque truculenta tyrannide, indies magis ac magis excutientibus, Hispaniae vtriusque ceteras regiones meorum regum proavi in libertatem vindicarunt: quod verò supererat, ipsi nuper virtute bellica domuerunt. Affecimus igitur iniuriam neminem: cum ius suum tueri, suaque de iniuste possidetium manibus cuique liceat, cum possit, abripere. Quod verò fidefragos illos, aduersa tantum parte audita, ita solutis habenis appelles: victisque non percipisse, conqueraris, (da veniam quaeso) temere factum est: nec decuit maiestatem tuam, nobis inauditis, in ea verba non rege digna prorumpere. Oro, attendas, imperator optime: Cum Granatensis regni vrbes in deditioem nostram venissent, multi à meis regibus, ut in regno natalique solo suo cum liberis & vxoribus permanere liceret: alij, ut discedere possent, literas tutelares impetrabant: quas illis mei reges capitibus interpositis, dummodò in fide persisteret, neve quicquam contra eorum maiestatem committerent, impartiebantur. Nunc autem hi, quorum plurimi scelerum conscij, aufugerunt: alij rationis inimici, & nouarum rerum cupidi, rebelles, seditiosi, facinoribusque imbuti, ad te confluunt: exaratas à meorum regum clementia literas ostendunt:

Dd 4

dunt:

*Nemo ari-
mis ad fi-
dem Chri-
sti cogen-
dus.*

dunt: quid ipsi admiserint, occludunt, cooperi-
unt, tacent: fugam suam, eiectionem & perfidi-
am appellant. Constat nunquam, de ore meo-
rum regum, verbum vllum vanum aut mendax
excidisse. Ad baptismum præterea Granatenses
omnes vi coactos fuisse, tibi ementiti sunt: nihil
à verò semotius viua vox vlla protulit vnquam.
Vndè, quàm perniciosum sit, primis flagitiosorū
delationibus ad iram moueri, colligito. Catho-
lici rex & regina Hispaniarum, se multo magis
re quàm nomine Christianos esse profitentur.
Christianum eum nos appellamus, qui Christi
vestigia nititur imitari, doctrinam sequi, legem
seruare. Christus neminem vnquam ad se inuitū
adducere aut allicere est conatus: vim cuiquam,
vt Christianus efficiatur, inferri præcepit nunq̃:
immò nostra lege cautum est apertè, nè quisquā
alienæ legis vllius cultorē metu aut vi impellere
audeat: cuius rei tibi sint argumento Maurorum
tot millia, quot per tua regna transmeârunt, ac
Iudæorū multitudo ingens expulsa. Hos omnes,
cū sub eorum essent potestate, nōne ad bap-
tismum coëgissent, si per legem licuisset? Cū igitur
non eos coëgerint: cū libera illis, quacūq̃
federet animo proficisci, amplè sit via patefacta:
quàm leuiter falsoq̃ te Granatenses obtundant,
cognoscito. Granatenses quater sumptis armis,
(quæ nullo modo habere quenquam apud se ex
composito & fœdere conscripto licebat) in vrbe
ipsa sceptratos præfectos, in Bellesychio munito
oppido plures electos milites, in Rondæ conual-
libus armorū duces cū ingētibus copijs, trucidâ-
runt. In mōtibus verò niuosis, quos Alpuxarren-
ses vocāt, in quorū radicibus Granata vrbs iacet,
locorū asperrima freti natura, ità furiatis animis
de-

fecerunt, vt regem ipsum, cum centum millibus
 peditum, quindecim autem equitum, pertinaci-
 ter expectârint: nec cedere vnquam, aut arma
 deponere voluêrunt, donèc aperto Marte profligati,
 plures interierint. Quibus isti supplicijs affi-
 ci merebâtur? Quæ mulcta satis erat ad hæc sce-
 lera? Excoriari à vertice ad pedum plantam ipsi,
 vtq; filij & vxores ipforum cum omni familia in
 seruitutem redigerentur, bona fisco addiceretur,
 ex lege promeriti fuerant. Cùm in hæc sese peri-
 cula, sua nimirum dementia, coniectos cerneret,
 emisiss ad cælos vocibus, Baptisma Baptisma,
 proclamare omnes passim cœperunt. Catholici
 verò domini mei, quibus est insitum à natura, es-
 se iustos, misericordes & pios, ad eas supplicum
 preces commoti, tantorum facinorum illis ve-
 niam, vxoribus ac natis libertatem, bonorum re-
 missionem, animo clementissimo sunt impartiti.
 Eo tamen præcipuè, quòd nostra lege, vt neminè
 cogere recusantem, ita neminem abijcere venien-
 tem, sancitum sit. Eia nunc optime imperator,
 quid, si tot ab incolis tuis, alienæ legis præsertim,
 in te ausu temerario commissa fuissent facinora?
 Satis ne animo tuo satisfactum fuisset Mahome-
 tica ipsos instituta implorâsse? minimè quidem
 arbitror: tanto maximè cum pecuniario damno.
 Eorū nanque spolia, si cum vxoribus & filijs eo-
 rum bona venū fuissent exposita, decennales tuos
 redditus proculdubid superâssent. Nec te præ-
 tereat velim, duo esse regna, Valentinum scilicet
 & Aragonium, hæreditario iure antiquissimo re-
 gibus meis subiecta: in quibus plura Mahome-
 tæorum, quàm Christianorum millia, omnium
 opinione, degunt. Hi habere sua templa, equis am-
 bulare, tela, cùm iter faciūt, gestare, ædificare do-
 mos,

mos, agros colere, armenta possidere, non minùs liberè, atquè Christianis ipsis, permittitur: nec minores pœnas dat Christicola, qui Maurum molestiavel iniuria afficiat, quàm si Maurus Christicola. Quàm beatè isti sub meorū regū imperio, cūm pacifici sint, & minimè seditiosi, viuāt, si scrutaberis, Granatēses meritissimas luisse pœnas iudicabis. De Iudæis autē, deterioribusq; neophytis exlegibus, quæ te cura fatigat? quid ad te? Hi sunt à meis regibus de oībus eorū regnis, tanq̃ rabida pestis, eliminati. Pròh si scires, q̃ morbosū, q̃ pestiferū, quāq; cōtagiosum pecus istud, de quo loqueris, sit. Tactu omnia fœdant, visu corrumpunt, sermone destruunt, diuina & humana perturbant, inficiunt, prostrant, miseros vicinos circunueniunt, radicitūs expilant, funestant: vbi cunque pecunias esse præsentiunt, tanquàm odori canes insequuntur, detegunt, effodiunt: per mendacia, periuria, dolos, insidias, per lites, si cetera non suppetunt, extorquere illas laborant: aliena miseria, dolore, gemitu & mœstitia gaudent: felicitati inuident. Perniciem notis omnibus atque etiam sibi inuicē semper cum fremitu machinantur. Væ domibus, quarum istis secreta rimari licet. Nosces aliquādō, nosces, si longos annos tibi fata præsiterint, quod hominum genus hoc sit, cui tu patrociniū præstas, quod intra tuas oues commisces: quàm obscœnum, detestabile, vile, execrandū: quàm deniquè detrudi debeat ab omni humano commercio. Sapiētissimos viuentium tunc fuisse meos reges fateberis, quandō de tam reijculo & morboſo pecore exterminare cogitārūt. Si hos amas, hos tibi habeto. Quid vis tibi referat gens hæc abiecta? latro ne aut subdolus proditor, si quem tu eiusmodi

morte

morte dignum in exilium miseris, vel tantum flagellari iusseris, cum per alienas terras vagabitur, maiestatem ne tuam laudabit? Misericordem te propterea vel clementem appellabit? non certe: quocunque enim diuerterit, te crudelem, impium, bonorum persecutorem, se iniuste depulsum, predicabit: sua scelera tacebit. Ast si in prudentem aliquem auditorem inciderit, te iniustum esse, tua causa non audita, minime persuasum relinquet. Quare, serenissime imperator, aduertito, ne hi nefarii delatores in aliquam te calamitatem conijciant: si tibi consulueris, tuæ posthac aures liminaque hominibus huiusmodi nunquam patebunt. De his iam satis multa. Nunc autem ut ad te iam veniam: si ea, quæ sum meorum regum nomine petiturus, impetrauero, rumores à me ipso per hanc amplissimam urbem tuæ ditioni subiectam, per Trucimanum, reliquos etiam Palatinos qui mecum versantur, spargam: aduenisse me, fratrum foedus te cum meis regibus iniisse, easque classes quas in Apuliæ Calabriæque portibus habent, cum delectis militum copiis, præstare fore, si qua in te defectio exoriat, aut bellica vis ingruerit, ut huc volitent in auxilium tibi, predicabimus. Itaque in hac tuorum principum inconstantia, & imperandi cupiditate, nostræ, etsi fictæ, amicitiae fama, cum simus mari & terris adeo potentes, maximam tibi poterit utilitatem parere. Temperatiùs nanque de insurgendo in te, armisque capiendis, tui aduersæ partis principes, si hoc suspicantur, cogitabunt. Finitimi præterea reges, qui Syriæ felicissimæ prouinciæ tuæ inhiant, seriùs te bello tentare audebunt, si nos in tuum auxilium venturos verebuntur. Aperito igitur mentis oculos, serenissime imperator,
& for.

& sortem, quæ sese tibi obtulit, opportunam apprehendito: libentiq; animo ea perficito, quæ mei reges exoptant: & fortè sedes hæc tua, quæ subtili vitro fragilior est, in adamantinum robur ex hoc nostro commercio conuertetur. Quæ autem petimus, summe imperator, factu quidem facilima, tunc tibi aperiam, quandò pacato ab ista iracunda perturbatione animo ad teipsum te rediisse cognouero. Hæc ego. Soldanus verò, inter eà dum ego ista recensebam, ex ore meo, quanuis ea minimè caperet, meos motus tamen tum iracundos, tum placidos, acutos, interdum graues colligens, pendebat: scire iam, quæ dixissem, maiorem in modum affectabat. Tangaribardinus interpretes inter nos tertius, qui non minùs, quàm ego ipse, vestræ gloriæ cupidus esse mihi visus est, auido Soldano, affectu non minore, non inferiore animo, lingua nō timidiore, suo idiomate quæ proposueram, refert. Inflatus interdum de vestra potentia rubicundo vultu edisserit: placido interdum sermone ac ore subrisibili solertissimè, de vestra erga bonos benignitate recenset: atque etiam interdum, quàm virtute bellica felices sitis, enarrans, minabundos oculos attollit. Gaudebam ego, Soldani intentum animum, nutusq; dicta cōcipientes inspiciens. Postquàm igitur Tangaribardinus finem sermoni suo fecit, Soldanus sese amicis oculis ad me conuertit: & multa iterum de vobis, de regnis vestris, percontatur: an vera sint, quæ ego de vestra in rebelles Mauros clementia argumentatus fueram, interrogat. Vero esse omnia veriora quæ dixissem, affirmo: posseq; id illi facile fieri compertissimum, si ad vos oratores vel secretò exploratores miserit, aperio. Quod si fecerit, quanti sint momenti res vestræ, quan-

quantum ve stabilitati ipsius simulatae nostrae societatis sparsus vulgò rumor cōducere potis sit, ipsum cognosciturum, enuncio. His atq; alijs pluribus ab ortu solis adusque meridiem ita discussis, confirmatis, confutatis, conclusis, vestra mandata aperio. Soldanus ad ea omnia perficiēda, quae vestro nomine petiero, animum disponit: me dimittit. Principes propter metum concitatae multitudinis perturbatos, ad se iubet tā fictos quàm amicos die postero accersiri: nè facile improborum susurris Iudaeorum, & profugorum Granatensium querelis moueantur, monet: periculosum esse quacunque in causa, altera partium tantum autlita, iudicare. Iudaeorum fraudes, nequitiam, hostilitatem in omne genus hominum, meis verbis proponit. Nè sit illis de tam foetido, despecto, liuido, scabiosoq; pecore sollicitudo, suadet. De Mauroorum autem leuium Granatensium conquestibus, inconstantiam, defectiones, crudelitatem ipsorum, vestrorum verò ducum ac militum interneccionem, edisserit. Quid foret interrogat, si talia per suos subditos in se vlllo tempore emerfissent facinora: aut si sumptis armis tot in ipsos Christianorum millia defecissent, quot Mauroorum in vestram coronam defecerunt. De vestrorum regnorum amplitudine, de potentia, felicitateq; vestra, multa ipsemet enarrat: quantā possit regum tantorum amicitia sibi & ipsis vtilitatē afferre, pronunciat. Horrescunt proceres exempli simulacro: vos admirantur, quae ipsos agebat, curam eijciunt. Soldano vnanimis omnes, quòd sibi ipsisq; adeò prudenter prouideat, assurgunt, gratias alij fictas, ex corde imo alij depromptas, agūt. Soldanus deindè proceribus benè persuasis, domumq; dimissis, Trucimano accersito
impe-

imperat, vt famulos à manu regios ad me ducat: vt quæcunque ordiner ego, ipsi contexerent: chirographa quæcunq; vellem, conscriberent: ad se postmodum sua manu signanda perferrent. Mandatū Trucimani exequitur: ad me veniunt chirographarij. Consilium ego & Hierosolymitani templarij, qui ad me per cursores acciti venerāt, inimus. Petitiones vestras conscribimus: (quarū prætectu vos me, catholici reges, ad iram horum Barbarorum pacandam, qui se Christicolas omnes orientales demersuros vestra causa minabantur, oratorem misistis) Vt Hierosolymis vetustate collapsa reficere, vt ea quæ ruinam minantur, à nostris maioribus ad Christi memoriā ædificata, resarcire permittatur: quæ Mahometæi sacerdotes nullo vnquā tempore ab imperio Christicolis erepto renouare passi sunt. Soldanis enim præteritis, Mahometæa lege vetitum id fuisse, sacerdotes persuaferāt. Neq; in ipsa vrbe solum, sed in Beryto, Rama, Bethleem, cæterisq; locis, quibus extant aliqua de Christi gestis monumenta, modò velitis, iam licet reficere. Prætereà vt nouæ exactiones & recentia tributa tollantur, quæ per Soldanicos magistratus in peregrinos ad intolerandum iam cumulum adaucta fuerant, & persolvere nemo iam quiret: vtq; ignominijs in peregrinos illatis prouideretur: ad vetera maiorum tributa, peregrinorum persolutiones redigantur: si quis peregrinum posthac molestia vel ignominia confecerit, grauiter puniatur, efflagito. Hæc breuibus, Christianissimi duo consortes & clara orbis lumina, nè grauibus implicitos longa nimis oratione fatigem. Ad alia igitur deueniamus. Intereà dum chirographa per famulos à manu expediuntur, negocijs iam exolutus,

lulus, si quæ sint Aegyptiorum veterum adhuc
per ea loca monumenta, perquirens, duas py-
ramides miræ magnitudinis trans Nilum in agro
Babylonico, ad milliare tamen circiter vigesi-
mum extare cognosco: ab vrbenanque ipsa Cai-
ro apparent. Quarè vt mihi liceat conuicina lu-
strare, à Soldano per Trucimanum exposco.
Placere sibi summoperè Soldanus respondet. At-
tamen nè sine tuto comitatu vlllo pacto exeam
domo, imperat: propter populum ab oratori-
bus Afris, à Iudæis, à neophytis exlegibus, &
à Granatensibus ad iram impulsus. Confe-
stimq; duos ex Palatinis sibi charioribus princi-
pibus accersit: vt ad me veniant, nè me vnquam
deserant, nè detrimenti quid mihi aut molestiæ
accidat, edicit. Trucimanum, qui nobis erat dux
futurus, vt omnia diligenter inspectet, periculis
omnibus prouideat, vt incolumes ducamur ac
reducamur, cum animi angore & ingenti solici-
tudine monet: se curam non depositurum, do-
nè nos rediisse præscierit, enunciat. Postero die,
qui erat septimus Iduum Februarij, hora ante-
lucana, facibus accensis præeuntibus, ad viden-
das pyramides iter capturus exeo, Trucima-
no & duobus aulicis optimatibus cum ingenti
comitatu me circumsipientibus. Ibì ciuitatis eius
longitudinem esse immensam hoc argumento
collegi. Trucimani domus, quæ mihi hospitio
fuerat obsignata, mœnibus vrbs inhærebat: à
latere tamen vrbs initio aduerso Nilo stadia
circiter quatuor. Nec vrbs ipsius vltimum sub-
urbium, quod adhuc Babylon ipsi appellant,
percurrere desieramus, quandò iam sol ab ho-
rizonte nihil minus horis duabus emerferat:
alicubi tamen sine domorum frequentia ple-
risque

risque spatiolis interiectis. Vrbe igitur à tergo relictâ, cùm primùm Nilum tranauimus, inter palmeta, quæ visum adhuc nobis parumpèr præpediebant, sese nobis instar montium elatæ in planitie vasta pyramides offerunt. Has adimus: visas admiramur. Tunc Bilbilitani vatis Hispani vestri Martialis carmen de pyramidum miraculis non ineptè prolatū iudicaui. Sunt quidē inauditæ molis, ingens structura: nec iam, quæ de viginti millibus hominum, cum viginti annorum labore, cum inenarrabili panis, ceparum ac porrorum numero & pondere, ab historicis edisseruntur, fabulosa esse contenderem. Ipsarum tamē altera grādiior est, sed forma pares. Sunt namque pyramides omnes orthogoniæ, æquilateræ, ample, ab imo in acutum semper ad verticem vsque leniter tendentes. Est earum altitudo ingens adeò, quòd in radice stantibus quicunque ascenderit, dimidio minor videatur. Per ipsarum ego rupturas, quæ fuerunt ad alia intra urbem ædificia construenda excoriatæ, ex meis familiaribus iussi quosdam ascendere: qui caligari sibi despicendo oculos, mariaq; ac terras sese sub pedibus habere existimasse, retulerūt. Ab imo in modum turbinis acui videntur: sed lapideam tabulā triginta hominum capacem, quæ totū claudit opus, in culmine maioris iacere, qui ascenderāt, nobis enarrarunt. Huius ego ipse grandioris circumferentiam dimensus, de quatuor lateribus vnū reperi quindecim supra tercentum meis passibus constare. Quarè quod extra solum patet, esse passuum in gyro circiter tercentum supra mille colligitur: sed longa vetustate, saxorumq; fragmentis tellurē ibi plures cubitos crenisse, subrutamq; nunc esse pyramidem, & multo quondam fuisse
spatio-

tiosorem, compræhenditur. Nec his contentus, solidâ ne sit, aut cōcaua pyramis, interrogo. Tunc sic ex principibus alter sermonē orditur: Ex quo structuram hanc, quisquis veterum illam condiderit, absoluit, incolarum nemini constitit vnq̃: aditum habere, aut concauam esse præsenfit: neq̃ enim magnæ nobis curæ est huiuscemodi secreta indagare: nostra verò tēpestare ignotus quidam ex Mauritania vobis finitima, qui sibi peritiâ antiquitatis arrogabat, ad nos venit, Soldanū efflagitat, vt ostium pyramidis huius, quod se didicisse prædicabat, aperire liceret: inuenturum sese absconditos thesauros inquires. Venia impenditur: huc venit: pyramidis huius latus æstiuum orientale perquirat: ostium clausum paulò differentē à cæteris inuenit: claudentem ostium lapidem tollit, qui iacebat in ipsius lateris medio, ab imo dimetiendo ad summū. Nec vir iste vsquàm gentium apparuit vltrâ. Pyramidē igitur lustrauimus: & quâ Maurus ille aditū patefecerat, latus capimus: ex meis comitibus iussi, cum facibus accēsis filicēq̃ parato ad ignem, si faces extinguerentur, excutiendum introire. Ego autem & vnâ mecum principes ex ostij faucibus despectamus. Est via leniter decliuis, lubrica, marmorea, angusta, passuū clxxv. vt aiunt, qua vix genibus flexis, aut si pedibus, inclinato ad vterum capite, descendere liceat: descendunt igitur, quid ibi sit, quæritant: forniceam cameram passuum fortē duodecim testudineā, atq̃ penetralia duo maiori cameræ inherentia in cōcauo reperiunt: ibi grandem tumulū & paruula sepulcra iacere animaduertunt. Illustrem aliquem virum cum aut vxorum, aut pellicum, aut filiorum turba fuisse illic humatum, existimârunt. Pyramides enim sepul-

E e

cralia

cralia veterū habitacula fuisse legitur. Structura
 verò ipsius molis, ex lapide marmoreo flauo ali-
 quantispër, non autem albido, æqua ferè mensu-
 ra conciso: quadrangulares enim singuli, sed non
 penitus sunt orthogoni, cū ab latitudine longi-
 tudo paululū distet, à longitudine verò nihil
 differt profunditas. Lapidē ex illis nullū dimen-
 sus ex incuria sum: sed septipedaes longitudine
 esse arbitror. Ex quodā deindē elato tumulo are-
 noso, cū Oriētem australem versūs oculos fle-
 xissem, plurimos colles ad milliare circiter quin-
 quagesimum aduerso flumine à nobis prospicere
 visus, quid illud esset, interrogo. Pyramides oēs,
 atq; ex illis grandiores aliquas eis quas pertracta-
 uimus, esse didici: ibiq; illustri vrbis adhuc ex-
 tare vestigia, sed diruta, serpentibusq; tantū ha-
 bitata retulerunt. Quarē Memphim eam fuisse,
 pyramidum miraculis celebratam: non autem
 Cairum vrbem, nunc prouinciæ caput, vt̄ pleri-
 que autumant, existimo: cū hīc duæ tantū,
 illic innumeræ sint insignes magnitudine, lōgeq;
 distent hæ à Cairo. Pyramidibus itā perlustratis,
 ad milliare circiter dimidiū ducor: vbi marmo-
 rei colossi corpus truncum, cui iam vetustate au-
 res erant narēque collapsæ, à pectore iacebat.
 Cuius fuerit quondām simulacrum illud, mini-
 mē scitur. Id ego caput dimensus, octo & quin-
 quaginta passus eius esse circumferentiam reperi.
 His itā conspectis, domū reuersuri, per alias
 eius Niliacæ planitiei pratorum semitas virenti-
 um, inter equorū & camelorum copias innume-
 ras, & Mameluchorum tentoria castrensia dispo-
 sita, regredimur. Quidnā sibi vellent ea castra tot
 iumentis circūsepta, eo præsertim anni tempore,
 cū octaua Februarij esset Idus, percōtatus, hęc
 à Tru-

Caput
 marmo-
 reum 58.
 passuum.

à Trucimano, qui mores adhuc Hispanos, in his-
 ce rebus memoria tenebat, habui: Soletis in Hi-
 spania vos Aprili & plerisque in locis Maio men-
 sibus equos herbatum mittere: nos autem Ianua-
 rio & Febuario mensibus iumenta nostra in pa-
 scuis habemus: illis enim temporibus sicca sunt
 iam apud nos prata omnia. Nilusq; ripas iterum
 tempore illo superare, atq; prouinciam omnem
 inundare incipit. Expectatum igitur fluminis in-
 crementum, præsens herbarum, quas aded viren-
 tes ac floridas in hac vasta planitie conspicias, op-
 portunitas: cumq; hic nullo vnq; tempore frigus
 ingens vigeat, sub dio in agris iumenta nunc ha-
 bere coguntur. Tétoria verò, in quibus nostri ad
 iumentorum curam serui destinati sese noctu re-
 cipiant, quotannis ita erigimus. Hæc ille. Ego au-
 tem inter eundum, quod opere præcium est inspi-
 cere, quem ordinē in iumentis pascendis, nè quid
 de pascuis pedibus dispergatur, seruent, delecta-
 tus sum cognoscere. Vbi primum suæ quisq; par-
 tis marginē per camelos & equos tutudat: in solo
 iam vacuo suis quisque seruus iumentis ad infixas
 terræ vacerras sudales adustas, pedes alligat po-
 steriores, vt vix protento rostro dentibus herbā
 queant apprhendere. Ea verò quæ proximior est
 depasta, vacerris euulsis, pedetentim ad herbam
 iumenta propius applicant. Singulisq; ita fit die-
 bus, donèc ad vltimos herbaturæ suæ terminos
 perueniant. Portiones enim ex illis pascuis à Sol-
 dano Mameluchis pro cuiusque gradu per peda-
 tos distribuuntur, veluti cū intra vrbe sunt de
 collecto ex horreis hordeo. Itā sole ad occasum
 vergente Nilum traicimus, domūq; reuertimur.
 Postridiē verò ab his, quibus fuerat à Soldano
 de me cura demā data, peto, vt me ad eum locum

Mamelu-
 chorū pa-
 bulandi
 modus.

vbi Christus latuerat, interea loci dum Herodes
 Hierosolymis moraretur, perducerent: tum vt
 loci numé colerem, tum etiam quoniam ibidem
 balsami arbuſta confederant, id exoptabam. Eum
 locum noſtra tempeſtate Mataræâ incolæ appel-
 lant: qui ab vrbe Cairi paſſuū millia circiter de-
 cē diſtat. Mercurij igitur die, ſexto Idus Februa-
 rij, q noſtræ Quadrageſimæ primus eo anno fuit,
 vbi primū eluxit, Mataræam verſus proficiſci-
 mur: palatium primo adſpectu & prima fronte
 regali mole conſtru ctum ingredimur, in internis
 autem dirutum: eô quòd deſertum, ex quo bal-
 ſami arbuſta interiêre. Illuc enim, quo tempore
 baſſamum colligebatur, Soldani, relaxâdi animi
 gratia, ſeſe quotannis conferebant. Pròh dolor,
 adeò precioſi arbuſta liquoris interiêre: ſed incer-
 tum, an cuſtodū incuria, an fraude dolôve & in-
 uidia, an religione & pietate læſa, id acciderit.
 Quidam enim, viridarij cuſtodes, terrâ irrigan-
 do malè temperâſſe aiunt. Ex fonte nanque viuo,
 puteali tamen, in eo loco ſcaturienti aqua exhau-
 ſta, arbuſta illa rigabâtur: eumq; liquorem, quo
 baſſamum condiebatur, nutriebant: neque enim
 ex ſimplici illa materia baſſamū conſtabat: quod
 non aliter ex perfractis aut conciſis ramis per ſti-
 rias & guttas cadentes colligebatur, quàm ex vi-
 tium putaturis lachrymales guttæ cadunt, cū
 apud nos verno tēpore palmites inciduntur. Sed
 nullam præter eius fontis aquam, tranſplantatis
 baſſami arbuſtis ad hoc vt naſcerentur, aut adul-
 tis vt coaleſcerent, profuiſſe vnquàm, longo ex-
 perimento comprobatum eſt. Immò & cū in
 aliud ſolum transferrêtur, eadem etiam aqua in-
 dē abſportata, parūm viguiſſe. Rex enim quon-
 dām Cyprius, nomine Iaches, Caitbeio Soldano
 permittente, arbuſta pauca cupasq; ipſa aqua ple-

nas, quibus illa irrigaret, in Cyprū afferri iussit: vbi neque balsamum procreabant, neq; frutices diū vixerunt. Qui verò fraudem intercessisse suspicantur, mulierem custodis ipsius horti vxorē, consultò interiorē textam multitiā, mēstruo illitā, fonte immerfisse, referunt: menstrualisq; veneni vim adēo atrocem fuisse, vt aqua infecta arborum radices omnes, cū per illas riuuli deducerentur, concremauerit. Ast qui lāsam pietatem fuisse credunt, itā prādicant: Cautum fuit semper prīscorum regum Soldanorum decreto, nē Iudaicā peruicaciā balsametum quisquam ingrederetur: nē quid ignominiosum in loci numen perpetrarent: cū in eo fonte paruuli Iesu, quo tempore in Aegypto latitauit, pānos quibus inuoluebatur, Maria virgo lauerit: vbiq; arbuſta germinabant, ibi soli ficcandos expoſuerit. Beatā nanque virginem Mauri obseruant, eiusq; nomen religiosissimē venerātur. Incautos igitur ad horti custodiam Soldani œconomos, Iudæum, qui se Maurum profitebatur, admisisse inquit: Iudæamq; vxorem suā quam intromisit, paruulum vtriūſque filium, linteaq; infantuli, in opprobriū loti Christi, in ipso fonte immerfisse, ac lintea ibidē siccandā protendiſſe, volunt. Quare terram, cuius virtute arbuſta germinabāt, fontēq; cuius vigore rigata nutriebātur, ilicō post contumeliā, vim suā amiſſe inhæſitanter inquit. Vt cūquē sit, omnia illa arbuſta radicib; interiēre, nec vllū ex eis extat veſtigiū. Ea in roſeti modum aucta, intra quinquenniū ſeneſcebāt: ſed ipſorū rami in idē ſolū tranſplātati, facilē ad ſuū genus inſtaurandum pullulabant. Eſt autē id balsameti ſpatium paſſuum longitudine numero circiter ducentorū, latitudine verò non multo plus

Ee 3

dimi.

dimidio: terreis aggeribus sine calce ac lapidibus
 circumseptum. Dum interea ego ista perquirerē,
 sub vicino quodā tuguriolo, in quo infantulum
 Iesum virgo latens lactabat, sacris dicendis mihi
 altare paratur: quibus per eum, qui Hierosoly-
 mis cœnobij beati Francisci in monte Sion Guar-
 dianus summi pōtificis pro Christicolis occiden-
 talibus vicem gerit, ritē peractis, duo summę pie-
 tatis in hominibus aduersæ legis argumēta anno-
 tavi, quæ prætermittenda minimē duxi: Extat in
 prædicto tugurio intramurum cauata quædam
 in modum armarioli fenestella, in qua paruulum
 infantem curiosa virgo, dum sibi aliquandō fo-
 ris victum quæriraret, recondebat: ibi ardentem
 perpetuò lampadem Mauri seruant. Tenēt & ali-
 am, funiculo traiecto illi arbori, quam sese aperu-
 isse, transeuntiq; Iesu celsisse, populus credit, ap-
 pensam: arboremq; ipsam reuerenter obseruant,
 ficulneam: ipsi Pharaonis arborem appellant. Ea
 verò est, quæ à nostris sycomorus dicitur, terræ
 illius arbor peculiaris. Ex hac ego ipse ficulnea,
 quæ ingens est, tres carpsi fœtus, quorum forma,
 mediocris est piri, sed mollitie ac gustu insipidi,
 ficum æmulantur: nec, vt ceteri omnes fructus
 arborei, ex recentioribus ramulis huius arboris
 fœtus nascuntur, sed ex veterum ramorum trun-
 cis procreati vbertim exiliunt: velut ex vno in-
 terdum ramulo compressa profiliūt multa pru-
 na. Tres eas, quas collegi, bactras ad vos feren-
 das, licet ficas, seruo. Prandium interea dum ista
 perlustramus paratur, sub dio tamen, in putealis
 eiusdem fontis margine, qui balsametum infelix
 irrigabat quondam. Discumbimus solo vnâ, ex
 ipsius Guardiani oriētalīs ore, vice pontificis no-
 stri, venia, Mahometæi & Christicolæ: sed carnes
 illi,

illi, nos pisces epulabamur. Minuta hæc, vt quodd
eo die post sumptas epulas de illius aquæ bonita-
te periculum fecerim, inferere queam, recenseo.

Cum ex piscium varij generis satietate ingens me *Aqua fons*
fitis vrgeret, (quanuis ex medicorū consilio aqua *tis Balsam*
mihi esset, ob quasdam valetudines, interdictū & *meti*.

piscibus) ter ad saturitatem vsque, quisnam in eo
fonte lotus fuisset, memor, ex aqua illa ita plenis
faucibus potavi, vt hydropico similis, turgidus
effectus, cingulum soluere coactus fuerim. Ili-
coq; senti, mihi summoperè profuisse. Totā præ-
tereà illius anni Quadragesimam cum pisciū vsu
Nili fluminis aquā solam interdum, interdum vi-
no commixtā, bibi: nec stomacho vnq; qui me se-
pissimè fatigabat, aut alicui corporis parti iactu-
ram mihi attulisse cognoui. Est prætereà leuitatis *Aqua Nili*
ac saporis aqua Niliaca, meo iudicio, laudabilis.

Quas dotes illi aquæ ex feruore radiorum solis,
quibus per torridæ zonæ furentes æstus labens
decoquitur, arbitror contingere. Neque enim du-
bium est, siue de lunæ mōtibus vltra æquinoctia-
lem iacentibus, siue aliundè Nilus deueniat, quin
per Aethiopum regiones Nili fluenta decurrant:
ex quorum montibus Nilum sumere incremen-
tum incolæ prædicant. Nam cum ad nos diē pro-
ducturus, æquinoctialem circulum per arietis
cornua sol trāsirens ascendit, niuales Aethiopum
adurens montes, niues liquefacit: quas ad imas
valles cadentes Nilus recipit, & æstate præter cæ-
terorum fluminū naturā intumescit, Aegyptios
agros arenosos irrigat, ac fertiles reddit, qui aliās
ob terræ siccitatem nullum producerent fructū:
pluit enim rarò. Sapientum omniū de ortu atq;
incremento Nili accuratè disceptationes perlēgi:
sed ortus ipsius ita incertus ab indigenis relin-

Ee 4 quitur,

quitur, veluti ab illis haftenus. Allocutus enim sum diuersarū Indiae regionum incolas Aethiopesq; plures, quorum ingens multitudo in Cairo vrbe negociatur: nec eorum quisquam, cum per ipsorū terras labi Nilus dicatur, credibile quicquam refert: fabulatur tamen multa. Incrementi autem certam esse atq; vnicam eam, quam attulimus, rationem, rerum experiētia prudētiores, & qui prouinciarum naturam indagāunt, affirmāt. Neq; arenas in ostijs Nili boreali flatu aggregatas, aut Etesijs, vt pleriq; volunt, aut aliam vllam de allegatis historicis rationibus causam esse, quod Nilus retrocedat, dici patiuntur. Nunc verò, quandoquidem in huius fluminis mētionem incidimus, non erit absonum de ordine ab Aegyptijs circa Nili tumores seruato, nouisq; Niliacorum crocodilorum casibus mihi per incolas enarratis, pauca recensere. Cairi ciuitas oblonga est, sed angusta, ad Nili ripam protenta. Intra Nilum autem vrbi insula adiacet duorum circiter milliarium, cuius initium, impetum Nili suscipiens, muris in acutum incipientibus, & se in latum statim porrigentibus, munitum est. In cuius acuta proiectura turris extat lapidea, in qua per alnas eorum, quas piccos appellant & quartas ac digitos, signa sunt circuncisa. Est eorum alna, vestrā Hispanā, quam varam vester populus vocat, spithamā grandi minor. Columnæ huic, æstate iam aduentante, multi assident: vt qui primus Nilum crescere denunciauerit, pinguem strenam assequatur. Itidemq; fit quotidie, donec tumescere desinat. Ast fluuio ad altitudinem quatuordecim piccorum, id est, alnarū, surgente, superare ripas Nilus, & per campos ac fossias manu factas sese protendere, prouinciāque inundans irrigare incipit. Est Nili vtilis inunda-

tio, ad mensuram vsq; illius columnæ piccorum
 duorum & viginti: si verò eam exuperet, id raro
 tamen accidit, damna potius quàm vtilitatem af-
 fert. Caitbeius propterea Soldanus is, quem se-
 nem dicunt, de quo suprà mentionem fecimus,
 fossam eduxit nouam, quæ incrementum illud, si
 quandò accadat, in se recipiat: & ad desertas alias
 regiones superuacaneam aquam abducatur, ac fer-
 tiles eo anno reddat. Infra urbem verò per fossas
 diuiditur Nilus antiquus, (quarum aliquas Cæ-
 sarem construxisse memoria proditum est) mu-
 nitissimis aggeribus à fronte, nè torrentis aquæ
 impetus illas disrumpat, constructis. Quælibet
 autem fossarum suum habet ad mare Aegyptium
 exitum. Prouincias, per quas incrementi tem-
 pore aquæ Niliacæ fluunt, irrigant & pingues fa-
 ciunt. In omnibus prætereà fossarum alueis auiū
 pisciumq; multifariam generatur multitudo, ali-
 turq; sed præcipuè in paludibus maxima. Varia
 præter pisces & aues monstra in eius alueo nutri-
 untur: inter q̄ Crocodilus quadrupes tã aquati-
 cum, quàm terrestre. Quòd nō habeat vnde ege-
 rat, præterquàm per os: quòd solus inter bruta
 lachrymetur: quòd fugiat, si recto illum oculo
 quis inspexerit: sequatur verò, si meticulosum
 obuium senserit, ac interimat: aliaq; huiuscemo-
 di multa multi retulere: propterea missa hæc
 omnia facere cōstituo. Quæ autem ego inter na-
 uigādum ab accolis nautis noua perdidici, mens
 est differere. Ab vrbe Cairo ad mare vsque, non
 semper noxios esse crocodilos referunt: ab vrbe
 autem aduerso Nilo, quanto altius versùs mon-
 tana nauigatur, tanto violentiores ferocioresq;
 aqua & terris esse aiunt. Plerasque eius rei causas
 mihi interroganti adduxerunt in medium: Pri-
 mum,

De croco-
 dilis scito
 digna.

mum, quod ea Nili pars, quæ inter urbem & mare iacet, piscibus, tum in Nilo enutritis, tum ex mari prodeuntibus, quibus crocodili vescuntur, semper abundet: propterea piscibus contentos, in terram illos non longè à ripa descendere, hominibus aut quadrupedibus damna illaturos, prædicant. Cum autem & inferiores crocodili, & piscatorum ingens multitudo, piscium turbas ad superna transire, quin illos retibus intercipiât, paucas patiantur: crocodili qui superiores Nili partes incolunt, atrociori fame urgètur: ita famelica rabie arreptos, in terram descendere illos, inquit, adoririq; ac perimere quicquid obuium sit. Quædã præterea præmij spes magnos crocodilos capientibus proposita, facit, ut multo pauciores audeant à Nili ripis longius prodire: cuique enim ad urbem Cairum crocodilum grandiorè afferenti, aurei nummi de fisco præbentur decem. Quamobrem crocodilis grandibus circa urbem, ut alibi leonibus, ursis, ceterisque brutis animalibus violentis ac rapacibus, dulci habendæ pecuniæ spe, multæ infidiæ parantur. Tunc autem crocodili noxiores sunt, damnaq; ad vicina rura exeuntes maiora inferunt, quãdò redijt ad alueum Nilus: cum nanque sint eo tempore Nili ostia magis arenosa, ob humiliorem aquæ in ipsis faucibus profunditatem, minor marinorum piscium copia per fluentia Nili ascendit. Indè fame compulsos, cum Niliaci pisces illis ad saturitatem non suppetant, victum ipsos terra quæritare aiunt. Hic euenisse prædicant accolæ, quod Nilo ad alueum deducto, sæpè lateât in insidijs obuoluti cæno crocodili in ripæ ora, in eorum locorum vicinia, ad quæ Niliaci rurales, aut oppidani foeminas aquæ capiendæ gratia mittunt: immissoq; per ancillam cantharo in aquæ de-

*Varij cro-
codilorum
astus.*

decursum, crocodilum, inquirunt, transilire, & foeminam dentibus, quos habet rapacissimos, manu, qua cantharum immisit, rapere, ac in fluvium in caput tractam dilacerare. Camelum, equum, iuuenecam, & quodcunque genus quadrupedis ei occurrit, cum in terram famelicus exit crocodilus grandior, ictu caudæ adeò acriter ferrit, ut illud, cruribus fractis, prostret, ac demùm interimat. Tanta est enim illius caudæ vis, ut fregisse quatuor vno ictu grandioris animalis crura repertus sit aliquandò. Emergit aliud imminens periculum decrementi tempore Nilum pernavigantibus. Cum enim contra Nili torrentem ascenditur, deficiente vento, sæpiùs contis quàm remis agitur: naumq; ascendentem crocodili latenter sequuntur: & nautam, cum crocodilus videat conto ad expungendam naum totum fixo pectore inhaerere, ictu caudæ conto acriter discusso, præcipitem cadere in fluvium facit: ac vix delapsum rapit, & vorat. Sponda etiam manibus apprehensa ingressum plerunquè tentasse, aut naum deoluere fuisse conatos, asserunt. Tanta est eorum rabies fame urgente. Est crocodilorum alia à quadrupedibus in progressu natura: cum enim è Nilo in terrâ longius profiscuntur, alia nesciunt regredi via, q̃ per ea vestigia, quæ in arena venientes reliquerunt: propterea cum descendisse crocodilum incolæ præsentunt, celeri cursu cum ligonibus & ramorum fascibus accurrunt: in eaq; semita fossam profundam effodiunt, ac ramis illam superimpositis arena contegunt, nè rediens crocodilus insidias sentiat: dehinc per vestigia crocodilum quæritant: sic repertum, strepitu & lituorum aneorumq; tinnitu

tu in fugam versum insequuntur. Ità in foueam delabentem aut perimunt, aut laqueis irretitum ad urbem portant. Diximus enim, decem aureorum præmium, esse grandes crocodilos viuos afferenti propositum. Paucis antequàm ego adijssem diebus, vnum allatum fuisse viuum mihi retulit magnus interpres, quem vix duo possent cameli simul, vti boues araturi, coniuncti, tergo sufferre. Alius eodem tēpore magnæ molis crocodilus in regione quæ Nilo adiacet, nomine Sætum, tres infantes in quodam rure Niliaco è cunis raptos deglutiuit. Captus tamen, modo quo diximus capi solere, fuit interemptus: euulsosq; infantes vix adhuc exanimis fuisse sepultos, referebatur. Ijsdem diebus ex vtero alterius irretiti ac trucidati arietem ferè integrum voratum, ac vnam dilaceratæ mulieris manum, armilla adhuc extante ænea, se extraxisse quidã accolæ perhibebant. Habitos enim, quando cunq; curæ nō sit ad urbem eos afferre, excoriant: cūm vtile ad multa medicamenta crocodilorum abdomen esse didicerint. Nec desunt etiam, qui corium illorum quæritent, quod est adeò durum, vt neque sagitta transfigi possit. Testudinei nanque conchylis ferè duritiem æmulatur: quanquàm non eam habeant à natura corporis formam: est quippe crocodilus lacerto, quem vestrum idioma Lagartum appellat, persimilis, sed rostro porcino, collo reductissimo, dentibus albentibus, feris, oblongis, dorso squamis (vt diximus) durissimis armato, cauda breui, crassa, in turbinem à corpore desinenti, non vti in cæteris quadrupedibus, sed vti in piscibus cernimus: lacertis breuibus, vnguibus rapacissimis: vrsinas diceretis crocodili manus, pedesq; nisi huic essent squamæ, illi autem villosi: colore flauo, ventre verò

subalbido, nec tantæ duritie. Crocodilos præ-
tereà zelotypos & amantissimos vxorum, aiunt
Aegyptij: quod hoc experimento comprobârunt.
Iisdem ferè temporibus, quibus ego regiones il-
las peragrabam, nautæ quidam adnauigâdo cum
cernerent crocodilos coeuntes in insula Niliaca,
quam fluuij decrementum siccam reliquerat, ad
eos cum ingenti strepitu ac minitantibus similes
descendunt. Indè masculus primo impetu perter-
ritus, relicta vxore resupina, sese præcipitem in
fluuium dedit. Resupinat enim illâ masculus, &
in ventrem deuoluit: cum ipsa ob crurum breui-
tatem per se minime queat, atque ità relictam
eius vxorem nautæ interimunt, auferuntq;. Cum
verò masculus rediisset, vxore non reperta, con-
spectoq; in arena sanguine, peremptâ & ablatam
coniectatus, ad nauim aduerso Nilo ira concitus,
velutî rabidus, despumans natando percurrit:
ratem vnguibus tenacissimè compréhédit, omni
conatu nititur suû oblitus, nautas perempturus,
intra nauim prosilire. Verùm enim fustibus ac te-
lis nautæ illum in caput alij, alij in digitos quibus
sese suspendebat, ità concusserunt, vt attritis ma-
nibus, capite quassato, linquere prouinciam, quâ
sumpserat, coactus fuerit. Timuère tamen nau-
tæ non mediocriter. De crocodilis & incremen-
to Nili, iam nimis multa. Quarè vt ad iter, vnde
vagans exilieram, rediens, epistolam claudere
tandem valeam, quid mihi post hæc cum Solda-
no successerit, exarabo. Nono Kal. Martij in sum-
ma populi corona & Mameluchorû spectaculo,
ad Soldanû tertio vocor. Accedentem me huma-
nissimè ac serena fronte cōpellat: sese denuò, su-
a q; omnia palàm offert: vestem cōcordiæ signum
mihi iubet afferri: oratoribus nanque omnibus à
Sol-

à Soldano ex ipsius arce discedentibus, ex more gentis, vestis exhibetur. Sed cymatilis tantum, aut ex simplici serico, linea tela supplicato. Mihi autem, ut fraternum insolubile foedus, me iacente, vobiscum iniisse adstantes suspicarentur, ex auro intexto miraque arte, uti videbitis, cum Arabicis literis insutis laboratam, arminijsque candentibus magno emptis suffultam, dono dedit. Aulicis deinde suis, ut sic indutum per urbem ad usque meum contubernium comitarentur, imperavit. Per latam quandam planitiem ex industria inter principum Mahometæ legis sepulcra, quæ nemini Christiano perambulare licet impune, ab ipsismet ducor. Illa non pyramidea, ut Aegyptij quondam construere solebāt, sed haud secus ac generales suæ Meschitæ structura fabricantur. Intra hæc suo & ipsi Mahometæ, quem paracletum à Christo vaticinatum garriunt ac fabulantur, sacerdotes instituunt, qui suo ritu sacra ibi in ipsorum peragant memoriam. Circumeunt autem superba hæc dominorum sepulcra, clientum ac filiorum & pellicum sub dio tumuli: ad suorumque quisque sepulcra quotquoque die Veneri signato (is enim est Mahometæ dies festus) sacra pro ritu eorum dicturus graditur: sepulcræque asspersione frigentis aquæ, cum ramis frondentibus & odoratis herbis, defunctorum umbris hæc profutura credentes, suo more salutant. Ego igitur ea via domum rediens, expedita per famulos à manibus, quæcunque postulaueram, chirographa recepi. Ad discessum me iam accingo. Impensa Soldani, nauigia parantur. Nilum Alexandriam versus denavigaturus, tertio Kal. Martij, letus, iisdem qui me adduxerant, mecum redeuntibus, conscendo.

do. Alexandriam quarto nonas Martias perrexī.
A prorege honorificè suscipior. Id enim per
præcursores à suo principe in mandatis habuit:
aliter nanque eam minimè curam fuisset comple-
xus, cū nihili penitus faciant omne Christia-
norum genus: seseq; solos viuere in orbe terra-
rum qui strenui sint atque imperio digni, arbi-
trentur: ludibrioq; sibi cedere ducant, Christia-
no cuiquam honorem exhibere. Sed attendite
catholici principes, cur nos Barbarum ac sylue-
stre ab incunabulis hoc genus hominum ita par-
uipendat, quibus ve argumentis innixa gens hæc
imperita, nullius virtutis particeps, immersa
cœnosæ libidini, detestandis erroribus implici-
ta, rationis penitus expers, hoc de se, illud de no-
bis, sibi posse persuadere existimet. Quater par-
ua manu ingentes Turcarum copias Mameluchi
profligârunt: propterea de se nimium sibi cre-
dunt. Christicolas autem omnes duabus rationi-
bus penitus cōtemnunt. Cū nanq; mercatores,
qui ad eos assidue cōmeant, ingentesq; opū acer-
uos inutilium aromatum & effœminantiū viriles
animos gemmarū permutandarū gratia impor-
tant, opprobriosa ferre passim ludibria, ignomi-
nias, contumelias, iniurias, lucri gulosa rabie ca-
ptos videant: cū nacti occasionem quamcunq;
leuem, nobiles etiā Venetos (quos Barbari, quia
ex vicino ceteris negociatoribus opulētiores esse
cognoscunt, Christianorum principes arbitran-
tur) catenis, carceribus, tormentisq; interdum,
vt eos expilent, quotidie premant: patienterque
omnia lucri causā tolerare conspiciant, viles ef-
se ac nullius momenti homines, Christianos
omnes autumant. Sed tum præcipue, quod in
Christianorum principum dedecus cedit, fronte
rugo-

rugosa nasoq; adunco quantulumcūque plebeij,
prætereuntibus nobis irrident ac subſannant, &
eam quam ſibi imbiberunt arrogantiam confir-
mant, quandò ipſis ſubit in mentem, ſe noſtrę fi-
dei domum initialem, nobis inuitis & ſilentibus,
ſub ſua ditione per tot iam ſecula impunè, indiès
collabentem, retinuiſſe: nec auſos vnquàm Chri-
ſtianos fuiſſe, de illa è manibus eorum redimen-
da, cogitare. Iure igitur merito nos, qui rerū do-
mini quondàm eſſe ſolebamus, ab immaniſſimis
& truculentis Barbaris ità negligimur. Hæc vo-
lui, catholici principes, in epiſtolæ calce recen-
ſere: non quò putem orationis meæ calcaribus
addere quicquam poſſe vobis, qui à primis vn-
guiculis de expurganda, tutanda, protendendaq;
quam profitemini, religione ſentētiam induiſtis.
Nulli enim alteri rei, magis vnquàm, poſt intra
Europæ limites ſtratas Maurorum vires, inuigi-
lāſtis, quàm de traijciendo in Mahometæos in
Africam exercitu: feciſſetis que iandudū, ſi per
aliorum inſatiabilem & inexhauſtam imperij cu-
piditatem licuiſſet. Sed ira concitus, cū iſta vi-
deam noſtra accidere deſidia, remq; Chriſtianam
indiès magis ac magis inſtinis ſeditionibus in-
deterius labi conſpiciam, impatiens euomo. In-
tercludatur tandē exundās nimium hic noſter
riuulus. Galeaceas adhuc ſtare in ancoris eaſdem,
quæ me tranſmiſerant, reperi. Dum hæ ſua per-
agunt cōmercia, in Europā renauiigante Venetias
verſus nauigiolo, cui me credere nō fuit conſili-
um, tertiā hanc ad catholicā veſtrā maiestatē do.
Cætera ego ipſe viua voce, ſi per piratas, per ma-
ris irā, per incolumitatē licuerit, corā relaturus.
Felicibus intereā viuant auibus, precor. Ex vrbe
Alexādria Aegyptia, quarto Nonas April. M. D. II.

DAMIANI

U. 11. 111.
cūque plebei,
ablatant, &
ntian confir-
n, fenotus fi-
& filenribus.
pūne, indies
equam Chri-
m redimen-
quiterū do-
manisimis
r. Hac vo-
alce recen-
calcaribus
rimis vn-
ndensiaq,
indultis.
pōt intra
& mūg-
retas in
m, ū per
perjūci-
m dīa vi-
ſumam
mōus in
no. In-
molter
idem,
a per-
metas
onūli-
tē do-
er me-
mrus.
xvrb
D. II.
LANI

